

**SEVENTH LEGISLATIVE ASSEMBLY OF MIZORAM
(FIFTH SESSION)**

LIST OF BUSINESS

FOR SECOND SITTING ON WEDNESDAY, THE 18th MARCH, 2015
(Time 10:30 A.M. to 1:00 P.M. and 2:00 P.M. to 4:00 P.M.)

OBITUARY

1. **Pu LAL THANHAWLA** to make obituary references on the demise of the following dignitaries :
 - 1) Pu T. Hranghluta former member of Legislative Assembly of Mizoram.
 - 2) Shri G. Karthikeyan, Speaker, Kerala Legislative Assembly.

QUESTIONS

2. **Questions** entered in separate list to be asked and oral answers given.

DISCUSSION ON MOTION OF THANKS

3. Discussion on motion of thanks on the Address of the Governor (to be concluded).

NGURTHANZUALA
Secretary

....

DEPUTY SPEAKER : ‘Heng thu hi in hnenah ka sawi tawh hi, keimahah hian in thlamuanna turin. Khawvelah hian hrehawmin in awm thin; nimahsela thlamuang takin awm rawh u, keiin khawvel ka ngam ta’, a ti a.

(Johana 16:33)

Vawiinah hei vanduaithlak takin sun tur pahnih kan nei hlauh mai, chungte chu - Pu T.Hranghluta, he House-a kan thawhpui thin leh Pu G. Karthikeyan, Speaker, Kerala Legislative Assembly tanglai te an ni a, a vanduaithlak hle mai. Kan House Leader leh kan Chief Minister ni bawh Pu Lal Thanhawla sunna thu sawi turin i lo sawm ila.

Pu LAL THANHAWLA, CHIEF MINISTER : Pu Deputy Speaker, i sawi tak ang khan vawiinah helaia kan thawhpui thin bakah kei phe chu mimal taka ka thian tha Pu T. Hranghluta sunna thusawi a ngai ta mai hi lungchhiat thlak leh paw ka ti takzet a. A chanchin tawi ka’n sawi zawk ang a. Pu T.Hranghluta, Ex-MLA hi ni 21.12.2014 tlai dar 5:00-ah Aizawl Civil Hospital-ah a boral a, kum 76-a upa a ni. Pu Hranghluta hi a thian tha te chuan ‘Pa Hrang’ an ti mai thin a. Pu Runluia Thianhlun (L) leh Pi Sangriai Kingbawl te fa pathumna niin kum 1939 January ni 4-ah Chawnhu khuaah a piang a, pianpui unau mipa 5 leh hmeichhia 2 a nei.

Kum 1970 January ni 20-ah Pi Hmingthansiami Chinzah, Rev. C. Thanghmuna (L) fanu nen Bualpui (Ng) Biakin-ah Kohhran dan puitlingin an innei a, fanu 3 an nei a ni.

Zirna lamah chuan kum 1960-ah matric a pass a, kum 1961 hian Region High School, Lawngtlai-ah zirtirtu hna a thawk a. Zir zawm turin kum 1962-ah Shillong-ah chhukin, kum 1963-ah IA a passed a, Shillong lama a zir chhungin LDC hna a thawk pah a, mahni leh mahni inchawmin a zir a ni. Kum 1966-ah BA a zo a, zirna a zawh hnu hian Mizoram-ah kum 1969-ah lo chhuakin kum 1971 April ni khat thleng Region High School, Lawngtlai-ah zirtirtu hna a thawk leh a. Kum 1971 April thla hian Pawi - Lakher Regional Council hnuaiah Revenue Officer hna a chelh leh a ni.

Kum 1972 atangin politics-ah a lut a, Kum 1977 khan Pawi District Council inthlannaah Lawngtlai South Bial atangin MDC atan PC party ticket-in thlantlin a ni a. Chief Executive Member nihna kum thum leh thla kua chhung a chelh a, kum 1982 - 1987 chhung Lawngtlai South Bial atang bawh hian MDC atan PC party ticket bawkin thlan tlin a ni leh a, he term chhung hian Opposition Leader a ni bawh. Tin, Lai National Union-ah President a lo ni tawh a ni.

Kum 1990-ah MNF Party a zawm a, kum 1993 November thlaa Mizoram Legislative Assembly in thlan na ah MNF party ticket-in Lawngtlai Constituency atangin MLA atan thlan tlin a ni a. Kum 1994-ah bial mipuite nawrna avangin Congress party a zawm a, Mizoram KVI Board-ah Vice Chairman atan dah a ni.

Kohhrana a rawngbawlina :- Kum 1957-ah Baptisma changin kum 1962-ah a piangthar a, kum 1968-ah Shillong Mizo Kohhranah rawngbawltu atan lak a ni. Tin, kum 1977-ah Mizoram Baptist Kohhran Chandmari Lawngtlai Upa atan thlan tlin a ni a, hemi kum vek December thla hian Tawipui 'S' Area Church Council-ah Rev. V. Lalzawnga'n Upa atan a nemnghet (Ordained) a ni. Lairam Isua Krista Kohhran Asembly-ah Chairman hna vawi 6 chelh tawhin Bial Chairman vawi 2, tualchhung Chairman vawi 3, Local Pastor term 3 leh Assembly Committee hrang hrangah committee member-te a lo chelh tawh a ni. A thih ni thleng hian Lairam Isua Krista Baptist Kohhran College Veng Local Church-ah Local Pastor hna a chelh a ni.

Upa T. Hranghluta nat dan hi dt. 19.11.2014 hian a kawng na avangin inah a awm a, a ding tur chu bathroom-ah a che buai deuh a, hetia a chet buai takah chuan a nupui nuta Rev. Dr. C. Lalmuankima leh Pu C. Thatkunga, MCS, a nuphal ten bawisawmin, a dinhmun a serious em avangin Aizawl-ah an tlanpui nghal a. Civil Hospital-ah admit nghal a ni a, natna chi hrang hrang: lungna, kalna, thin lian, septicemia natna ten a tlakbuak a, Doctor leh Nurse ten a nunna chhanhim tuma theih tawpa beiin, beiseina sang tak an neih laiin a nupui fanau te, chhungkhat laina te leh kohhrana a rawngbawlpui te chu, a rawng a bawl sak thin Lalpa hnenah chawl turin ni 21.12.2014 tlai dar 5:00 khan chatuan ram min lo pansan ta a ni.

Pu T.Hranghluta hi pa tha tak, pa kawm nuam tak, pa zaidam tak a ni a. Keini tehlul inah pawh vawi 2/3 a lo thleng ve tawh a, chutianga inhmelhriat tha chu kan ni a. Pa zaidam tak, tawng tam lo a ni a. Tin, khawtlangah leh kohhranah kan sawi tak ang khan inhmang mi a ni a, kohhran behchhan tlat reng mi a ni. Politics a khelhnaah pawh mi te tana pawisawi lo, thudik ngaina mi, pa nuntluang tak, takna a nung a ni a. Hetianga mitha kan ramin kan lo chan ta leh helaia House-a kan lo thawpui thin tawh ngeiin min lo boral san ta hi he House tan chauh ni lo, Lai fate tan chauh ni lo, Mizoram pumpui tan channa rapthlak tak a ni a. Vawiinah Pu Deputy Speaker, hetiangah amah sunna hun i rawn ruat hi a lawmawm ka ti takzet a, he hunah hian Pu T. Hranghluta, duh taka 'Pu/Pa Hrang' kan tih thin sunna thu han sawi a tul ta hi pawh ka ti takzet a, he House hian kan sun tlang ngeiin ka ring a ni.

Pu Deputy Speaker, pahnihna hi ka ti nghal dawn nge? (Deputy Speaker : A rualin ti nghal mai rawh.)

Pu Deputy Speaker, Pu G.Karthikeyan, Speaker of Kerala Legislative Assembly hi ni 7.3.2015 (Inrinni) zing lam dar 10:30 ah Health Care Global (HCG) Hospital, Bengaluru-ah kum 66 mi niin a boral a ni. Helaia thu tam tak hian kan hriain ka ring lo a, hmuh pawh kan hmu kher lovang a, amaherawhchu, a mimal tak pawhin kan inhria a. Congress party-ah pawh rei tak lo awm tawh, inkhawm nikhuaa in hmu zauh zauh thin kan ni a, inkawmngleihna tak pheih chu thian dangte angin kan neilo a.

Pu G.Karthikeyan hi Pu N.P. Gopalla Pillai leh Pi L. Vanajakshy Amma te inkarah January ni 20, 1949 khan Varkala, Kerala khua-ah a piang a, Dr. M.T. Sulekha nen inneiin fapa pahnih an nei a ni.

Zirna lamah chuan B.A., LL.B a ni. Kum 14 a nih atangin Student Movement-ah a lut a, zirlai a nih chhungin heng nihna te hi a lo chelh tawh a ni: Unit President atangin State President, Kerala Student Union (KSU); Kerala University Senate-ah Member; Secretary, Kerala University Union; General Secretary leh State President, Youth Congress; General Secretary leh Vice President, Kerala Pradesh Congress Committee (KPCC); Member, AICC a ni bawh a ni. Congress Legislature Party-ah hian Chief Whip leh Deputy Leader hna pawh a lo chelh a ni.

Pu G.Karthikeyan hi Kerala Legislative Assembly-ah tum 6 lai thlan tlin a ni tawh a, kum 1982-ah Trivandrum North atangin thlan tlin a ni a, 1991, 1996, 2001, 2006-ah Aryanad atangin a zawnin term 4 thlan tlin leh a ni. Tin, kum 2011-ah Aruvikhara bial atangin hneh takin a tling leh bawk a ni. Pu A.K. Anthony sorkarna hnuaiah kum 1995-ah Power & Electricity Department hna te a chelh tawh a, kum 2011-ah Food & Civil Supplies Department leh Devaswom & Culture-ah Minister hna a lo chelh tawh bawk a ni. June ni 2, 2011-ah Oomen Chandi tuna Kerala Chief Minister ni mek sorkar hnuaiah Speaker hna a chelh a, mi taima tak a ni a, khawtlang rawngbawlina lamah mi tangkai tak a ni. Party tan pawh hian a thawh hlawk hle a ni. Lehkha chhiar hi a peihin thuziak lamah pawh a tui hle a. A thuziak (Articles) te pawh hi Magazine-ah te pawh chhuah thin a ni.

Pu G.Karthikeyan hi kum 2014 kum laihawl atangin a insawisel tan a, thin cancer a ni tih hmuh chhuah a nih hnuin kum 2014 khan Myo Clinic Rochester (USA) ah hun engemaw chen enkawl a ni a. India-a a rawn let leh hnuin February ni 19-ah Health Care Global, Bangalore-ah admit leh a ni. Doctor leh Nurse ten theihtawp chhuahin an enkawl a, that lam a pan tak tak thei chuang lova, March ni 7 Inrinni khan Hepato Cellular Cancer (Liver cancer) natnain zinglam dar 10:30 khan min lo kalsan ta a ni.

A thi tih hriat a nih veleh Kerala state sorkar-in a thihni leh a tuk Pathianni-ah Hnam Puanzar pawh a ngul chanve ah an khai a. Tin, Kerala state sorkar-in seven day mourning (ni sarih chung) sunna an puang nghe nghe a ni. A ruang hi special aircraft-in Kerala-a a bungalow-ah lak luh a ni a. Chawlhni zing dar 9:00-ah Assembly Member Lounge-ah dah phawt a ni a. Dar 10:00-ah KPCC Office-ah party workers ten an uizia lantir nan zahna chibai an buk leh a. Dar 11:00-ah a ruang hi Secretariat Durbar Hall-ah luhpui a ni a. Chhun dar 12:00-ah ama bial Aruvikkara-ah kalpui lehin hemi hnu hian Aryanad Higher Secondary School-ah mipuiten chawimawina hnuhnung an hlan leh a. Ni 8, March Chawlhni tlai dar 6:00-ah Shanti Kavadam-ah a ruang hi kalpui lehin dar 6:00-ah Thycadu ah vuiliam a ni.

Kan sawi tak ang khan Pu G.Karthikeyan hi helaia member zahawm takte hian kan hre viau lo mai thei a, mahse, Congress-ah hian an state-ah mi tangkai

tak a nih avang hian meeting-naah te kan inhmü thin a. Pa kawm nuam tak, mi hmelhriat tum mi a ni. Vai tam tak inti milian deuh hi chuan keini ang mi naran ve mai hi chu mi hriat tum reng reng lo hi tam tak an awm a ni, a ni chu chutiang a ni ve lova. Tin, kan Governor kal ta Pu Vakkom Purushothaman pawh khan a chungchang hi a sawi thin a. Ani kha Speaker a lo nih tawh avangin, tuna Speaker a nih chungchangah pawh hian a fakna thu a chhakchhuak thin a ni. Hetiang state pawimawh taka mi pawimawh tak kan lo chan ta hi channa rapthlak tak a ni a. Vawiinah he House-ah hian kan Deputy Speaker-in sunna hun a rawn hawng hi thil tih awm tak a ni a. Amah sunna hetiangah hun kan nei hi a lawmawm ka ti a, hre lo tan pawh a chanchin kan hriat atang ringawt pawh hian mi ui awm tak a ni tih a hriat theih a ni. Ka lawm e.

DEPUTY SPEAKER : Opposition lam atangin Group Leader Pu Vanlalzawma i lo sawm ang.

Pu VANLALZAWMA : Pu Deputy Speaker, ka lawm e. Kan ngaihthlak tawh ang leh kan House Leader-in a sawi ang khan vawiinah he House zahawm taka kan member hlui Pu T. Hranghluta sun a lo ngai a, sunna hun kan lo hmang ta mai hi Opposition lam pawhin pawl kan tiin a chhungte leh a lo thawhpui thin, a bik takin LADC hnuai a lo thawhpui, ram tana a lo thawhpui thin zawng zawng te hian thinlung leh tihtakzetin kan tuarpuiin kan ui takzet a ni tih ka'n sawi duh a.

A thlarau hi hahdam takin tunah a chawl tawh ang tih kan ring a. Tukin zingah he hun kan hmang dawn a ni tih ka hriatin kan party President Pu Zoramthanga pawh kan zawt a. 'In thawhho lai khan eng ang mizia nge maw a nih le?' ka ti a. Ani chuan 'E, pa tha tak a ni, thawhpui pawh a nuam, a zaidam thlup mai a, a bula awm a hahdam thlak hle a ni' tih min hrilh a. Mimal takin kan inhre chiang ve lutuk lova, amaherawhchu, tum hnih chianguang takin kan inhmü a.

Pu Hranghluta hi KVI Board Vice Chairman a nih lai khan kan House Leader hi Buarpuiah kan zui ho a ni, YMA programme-ah YMA-a ka la awm lai a ni a. Chutah chuan a motor-ah kan chuang a, kan inkawm kan inkawm a, pa kawm nuam tak mai, pa pui tak mai, pa induh miahlo a ni tih ka hria a. Tin, 1999 MO campaign-a

kan pheii lai khan Lawngtlai ah hian kan pawl lam campaign director kha a lo ni a, tahchuan mi a lo thlamuan hneh khawp mai a. A bula awm a nuam a, theihtawpin hma a la a, min lo thlamuan a, ka hre reng thin a. Lawngtlai campaign a kan lut kha chu a boruak kha a sang angreng khawp mai a, amaherawhchu Pu Hranghluta khan ‘hma kan han la ve ang a, a tha mai ang,’ a ti a. Inthlan result a han chhuah kha chuan a sawi ang tak mai khan thil a lo thleng ta a. Khang kha amah ka’n hriat ve dan a ni a.

Tin, a chanchin mi han zawh reng rengin Kohhran rawngbawltu tha, Pathian ring mi a ni a. Tin, ram tan rawng a bawlnaah hian pa rintlak leh thawhpui nuam tak a ni tih hi kan ngaithla zel a. Chutiang mi vawinah sun a lo ngai ta hi keini lam pawl, opposition group lam pawhin kan ui takzet a, a chhungte kan tuarpui takzet a ni tih kha tawitein ka’n sawi ve ni sela.

Tin, kan sun tur dang leh kha Pu G.Karthikeyan-a kha mi tam tak hian kan hre lo vang a. Amaherawhchu, Kerala Assembly-ah Speaker tang lai a ni a, Speaker atana mi rintlak leh rinawm kha chu pa ui awm tak, pa tha tak a ni ang tih a rin theih a, keini lam group pawhin kan uiin a chhungte kan tuarpui takzet a ni tih kha kan sawi ve duh a ni. Ka lawm e.

DEPUTY SPEAKER : Le, member ten uina thu leh an chanchinte sawi duh kan nei theuh ang a, phar te pawh in awm a, member zahawm tak Pu Ngunlianchnunga pawh a rawn phar a. Amaherawhchu BAC-ah kan ngaihtuah a, hetiang obituary hun hi Parliament-ah pheii chuan Chair atangin an chhiarchhuak tawp a, he hun hian Question Hour a va nek chep zel tih kan hriat a tha. Chuvang chuan sawina hun hawng ila, kan sawi duh theuh awm si a, kan aiawh House Leader leh opposition Group Leader-in an sawi tawh a, chu chu duhtawk mai ila, member ten inhriatthiam kan duh a ni.

Awle, tunah chuan kan thawhpui Pu T.Hranghluta, MLA leh Pu G.Karthikeyan sunnan ngawi rengin Member-te minute khat i ding ang u.

Kan business dangah kan kal ang a. Question kan la ang a. Zawhna pakhatna zawt turin Pu Lalthanliana i lo sawm ang.

Pu LALTHANLIANA : Pu Deputy Speaker, ka lawm e. Ka zawhna hi School Education Department changtu Minister zahawm tak chhan tur atan ka siam a ni a.

- (a) Aided Teacher te hi tun hnaiah regularize tum an ni em?
- (b) Regularize tum ni ta se engtikah nge?
- (c) Regularize tum ni ta lo se eng dinhmunah nge dah tum an nih?
Ka lawm e.

*Speech not corrected

DEPUTY SPEAKER : Chhang turin Minister zahawm tak Pu H. Rohluna i lo sawm ang u.

Pu H.ROHLUNA, MINISTER : Pu Deputy Speaker, member zahawm tak Pu Lalthanliana zawhna chhanna chu -

- (a) Aided Teacher te hi regularize tum an ni a, hmalak mek a ni.
- (b) Regularize tur hian DP&AR leh Finance Department te phalna a ngaih avangin a hun sawi theih a ni lo.
- (c) Regularize tum an ni, tih a ni.

DEPUTY SPEAKER : Zawhbelhna a awm lo maw, Pu Lalruatkima.

Pu LALRUATKIMA : Pu Deputy Speaker, khawngaihin a changtu Minister zahawm tak khan a chan Department chhung tho a ni a, kan session a rei dawn loh avangin zawhna pakhat ka'n neih belh a, chhang thei tho turin ka ngai a. RMSA hnuaiia Laboratory Assistant leh clerk mi 366 te hi tun hnaiah tihtawp tum an ni em? Heng mite hi chhungkaw chawmtute an ni a, tin, loan te an lo la a. Tihtawp ni ta se sorkarin engtin nge anni hi enkawl zui zel a tum tih kha ka zawt e.

*Speech not corrected

DEPUTY SPEAKER : RMSA lam a ni a, a chhang thei em Minister-in, i lo sawm ang.

Pu H. ROHLUNA, MINISTER : Pu Deputy Speaker, RMSA hnuuia Lab. Attendant leh School clerk an zavai chuan kan hriat dan chuan 366 an ni a. Chu chu kuminah India ram pumpuia hian RMSA in budget-ah pawisa an neih tlem avangin Project Approval Board-in India ram pumpuia heng Lab. Attendant te leh School clerk ho hi chawlh tir vek tur tih a ni a, Order chiah erawh chu kan la hmu lova. Mahse PAB-a an sawinaah khan helaia kan officer te pawh an tang viau a, mahse State pakhat mai tan in awmzia a nei thei chiah lova. Chuvang chuan India ram pumpui thil a ni a, keini pawhin beiseina a la awm theih takin tiin hemi thu kan hriat hnuah pawh, PAB an neih hnuah pawh Union Human Resources Development Minister-ah mimal tak pawhin anni case bik hi ziakin kan thlen a. Kan Parliamentary Secretary zahawm tak Pu Joseph Lalhimpuia'n a keng thla nghe nghe a Delhi-ah, Secretary te pawh a zuk sawipui tawh a. Amaherawhchu, State mal bik in a han kalpui ngawt theih a nih rih loh avangin hei hi ngaihtuahna thar central lamin an neih hma chuan keini ah hi chuan 366 lai an ni a. Tun maiah an dinhmun tur hi State sorkar atang hi chuan kan sawi theilo a ni.

DEPUTY SPEAKER : Zawhna neitu Pu Lalthanliana i lo sawm ang.

Pu LALTHANLIANA : Pu Deputy Speaker, ka zawhna kha 'tum a ni' tiin min chhang a, lawmawm ka ti khawp mai a. Tawite ka'n sawibelh duh chu Aided Teacher te hi Mizoramin hun harsa kan tawh lai vela lak te kha an ni a, tlawmngaia thawkte an ni a. Tunah hian ka lo hriat dan chuan mi 47 vel chauh hi regularize loh an ni tawh a. An kumte a upa tawh si a, hmanni lawkah pawh mi 5 kha loh theih lohin an han pension a. Regularize tum a nih chuan hmanhmawhpui hi a va han tha em aw! ka ti a. An kum a tam tawh si a, an senior tawh si a, an lainatawm khawp mai hian ka hria a. Chuvang chuan an tum thu min hrilh tawh tho tho nain ka hmanhmawhpui em em mai a, hmanhmawh deuha hma rawn la turin ka ngen a ni.

*Speech not corrected

DEPUTY SPEAKER : Ngenna a ni e, zawhbelhna a ni lova. Starred Question no. 2-na zawt turin member zahawm tak Er. Lalrinawma i lo sawm ang.

Er. LALRINAWMA : Pu Deputy Speaker, ka lawm e. Ka Starred Question No. 2-na Labour, Employment & Industrial Training Department changtu Minister zahawm tak hnena ka zawhna chu -

- (a) Mizoram Youth Commission-in Mizoram pawna training tura a tirh te zinga mi engzatin nge hna hmu tawh?
- (b) Heng zingah hian mipa leh hmeichhia engzat nge awm tih ka zawt e.

DEPUTY SPEAKER : Chhang turin a changtu Minister zahawm tak Pu Lalrinmawia Ralte i lo sawm ang.

Pu LALRINMAWIA RALTE , MINISTER: Pu Deputy Speaker, Tuikum bialtu zahawm tak Er. Lalrinawma zawhna Starred Question No. 2 chhanna chu-

- (a) Mizoram Youth Commission-in Mizoram pawna training tura a tirhte zingah mi 85 ten hna an hmu tawh tih a ni.
- (b) Heng zingah hian mipa 20 leh hmeichhia 65 an awm a, 1st Batch-ah hmeichhia 25, 2nd batch-ah mipa 20 niin IQST, Guwahati-ah hmeichhia 40 niin, an vaiin 85 an ni e.

DEPUTY SPEAKER : Zawhbelhna a awm em? Er. Lalrinawma.

Er. LALRINAWMA : Pu Deputy Speaker, ka lawm e. Ka zawhbelhna chu - hmeichhiate thawhna hi eng firm te nge tih leh a him tawk em, sorkar hian endikna a nei em tih a ni a. Chumi pahnihnaa ka'n zawhbelh lehna chu anmahni chan tho a ni bawk a, Mizoram sorkar department hrang hrang hian CCS hnuaiah te pawh tender hrang hrangte a ko a. Heng an tender document-ah te hian Labour Welfare chungchangte hi a fel tawk em tih leh endik a ni thin em tih kha ka zawhbelh lehna a ni e. Ka lawm e.

DEPUTY SPEAKER : Zawhbelhna dang a awm em? An chhan hnua zawh leh thin kha kan kalphung a nih loh kha in hriat ka duh a. A chhang a, a dang rawn tih

leh a kha. Zawhbelhna nei chuan tunah hawn laia zawh tur a ni. Awm lo maw. Chhang turin a changtu Minister i lo sawm ang.

Pu LALRINMAWIA RALTE, MINISTER : Pu Deputy Speaker, ka lawm e. Zawhna neitu MLA zahawm tak Er. Lalrinawma zawhbelhna chungchangah khan placement an ti a, kan intirh dan hi Pu Deputy Speaker, fiah deuh hlek, chipchiar deuha chhan theih ni pheih se chuan a chakawm viau a, amaherawhchu, a rem lova.

Kan intirhna scheme hi Skill Development Initiative Scheme tih a ni a. Ministry of Labour & Employment nen Industry lam nena inthluntawn kualna thil tih a ni a. Tun hnaia National Skill Qualification Framework an tih ‘comply’ fel thlapa thil tih a ni a; training lam component hrim hrim hi chu. Tin, SDIS hnuiaia training senso hi Ministry of Labour & Employment-in a re-imbursed a ni a, State sorkarin kan senso a awm vak lova, tunah hian tam tak kan train chhuak tawh a ni.

Tuna zawhna kha a pawimawh a. Hei, Youth Commission hnuai chauh a rawn zawt a, Youth Commission hnuai lovah pawh hian SDIS hnuiaiah hian tirh chhuah kan nei a. Chung zinga mi 450 lai chuan vai ramah, phaiah khuan hna an hmu tawh a ni. Tin, a tirah chuan report hi kan dawng a, kan han record ve a. Amaherawhchu, certificate tha tak nei an nih tawh avangin a then Singapore-ah te an lo kal daih a, a then Dubai-ah te an thawhna an lo sawn a. Kan zu control vek thei tawh lova, kha kha chu mimal thil a nih tawh avangin. A zawhna taka kha Pu Deputy Speaker, kan hriat theih chinah chuan thawhna him lo ang chi hi a awm lova. A bik takin Airlines te, Hotel lian Five Star Hotel chin a ni tlangpui a. Tin, ‘In-house Training’ mumal tak te nei a, engemaw chen an training hnuah an tling chho zel a nih chuan an hlawh te pawh san tur tih a ni a. Kan hriat theih chinah chuan a tawi zawngin central sorkar leh industry lam sector te leh state sorkar ten kan hriatpui tlan a thiltih a nih avangin a thawktu ten a hlawh thu ah lungawi lohna an neih avanga an phunnawina emaw, an duh leh lohna erawh hi chu thudang a ni a, chu chu a awm nial a, chutiang thu lo ah chuan him lo ang chi, humsual han dai mai hlauhawm ang chi kha chu a awm lo in kan hria.

DEPUTY SPEAKER : Starred Question....

Er. LALRINAWMA : Pu Deputy Speaker, min la chhang kim lova, ka zawhna pahnihna lai tak kha.

Pu LALRINMAWIA RALTE, MINISTER : Pu Deputy Speaker, ka tihpalh a ni e, min lo ngaidam sela member zahawm tak khan. Heng labour hrang hrangte hi Labour Inspector tih angte pawh hi kan han nei ve bawk a. Amaherawhchu, Mizoramah hian un-organised labour tih ang chi hi a tam ber an nih avang hian mumal taka inenkawl leh inven hi a har khawp a. Entirnan, Migrant Labours te pawh hi Labour Welfare Fund hnuaiyah hian a hlawkna te tel ve thei tura register vek tur an nih laiin hnamdang, state dang atanga workers lo kal te pawh hi kan la register hlei thei lova. Duh thala khatia contract thawktuten an labour chhawrte dan ang taka an hlawh thu ah emaw, working hour chungchangah tih ang chi a va vil zui zelna lam hi kan la nei tha tawk lo khawp mai, tunah rih hi chuan. Chu chu kan hmalak chhohna mek a ni e, Pu Deputy Speaker.

DEPUTY SPEAKER : A fiah tawh lawm ni.

Er. LALRINAWMA : Deputy Speaker, hun min pek belh avangin ka lawm e. Hei hi State Project Director of School Education in RMSA-a an tender chhuah a ni a. He thilah hian pakhatmah mah labour welfare chungchang ziah a awm lova, an tender in pekna tur thu leh a rate tih a ni mai a. Chulaiyah chuan contract workah reng reng labour in harsatna tam tak tawk theiin, thihna hial pawh tawk thei a ni a. Chuvangin a changtu Minister zahawm tak hian min lo ennawn sak sela, CSS hnuaiyah heng hna an rawn pek, tender document te hi min lo bihchian sak thei sela a lawmawm hlein ka hria a. A chhan chu mi tam takin chhiat an tawk a, thihna hial te pawh an tawng tawh thin a. Chuvangin hetiangah engmah agreement awm lo, labour welfare pakhatmah ziah a awmlo lai hi..

DEPUTY SPEAKER : Ngawi lawk rawh. I lek lai kha RMSA tender i ti em ni? School Education a nih chuan Labour & Employment chuan sawi theih an nei lova, kha kha chu.

Er. LALRINAWMA : Pu Speaker, helai Labour & Employment an nihna angin Mizoram sorkar hnuaia labour welfare chu an enfiah tur a ni dawn lawm ni tih hi ka sawi duh a ni. A chhan chu sorkar a ni a, labour dinhmun te chu an va thlithlai ang a, an hnathawh dan kalphung leh khalai a kha an enfel turah kan ngai a, hei hi an document a ni.

DEPUTY SPEAKER : Document i rawn lek chhuak a, House-ah i pe dawn nge kha kha?

Er. LALRINAWMA : Mamawh a nih chuan ka pe nghal thei e.

Pu LALRINMAWIA RALTE, MINISTER : Pu Deputy Speaker, a dik e kha kha, kan MLA zahawm tak zawhna kha. Amaherawhchu, Building & Other Construction Workers Welfare Fund Scheme kha kan nei a, India ram pumah kalpui a ni a, Mizoramah pawh kan kalpui a ni a, cess te pawh khawn a ni a. Khata a hnathawktute an rawih kha, contract in a kaihhnawih labour te kha, anmahni khan Welfare Fund leh a kaihhnawih thihna pawh lo tuar se, Hospital-a dah ngaiin hliam lo tuar se, khatiang chi ang zawng zawngah khan Welfare Fund atanga kan chhawmdawlna tur scheme kha a awmsa vek a, anmahni zawk khan in register nachang an hriat loh thin hi a pawl lai tak a ni a.

Engpawh nise, MLA zahawm tak zawhna neituin a sawi ang khan, khang kha chu a labour registration hrim hrim pawh hi, a nachang kan hriat tawh loh avangin awmze nei miah lovin, lukhawng nei miah lovin, hnathawhna hmunah te kan labour te hi an la thi thin a, hliampui te an tuar thin a ni. Chungah tak chuan sorkarin sum a chhawmdawlna a pek theihna turin registration ti tur hian kan campaign thin a ni a, mipui atang hian hmun thenkhatah chhanna a that viau lain thenkhatah hian a tha tawh lova. Engpawhnise, khatiang construction work kaihhnawih labour va thawh tur zawng zawngte tan kha chuan Protection Scheme kha kan nei sa a. Chulai registration chu kan MLA zahawm tak takte pawh hun hmasaah khan kan Minister zahawm takin 'In bial chhungah awareness campaign lo nei teh u,' min ti thin a, kan ngaihlal lutuk lo thinin ka hria a. Tam takah chuan an in register tha lova, chu chu tunah hian registration drive kha beihpui han thlak leh kha kan tum mek a, anni lam kha kan lo

register a, kan lo venhim kha, tender kotuin a kohna zarah mi tupawhin hna va thawk ni se kha kha chu kan tih tur a ni ve a. Mahse mi duhlo chung register kha a theih bawk si lova, chulai tak chu kan hmalakna kal lai mek a ni a, kan lo enzui zel ang tih ka sawi duh bawk a ni.

DEPUTY SPEAKER : Ngawi rawh, a chhanna atangin kan ti zel dawn nge tunah khan i zawt mang lo a nia.

Er. LALRINAWMA : Pu Deputy Speaker, tawngkam hnih khat lek. Ka sawi tum lai tak zawk chu agreement ang chuan PWD a tender document-ah chuan workmen compensation leh thil dang tam tak an thil tel a. Tin, a labour te pawh hi contractor in insurance a pe tur a ni a, chulai te chu kan sawi zawk chu a ni a. Kha labour welfare chungchange te pawh an sawi a, khang thil kha chu a lawmawm a. Amaherawhchu ki hran deuh a ni tih kha ka sawi duh a ni. Ka lawm e.

DEPUTY SPEAKER : Question No. 3-na zawt turin Pu Lalruatkima i lo sawm ang.

Pu LALRUARKIMA : Pu Deputy Speaker, ka lawm e. Transport changtu Minister zahawm tak chhan atan ka Starred Question 3-na a, b, c, d ka zawt e.

*Speech not corrected

DEPUTY SPEAKER : Chhang turin a changtu minister zahawm tak Pu John Rotluangliana i lo sawm ang.

Pu JOHN ROTLUANGLIANA, MINISTER : Pu Deputy Speaker, Starred Question No. 3-na member zahawm tak Pu Lalruatkima zawhna chhanna chu -

(a) HSRP atanga revenue sorkarin a hmuh dan chu hetiang hi a ni:-

2012-2013	:	₹ 1,73,177.00
2013-2014	:	₹ 4,58,953.00
2014-2015	:	₹ 3,62,400.00 (upto January, 2015)
TOTAL	:	₹ 9,94,530.00

(b) HSRP supplier/contractor chu M/s Shimnit Utsch India Pvt. Ltd., 8th Floor, Regent Chambers, Nariman Point, Mumbai - 21 a ni e. Mizoram sorkar-in central sorkar approved contractor/supplier/firm-te atangin tender a kova, a chhang hniam leh chhang tlawm ber hnenah contract pek a ni.

(c) Motor bo tur veng vek thei lo mahsela, HSRP-ah hian non-replicable chromium hologram IND chuang a awm a, hei hi awlsam taka thlak theih a nih loh avangin engemaw chen a veng ve thei a ni.

(d) Awm e tih a ni e.

DEPUTY SPEAKER : Zawhbelhna, Pu Lalruatkima

Pu LALRUATKIMA : Pu Deputy Speaker, High Security Registration Plate siam chungchangah hian contractor hian a thawk tha tawkin kan hria em tih leh HSRP hi sorkarin tha a ti em tih leh guarantee kum engzatnge pek a nih tih ka zawt e.

*Speech not corrected

DEPUTY SPEAKER : Zawhbelhna dang a awm em? Er. Lalrinawma.

Er. LALRINAWMA : Pu Deputy Speaker, ka zawhbelhna chu motor hluih khan kan phut lo ve tih ang deuhin chanchinbuah kan lo hmu a, hei hi Supreme Court in motor hlui hi vuah loh kha a phal em ni tih ka zawhbelh e.

DEPUTY SPEAKER : A la awm em zawhbelhna, a awm lo maw, chhang turin Minister i lo sawm ang.

Pu JOHN ROTLUANGLIANA, MINISTER : Pu Deputy Speaker, motor hluih Supreme Court chuan tih vek tur a ti a, mahse motor hlui tak tak tawh a khatiang number plate thar han tih kha a buaithlak deuh avangin inhriatthiamnain kan tihluh tir ta lem lo a ni.

Tin, contractor-te hian tunah hi chuan an ti tha thawkhat e tih kha member zahawm tak Pu Ruatkima zawhna ka chhan lehna ni sela. Tin, hemi contract hi kum 15 atan signed a ni tawh a, hei hi chu tihdanglam theih a ni tawh lova. Kan sorkarin a that leh that loh lam sawi tur kan nei lo hei hi chu, Central sorkar atanga thuchhuak a nih avangin state zawng zawngin India ram pumpuiin an zawm vek a ni e. Pu Deputy Speaker, ka lawm e.

DEPUTY SPEAKER : Question No 4-na zawt turin member zahawm tak Dr. K. Beichhua i lo sawm ang.

Dr. K. BEICHHUA : Pu Deputy Speaker, ka lawm e. A changtu Minister zahawm tak Rural Development Department hnena ka zawhna Starred Question no. 4 a, b, c, d kha ka zawt e.

DEPUTY SPEAKER : Chhang turin a changtu Minister zahawm tak Pu R. Lalzirliana i lo sawm ang.

Pu R.LALZIRLIANA, MINISTER : Pu Deputy Speaker, member zahawm tak Dr. K. Beichhua zawhna chhanna chu:-

- (a) Tun dinhmunah Mizoram District hrang hranga Job Card nei awm zat chu 2,14,324 an ni.
- (b) Mizoram-in MGNREGA hnuai hnthawhna tur pawisa a dawn zat chu a hnuai mi ang hi a ni:-
2013 - 2014 = ₹ 25,668.964 lakhs
2014 - 2015 = ₹ 11,366.713 lakhs
- (c) Hei hi a kima hmuh a ni tawh e.
- (d) Kum 2014-2015 chhunga District tinte an Labour Projection leh Job Card awm zat nena chhuta state-in an hnthawh dan tur a siam sak dan chu hetiang hi a ni:-
 - 1. Aizawl - 25 days
 - 2. Lunglei - 19 days
 - 3. Saiha - 19 days

4. Champhai - 20 days
5. Kolasib - 20 days
6. Serchhip - 21 days
7. Lawngtlai - 18 days
8. Mamit - 19 days

DEPUTY SPEAKER : Zawhbelhna a awm em? Dr. K. Beichhua.

Dr. K. BEICHHUA : Pu Deputy Speaker, pawisa hi Ministry of Rural Development atanga a rawn thlen atanga ni 10 chhunga release tur tih a nih laiin ni 10 chhung hian kan release em tih kha ka zawhna pakhatna a ni a. Tin, lo release lo ta ila, engvanga release lo nge kan nih tih kha ka zawhbelhna a ni bawk a. 3-naah chuan ni 100 inhlawhna kan ti a, a hming a pu zo lo hle a. Helaiia Labour Project-ah khan engvanga District inthlau tak, a thena tam, a thena tlem khatiang kha a nih theih dan ka zawt e.

Pu LALRUATKIMA : Pu Deputy Speaker, ka lawm e. Zawhbelhna pakhat ka nei duh a. 3rd November, 2014-a MGNREGA-a pawisa kan hmuh ₹ 32,33,10,000/- kha inhlawh nan pekchhuah a ni tawh em? A nih chuan ni engzatnge inhlawh nan hman a nih tih kha ka zawt a ni.

DEPUTY SPEAKER : Chhang turin Minister zahawm tak i lo sawm ang.

Pu R.LALZIRLIANA, MINISTER : Pu Deputy Speaker, member zahawm tak Pu Lalruatkima zawhna kha - Pek chhuah vek tawh a ni a, tunah hian pek chhuah loh hi 5.3.2015 ah khan ₹ 10,00,00,200/- alo thleng leh a, hei hi la sem chhuah mai tur kan neih a ni a.

Tin, zawhna neitu Dr. K.Beichhua zawhna kha ni 10 chhunga release loh hi kan release thei em tih a ni a. Kan release theilo tlangpui a ni. A chhan chu hei chauh hi a ni lova, thil dang lo thleng te pawh hi a ni a release tur tihte leh project dangte pawh hi sum leh pai harsatna avangte pawhin release theih loh a ni tlangpui a ni.

Tin, ni 100 inhlawhna hian a hming a pu zo lo hle mai tih a ni a, a dik khawp a, Ni 100 inhlawhna hian a chang chuan ni 80 te, ni 90 dawn lai district inhlawhte pawh kha an awm thin a. Tunah hian central sorkar thar hian labour budget atang hian 46% lai an cut tak avangin a hma pawh khan kan sawi tawh a, ni 100 inhlawhna kan tih hi tunah hi chuan a ni thei dawn lo a ni tih kha kan sawi tawh a ni.

DEPUTY SPEAKER : Fiahlo a la awm em? Fiahlo a awm chuan zawt la, zawhbelhna dang chu kan hawng tawhlo a nia.

Dr. K.BEICHHUA : Pu Deputy Speaker, Aizawl Post 2.3.2015-a chhuakah khan ni 100 inhlawhna ah hian pawisa vawi thum dawn tawh a ni a. A hmasa ber chu 21st May-ah ₹ 173,00,00,00/- (cheng nuai sangkhat za sawmsarih pathum) a rawn release a, chu chu state hian 21st August-ah hnathawhna kha a siam chauh a. Chutiang chuan 21st August, 2014-ah khan ₹ 55,53,20,000.13 (cheng nuai singnga sangnga zanga sawmthum pahnih point pakhat pathum) a rawn release leh bawk a. 7th November, 2014-ah ₹ 32,33,00,000 (cheng nuai sangthum zahnih sawmthum pathum) a rawn release leh bawk a, chutiang chuan vawithum a rawn release a. Chutih lai chuan keini hian engemaw chen ni 10 hnua release tur tih a nih laia kan lo kawl reng thin hi heng avangte hian a nilo maw tuna min pek dan hi a tlakhniam zel tihte pawh ka rilruah a awm a, chu chu zawhnaah ka siam duh a. Hei hi a hun dik takah kan pe thei em? Kumina kan inhlawhna hi a dik tak chuan NLUP dawnglote tan chuan ni 100 inhlawhna bak hi sum lakluhna tur kan nei mang si lova, chhiah lah hi a pung tual tual bawk si a. Chuvang chuan hei hi tam deuh hleka inhlawh dan tur kum lo kal zel turah phei hi chuan kan Minister zahawm tak hian theihtawp a chhuah thei ang em tih leh kumina kan inhlawh, hei 31st -ah kum chu a tawp mai dawn a. Hemi chung hian ni engzat vel nge inhlawhna hi kan siam hman ang tih kha ka zawhbelhna a ni e.

DEPUTY SPEAKER : Chhan duh a nei em Minister-in.

Pu R.LALZIRLIANA, MINISTER : Pu Deputy Speaker, keini state pakhat tehlu hi central sorkar khuan min rawn en bik lo va. A chhan chu 46%-a a tlak hniamna kha helaiah kan pek chhuah zung zung loh vang a ni lo tawp a. India ram pumpua an tih dan zawk a ni tih kha kan sawi tawh thin kha hre duh tan chuan hriat a

hun tawhin ka hria a. Tin, District inthlau zung tih nichina kan zawhna kha, nia a inthlau a, Aizawl District kha ni 25 lai a ni a. Hei hi a chhan chu Aizawl District-ah pawh a dang kha an inhlawh tam bik chuang lo va. Tun kumah khan Ratu-in khawmpui an thlen dawn avangin khilam an tam deuh bawk a pek tam an ni a. YMA khawmpui ram pum huap a nih avangin, kha kha pek a ni tih kha ka'n sawi nawn mai a ni.

DEPUTY SPEAKER : Starred Question No. 5-na zawt turin member zahawm tak Pu Lalruatkima i lo sawm ang.

Pu LALRUATKIMA : Pu Deputy Speaker, ka lawm e. Ka Starred Question No. 5-na Animal Husbandry & Veterinary Department changtu minister zahawm tak chhan atan –

- (a) Foreign atanga vawkte lei tum kha lei a ni tawh em? A nih tawh chuan pakhat engzat man nge?
- (b) Eng vawkte breed nge lei tum a nih a, engzat nge lei a nih dawn?
- (c) Tunge supplier tura thlan ni a, sum engzat nge advance a pek a nih tawh tih ka zawt e.

DEPUTY SPEAKER : A chhang turin Minister zahawm tak Pu C.Ngunlianchung a i lo sawm ang.

Pu C.NGUNLIANCHUNGA, MINISTER : Pu Deputy Speaker, MLA zahawm tak Pu Lalruatkima zawhna chhanna chu-

- (a) Foreign atanga Vawkte lei tum chu lei a la ni lo. A man hi vawk pakhat cheng singkua leh sangriat zel anga chhut a ni. Hei hi Session hmasa lamah khan Er. Lalrinawma, MLA zahawm tak zawhna, Unstarred Question-ah khan ₹ 1,15,000 in chhan a ni a. Kha kha sawi chian law law thain ka hria a. Canada atanga vawkte lakluh tum laia ruahmanna a ni a. Amaherawhchu, tunah hian Canada lamah vawk natna hri pakhat a awm avangin Health Protocol kan hmuh theih loh avangin Canada lam kha kan hawi ta lo va, ram dang kan hawi a ni.

- (b) Pure Breed Large White Yorkshire leh Pure Breed Landrace 48 atanga 50 nos. lei tum a ni.
- (c) SPAB recommendation dated 14th Feb., 2012 angin S.S. Services Pvt.Ltd, Guwahati (IMV France Authorised Agency) te thlan an ni a. Standard Chartered Bank, Delhi-ah ₹ 50.00 lakhs Letter of Credit hmangin dah a ni.

DEPUTY SPEAKER : Zawhbelhna a awm em? Pu Lalruatkima.

Pu LALRUATKIMA : Pu Deputy Speaker, Session hmasaa zawhna ai khan a man a lo hniam a. Vawkte khati zat lei tur khan khati zat man kha a ngai a, ₹ 98,000/- man vawkte kha chu, kha kha treasury bench lam pawh kha an nui deuhin ka hria a, to an ti deuh a ni. Chutih lai chuan kan zawhbelh duh chu engtik hun chhung a supply turin nge agreement siam a nih tih leh engtikah nge LOC hi Standard Chartered Bank, Delhi-ah hian dah a nih tih leh supply order hi engtikah nge pek a nih a, tun thlenga engvanga la supply lo nge a nih tih ka zawt a.

Tin, zawhna dang hemin a connect tho NLUP Vety trade insurance kan tih hi a neitute hian engmah an hre si lo va, signature pawh an pe lo va, engtin nge a kal zel dawn, kalpui zel kan tum tih kha kan zawt a. Helaia Insurance Company leh kan official lamte indawr tawn dan hi vawk neitute hian an hre ve tawh si lo va, an buai thu an rawn sawi a. Chu chu engtin nge kalpui an tum dan ka'n zawhbelh a ni e.

DEPUTY SPEAKER : Zawhbelhna dang a awm em? Dr. K.Beichhua i lo sawm ang.

Dr. K.BEICHHUA : Pu Deputy Speaker, vawkte ₹ 98,000/- man hi a puitlin hunah cheng engzat tura chhut nge a nih tih ka zawhbelh e.

DEPUTY SPEAKER : A dang a awm em?

Dr. K.BEICHHUA : Pu Deputy Speaker, ka zawhna a hre Chiang lo a nih chu, i hrechiang thei ta em? Vawkte (a note) ₹ 98,000/- kha lo puitling ta se, a puitling hi cheng engzat man nge a nih ang tih kha ka zawt a ni.

DEPUTY SPEAKER : Sawi chian kha kan phalsak a, Chair-ah i rawn zawt tur a ni a, i hriatchian loh chuan.

Pu C.NGUNLIANCHUNGA, MINISTER : Pu Deputy Speaker, ka tihpalh a ni. Nichina zawhbelhna hnu hnung ber kha han chhang phawt ila, a puitlin hunah engzat man nge ni ang tih kha. Vawk chi tha lak luh kan duh a. A vawk man hi a to ngawr ngawr ni lovin, a lo kalna tur hi thlawhna a lo kal tur a ni a. Tin, India ram a lo thlen hunah hian Delhi, Bombay-ah, quarantine-ah thla khat chhung dah tur a ni a. Chu chu thla khat chhung damdawi tha nena enkawl a Aizawl hmun rawn thlenpui tur a ni. Chuvang chuan a puitlin hnuah chuan cheng tam tak man a ni ang, vawkte chi tha tak kan thlah tir dawn a ni.

Tin, tuna Mizorama vawk an vulh tlangpui hi thla 6 thla 7 an vulh hian 40 inches atanga 43 te a ni a. Tuna kan lakluh tur hi chu thla 7 vel kan vulh hian 45-48 inches velte a ni ang a. Tin, tuna Mizorama kan kalpui mek hi a tha pawlin no 7 atanga no 9 te a nei tlangpui a. Tuna kan lakluh tur hi chuan no 9 atanga 12 nei thei tura ngaih a ni tih kha ka chhanna ni sela.

Tin, nichina question neituin a zawhbelhna lai kha - engtikah nge ni a, engtik atan nge MoU sign a nih a, engtika pek tur nge tih lai kha vawiinah hian zawhnaah a awm loh avangin Pu Deputy Speaker, ka lo inbuatsaih hauh lo mai a, khawngaih takin office lamah ziak pawhin kan lo pe thei ang a.

Tin, helaia kan supply theih lawk lohna chhan hi hun rei tak buaipui a ni tawh a. Amaherawhchu, health protocol chungchang thu ah Canada lamah hian Persian Epidic Disease natna, vawk natna chi pakhat alo awm avangin Government of India hian health protocol kha min pe thei lawk lo va, chu chu kan buaipui a. A tawpah phei chuan min dang thla ta tawp nghe nghe a. Tunah hian England atang te, Australia atang te, Netherland atang te in ram pawn atanga lakluh min phalsak a. Tiang chuan tunah hian England lam kan hawi a, Government of India-in England ramah health protocol hmu tur hian lehkha pawh min thawn sak tawh a. Chak taka helai hi hmalak mek a ni tih kha ka chhanna a ni e.

Pu LALRUATKIMA : Pu Deputy Speaker, ka zawhna kha tun maiah a chhan theih loh avangin assurance min pe tihna a ni mai lo em ni? Assurance min pek avangin ka lawm e.

DEPUTY SPEAKER : Office lam atangin kan lo pe ang a ti a.

Pu C.NGUNLIANCHUNGA, MINISTER : Office lamah lo kal sela fiah takin kan lo hrilh thei ang.

Pu LALRUATKIMA : Pu Deputy Speaker, khati ringawt a inchhan chu a tha dawn em ni? Office pan chu kan hreh hauh lo va. Mahse assurance inpek kha thil harsa ni turah ka'n ngai lo deuh a.

*Speech not corrected

Pu C.NGUNLIANCHUNGA, MINISTER : Pu Deputy Speaker, Session chhungin ziakin ka pe thei ang.

DEPUTY SPEAKER : Tun kan Session chhung hian ziakin i pe thei em? Chu chu a tha mai a lawm.

Le, Starred Question No. 6-na zawt turin member zahawm tak Dr. K. Beichhua i lo sawm ang. Minute 5 chiah a awm tawh a.

Dr. K.BEICHHUA : Pu Deputy Speaker, ka lawm e. PHE Department changtu Minister zahawm tak hnena ka zawhna chu :-

- a) Tui connection pakhata pawisa chawi zat tur thla khatah engzat percent-a tihpun nge a nih?
- b) Service charge engzat a tihpun nge a nih?
- c) Tui meter tuna kan hman lai hi a rintlak em?
- d) Chhiah tihpun hnu hian meter thar dah a ni em?
- e) Public point leh tube well atanga tui dawng ten thlakhatah cheng engzatnge an chawi?

- f) Ruahtui kan dawn te, luite tui kan lak pen te, khuanu siamsa mahni veng tuikhur tui kan chawi angah te hian tax-a awm ve dawn em?

DEPUTY SPEAKER : Zawhna 6-na a ni a, minute 5 kan la nei a, a chhang zo hman ang chu maw. Chhang turin Minister zahawm tak Pu Zodintluanga i lo sawm ang.

Pu ZODINTLUANGA, MINISTER : Pu Speaker, member zahawm tak Dr. K. Beichhua zawhna Starred Question No.6 chhanna chu:-

- (a) Thil man pung zel avangin tui bill tihpun hi Consumer Union, Mizoram puma hruaitute nen uluk taka sawiho niin, ₹ 100/- atanga ₹ 200/- (100%) a tihpun a ni a. Tin dawn tam dan a zir zel a rate bithliah dangte chu (50%) zela tih pun a ni.
- (b) Service Charge pun dan te chu :-
- 1) Tui 5000 ltrs. chin dawng tan ₹ 100/- atangin ₹ 200/- ah.
 - 2) Tui 5000 ltrs. atanga 10,000 ltrs. dawng chin tan kilo litre khat zelah ₹ 30/- atangin ₹ 45/- ah.
 - 3) Tui 10,000 ltrs. atanga 20,000 ltrs. dawng chin tan kilo litre khat zelah ₹ 50/- atangin ₹ 75/-ah.
 - 4) Tui 20,000 ltrs. atanga 30,000 ltrs. dawng chin tan kilo litre khat zelah ₹ 60/- atangin ₹ 90/- ah.
 - 5) Tui 30,000 ltrs. aia tam dawng chin tan kilo litre khat zelah ₹ 70/- atangin ₹ 105/- ah.

(b) chhanna kha ka'n sawifiah lawk ang a, zawhbelhna hun a awm tawh dawn silova. Tui kan pek hian litre 5,000 chin consumer te, mipuiin an dawn hian a flat rate kha ₹ 200/- tawp a ni a. Hei hi kan member-te khan tui bill a va sang ve te an ti mai thin a, an hriat chian loh vang niin ka hria a. Tui litre 5,000 kan dawn khan ₹ 200/- chiah pek a ngai a ni. Tin, litre 5,000 leh litre 10,000 inkarah khan, litre 1,000 zela a pun khan, litre 1 zelah nichina ka sawi ang khan ₹ 30/- ni thin kha kha ₹ 45/- in a lo pung a. Entirnan, lt. 5000/6000 anih khan lt. 1000 danah khan ₹ 45/- in a pung a, litre 10,000 kan dawn khan ₹ 800/- chauh a ni. Pu Deputy Speaker, litre 10,000 kan dawn

hian ₹ 800/- chauh. Tin, litre 10,000 - 15,000 ah khan a punna kha ₹ 50/- atanga ₹ 75/- a ni a. Litre 15,000 kha lo dawng ta ila, thla khata kan pek tur chu ₹ 800/- a ni.

*Speech not corrected

Pu LALTRUATKIMA : Pu Deputy Speaker, ka lo interrupt lawk. Khatah khan a sawi soal deuhin ka hria a, ₹ 45-a a pun zel khan litre 10,000 dawngtu chuan 800/- ni lovin 900/- zawk a ni. 20 kl. leh 45 kha calculate ta ila 900 a ni.

Pu ZODINTLUANGA, MINISTER : Litre sangkhat tin ah 900 ni lovin, sangkhat a tlin hma khan sangkhat zelah 45 in a pung a ni. Chutiang chuan litre 10,000 ah chuan ₹ 425 a ni. ₹ 800 chawina chu litre 15,000 ah ₹ 800.

*Speech not corrected

DEPUTY SPEAKER : Ngawi lawk rawh aw. Kan hun a tawp a, a chhang laklawh tawh si a, kan chhan zawh tir mai em ni ang? Aw, chhang zo law law mai rawh se aw.

Pu ZODINTLUANGA, MINISTER : Pu Deputy Speaker, sawifiah deuh a ngai tlat mai a. Litre 10,000 a nih khan ₹ 425 chauh a ni kan chawi ni. Tin, litre 15,000 ah khan ₹ 800. Chutiang zel chuan a ni a, kan tui bill hi market-a tui leina angte han chhut chuan a tam lutuk lo va. Hman ni ah Sihphir-a zirtirtu pakhatin a sawi dan phei chuan, tui connection kan la pe thei lova, tui a leiin an la lei a Sihphir-ah khian. Litre 5,000 chinah hian ₹ 500/- pawhin min pe sela kan duh ngawih ngawih a ni tih thu a rawn sawi a ni tih kha ka'n sawi leh duh a.

(c) Tui meter tuna kan hmanlai mek hi a rintlak em tih chhanna chu, kan tui meter te hi public a kan pek hma hian Legal Metrology te hnenah test tir vek a ni a, annin min approved hnuah kan vuah thin a ni.

(d) Chhiah tihpun hnu hian meter thar dah a ni em tih chhanna chu dah lo tih a ni.

(e) PHE Department enkawl Water Supply Scheme leh tube well atang hian thingtlangah tui kan la nasa ve em em tawh a, tube well te leh gravitation-a tui

kan pekna ah te hian thlakhat ah ₹ 30/- an chawi ve a. Khami ni lovah chuan anmahni local level-a Committee-in a enkawl chinah chuan anmahnin an bithliah ve a ni.

- (f) Ruahtui kan dawn te, luite tui kan lak pen te, khuanu siamsa mahni veng tuikhur tui leh van atanga ruahrawn tla te, rain water harvesting kan lo lak te, a thlawna kan dawn liau liau-ah hian kan sorkar chuan chhiah kan la dawn lo tih a ni e. *Speech not corrected

Dr. K.BEICHHUA : Pu Deputy Speaker, hun tawp hnuah hun ila pe tho a, khawngaih takin min pe ve la.

DEPUTY SPEAKER : In zawt laklawh si a, kan chhan tir a, chhan tir lo ila in lawm leh si lo ang a. Zawhbelhna hun kha chu a awm tawh lo a ni. Chhan tir lo ila in fiah dawn si lova, kan chhan tir zawk a, in tan thahnem kan ngaih vang zawk a ni e.

Le, Panel of Chairmen hi thuleh awm hma atan ruat a lo ni tawh a. Chuvangin, a hnuai ami te hi Panel of Chairmen an la ni chhunzawm zel a ni.

Pu P.C. Zoram Sangliana, Pu S.Laldingliana, Pu Lalrobiaka, Pu Vanlalawma te an ni.

Tunah chuan business dangah kan kal leh tawh ang a, discussion on Motion of Thanks, niminah khan kan Governor zahawm takin House-ah thu a sawi a, chumi chungchanga lawmthu sawina motion pawh Pi Vanlalawmpuii Chawngthu hnen atangin kan ngaithla tawh a, a puitu atan Pu Chalrosanga Ralte a ni bawk a. Ka sawiho tawh ang a, member ten minute 10 theuh kan hmang ang a. Tunah motion neitu Pi Vanlalawmpuii Chawngthu a motion te move turin i lo sawm ang.

Pi VANLALAWMPUII CHAWNGTHU : Pu Deputy Speaker, ka lawm e. Niminah khan kan Governor zahawm takin thu tha tak tak a rawn sawi a, khang a thusawi tha tak takte avanga lawmthu sawina move tura min ruattute chungah lawmthu ka sawi a. Tin, kei member tharlam ber min lawmna thute a sawichhuah avang khan a chungah lawmthu ka sawi bawk a ni.

Kan Governor zahawm takin sorkar hmalakna point hrang hrang 42 a rawn sawite kha sawi sen a ni dawn lo a, tlem azawng han sawilang ila –

Pakhatnaah chuan NLUP chungchang a sawiah khan NLUP hi a hlawhtlin thu leh NLUP in a thawh hrang hrang a rawn sawi kha a ropui hle mai. Keimah ngei pawhin ka hmuh ve tawh a ni a, chhungkaw harsa tak tak leh mei alh ena awm tawh ten NLUP avangin khaw eng an hmu a, kan sorkar hian mirethei lam a hawi a ni tih a langchiang hle. NLUP dawngtute zingah hlawhtling tam tak an awm a, hlawhtling ve lote pawh an awm a ni thei. Amaherawhchu, sorkarin an dinhmun chawikan tumin hma a la a, chutih lai kara thawk tha duh lote tan chuan hlawhtlinna hmuh tur a awm lo ang. Hmanni lawk khan ka bial, Khawlailungah Kurtai Kut hmangin kan kal a, taima taka thawk a fu chingtute chuan zaah zain an hlawhtlinpui a ni. Pu Rinawma bialah ngei pawh Bawkbawn Kut an hmang a nih kha. Zoram pumah NLUP avangin kuthnathawktute hi an lawm em em a ni. Chumi a nih avang chuan Mizoram sorkarin miretheite lam hawia ke a pen a, hna a thawh mek zel avang hian a ropuiin a lawmawm ka ti hle a ni.

Tin, hmeichhe chungchang a rawn sawilan ang khan tun sorkar hi hmeichhiate chawisangtu sorkar ti pawhin kan sawi thei ang. Mizo history a la awm ngailo, ‘The Mizo Marriage, Divorce and Inheritance of Property Bill, 2014’ kan passed avangte khan Mizo hmeichhiate hi kan lawm takzet a, nakin zelah Mizo history atan kan hriat reng tur leh hriat reng tlak thil pawimawh tak a ni a, hmeichhiate aiawhin sorkar chungah lawmthu ka sawi a ni.

Chutih rualin Municipal Council term hmasaah kan hre tawh a, hmeichhia kan thlanchhuahte kha mipa aia nepna tun thlengin ka hre lo. Chuvang chuan kan hmalawka Local Council leh Village Council inthlan kan neih turah hmeichhiate reservation min pe lehzelte hi a lawmawm hle. Kan sorkar hmalakna ropui tak avang hian Mizo hmeichhia ten kan tihur a kan ngaih lemlohah kan dinchhuah ve phah tawh dawn a ni. Kei ngei pawh hi, kei aia fel leh tha tam tak an awm lain he House zahawm takah ka lo ding chhuak ve thei a, hmeichhiate kawng min hawnsaktu kan sorkar chungah lawmthu ka sawi takmeuh meuh a ni.

Tun sorkar hian khawpui chauh ni lo, thingtlang lam thlenga tui thianghlim mipuite hnena pek hi a hmalakna pawimawh ber pakhat a nih thu kan Larsap-in a sawilan ang khan, hmun hrang hrangah Water Supply Scheme hrang hrang kalpui mek a ni tih kan hria a. Aizawl Water Supply Scheme pawh tunah hian thuamthat mek a nih thute kan hria a, ram pumin tui thianghlim leh tha kan neih theih nana PHE Department hmalakna hi a ropuiin a lawmawm hle mai. PHED hnuai peng pakhat, SIPMIU in vaibelchhe 330 sengin Aizawlah tui thianghlim leh bawlhhlawh sawngbawlina hna an thawk mek a, hei hian sorkar hmalakna hi a chakin a ropui hle a ni tih a tilang chiang hle.

UD&PA hmalakna tam tak kan Larsap-in a rawn sawi a, a chipchiar chuan sawilo mai ila, a taka kan tawn ka sawi duh chu, economically-a weaker section kan tih, mirethei in sak Chite, Durtlang, Lawipu leh District Capital tina kan nei thei te hi a ropuiin a lawmawm hle a ni. Hotute hnungzuiin Zoram dung leh vangah te kan kal ve thin a, 'kan mumangah pawh kan hmuh phak loh hetiang chenna in tha tak min petu sorkar,' tiin mittui tla zawih zawihin lawmthu an lo sawi thin a, hetiang sorkar kan nei hi lawmawm ka ti hle a ni.

Tin, kan Larsap-in Law & Order lama hmasawna a sawi ang khan, silai tawlh ruk man chhuah ni ta zat zat mai te, kan ramah thlamuang taka tual kan leng ngamte, 'Hel tawmbuk' tia an sawi thin hre tawh miahlo a zalen taka kan nung thei ta te hian kan sorkar hi Law & Order-a a hlawhtlin zia a tilang chiang hle a ni.

Larsap hian Social Welfare hmasawna pawimawh tak tak a sawi zingah hneichhe tan bik 'The State Resource Centre for Women' siam a nih thu a sawilang a, hemi kaltlang hian hmeichhiate zirna leh khawtlang nunah tun dinhmun aia chawisan kan nih theih nan hmalak a ni. Police lamah ni se Women Cell din a ni a, a lawmawm hle a, chutih rualin tihchangtlun a ngai hle a ni.

Oil & Gas chungchanga a rawn sawi chhuah ang khan Gas hi kan ramah a awm ngei a ni tih finfiah a ni tawh a, Oil pawh hi dap mek a ni a, chak takin hma lak a ni. Ram leilung hausakna haichhuah kawnga Pu Lal Thanhawla kaihhruai sorkar hmalakna hian nakin lawkah chuan kan ram hi ram hausa leh intodelhah min la siam

ngei dawn niin a lang a, he hmalakna duhawm tak hi nakina Mizoram la luah zeltu tur Zofate tana hmachhawp pawimawh berte zingah ka ngai hial a ni.

Medical lama a sawilan ang khan sorkar kaltain a hluihhlawn tawh, State Referral Hospital, Falkawn pawh tha takin a ding leh tawh a, tihchangtlun ala ngai nasa hle. Chutihrualin, Medical College-te kan han nei ve dawn a, chumi piahlamah Nursing College te kan nei lehzel a, kan Chief Minister zahawm tak kaihhruaina hnuai sorkarin chak taka hmasawna hna Department ten kawng hrang hranga an thawk hi a lawmawm hle a ni.

Kan Larsap thusawi point hrang hrangte hi sawichhuah vek hman a ni lova, khing point thenkhat ringawtah pawh khian hmasawna a thlen nasat zia a lang Chiang hle a ni. Pu Deputy Speaker, kan Larsapin point pawimawh tak tak a rawn tarlan avangin a chungah lawmthu ka sawi a ni. Chuvang chuan kan Governor thusawi, he motion ka rawn move hi member zahawm tak tak ten min pawmpui turin in zavaiin ka sawm a che u. Ka lawm e.

DEPUTY SPEAKER : Awle, tunah Motion puitu Pu Chalrosanga Ralte i lo ko leh ang. Sawi duh i neih chuan, aw neih lem loh leh.....

Pu CHALROSANGA RALTE : Pu Deputy Speaker, kan MLA zahawm tak Pi Vanlalawmpuii, Pi Awp-i'n Motion a rawn putluh pawmpui tura a rawn ngen kha, pawmpui turin ka rawn second a. Tin, tlem azawng rawn sawi ve ka duh nghal bawk a, min han koh takah chuan.

Pu Deputy Speaker, kan Governor-in thu a rawn hi sawi point pahnih (2) lek sawi ka duh a. Chu chu, nimina a rawn sawinaah khan a lawmawm ka tih ber chu, pakhatnaah chuan NLUP chungchang a ni a. A rawn sawinaah khan i phalnain Pu Deputy Speaker 'NLUP shall continue, all commitments made by the Government shall be fulfilled. Fund shall not be constraints. Instead of stopping, the role of NLUP will be expanded to make it more comprehensive,' a rawn ti hi a lawmawm ka ti takzet a.

Tun hnai lawkah khan district tinah NLUP revitalization programme kan han hmang leh a. Hetah hian Pu Deputy Speaker, kan hotuten, kan line Department hrang hrangten an rawn pho chhuahnaah khan kan kuthnathawktute he NLUP an dawna atanga an sum hmuh chhuah kuthnathawktuten nuai hnih, nuai thum kum khatah an han la kha lawmawm ka tiin ropui ka ti a. Chuvang chuan, he NLUP programme hi kan Governor khan, 'It shall continue,' a rawn tih te kha, 'Instead of stopping, the role of NLUP will be expanded,' a han ti leh te kha a lawmawm hle a, kan member puite pawh hian hemi thu ah hi chuan min pawmpui vek ka ring a, ka beisei bawk a ni.

Tin, Pu Deputy Speaker, point pakhat chauh ka rawn sawi nawn leh duh chu Tourism chungchang a ni a. Tourism-ah pawh hian nasa takin kan sorkar-in hma a la a. Chutah chuan Eco-tourism te, Trekking Routes te, Adventure Sports te a ni a. Hetilaia ka'n sawi ve duh chu, hman kumah Mumbai-ah ka zuk kal a. Mumbai atanga kan hotute nena kan inhmelhriatna, pensioner hote nen kan inkawm hlauh mai a. Chutah chuan 'Mizoramah hian kan rawn kal duh a ni, engtin nge min puih theih ang?' an rawn ti a. Chutah chuan 'Rawn kal rawh, rawn kal rawh u, eng lampangah nge in rawn kal duh?' ka'n ti chu, mak deuh mai chu, 'keini pensioner ho hi Trekking Club kan nei a, chutah chuan, Mizoramah hian Aizawl khaw chung leh pawnah te pawh hian Trekking kar khat rawn neih kan duh a ni,' an rawn ti tlat mai a. Khata tanga ka rilrua awm chu khatiang kum lampangah pawh upa tawhten kan ram mawi tak mai trek-na tur han kal a, adventure te, khatiang a trekking routes a hiking te an rawn kal duhte a nih chuan thalaite hi kan la hip tamlo emaw ni le aw tihna rilrute kan la nei a.

Amaherawhchu, vawiinah Tourism Minister chak tak kan nei a, tunah hian hma nasa takin an la tih kan hriat hian nakin zelah chuan hemi Tourism chungchang bikah hian Pu Deputy Speaker, Zoram tana thalaite pawhin hna an lo hmuh chhoh zel theihna turin he Tourist Trekking Routes te, Adventure Sports te hma kan lak chhohna zel turah hian Mizoram mipuite hian hlawkna kan hmu dawn a ni tih kha tawitein ka rawn sawi duh a ni e, Pu Deputy Speaker, ka lawm e.

DEPUTY SPEAKER : A lawmawm e, hun i hmang thiam khawp mai. Tu nge han sawi ve leh dawn? Kan inkian thin a, hei hian hun a heh a, a tawp lamah kan nawr leh vak thin si a. Chuvangin, sawi tur awm loh chuan ka titawp mai dawn nia, kei chu ka nghak vak peihlo a nia. Aw, Pu K. Lalrinthanga.

Pu K.LALRINTHANGA : Pu Deputy Speaker, ka lawm e. Vawiinah kan Governor thusawi sawihona turah thil pawimawh tak tak sawi tur tul awm ve niin ka hria a, sawi ve ka duh a ni.

A hmasa berah chuan point no. 1-ah khan kan Governor khan Lai Autonomous District Council inthlanna, Village Council 93 laiah neih a ni a. Chutah chuan, 'Hmeichhe tan seat reservation siam a ni a,' a ti a. Tin, 'Chakma Autonomous District Council-ah Village Council 81 lai inthlan a ni a, tahchuan, hmeichhe tan seat reservation siam a ni,' tiin a rawn sawi bawk a. Hetah hian ka tarlan duh chu hmeichhiate induhsak siakna hi India rama political party hrang hrangteah hian a awm thin a. Reservation han tih tak tak dawn hian a hlawhtling tak tak leh hleithei thin lova.

Nimahsela, Mizoram sorkar-ah chuan hmeichhiate reservation tihhlawhtlin tak tak duhna thinlung lo piangin hmeichhiate tan tiang hian Village Council inthlanah te pawh seat kan han siam thei ta hi lawmawm ka ti a. Hmeichhiate hi an tangkai em em a, 'Politics-ah an inhnammawih tur a ni lo,' tih tawngkamte hmun thenkhatah chuan kan ngaithla a. An pawimawh dan leh an tangkai dan hi hriat chian a tha hlein ka hria a. Kohhrana awmte chuan kan hre theuhin ka ring a. Presbyterian-ah Kohhran Hmeichhe Pawl kan tihte, Baptist-ah KBHP kan tih te leh Kohhran dang dangah hmeichhiate hian mawhphurhna tam tak an neiin Kohhran tana ruahmanna an siamte leh thawh tura an han ruahmante chu hlawhtling takin an thawk thin a.

Chutiangte ngaihtuah chuan, politics-ah pawh hian tun aia nasa zawka an inhman chuan kan ram politics hian malsawmna nasa zawk a neih pah thei turah ka ngai a. Hmeichhiate hi tih tur an hmaa tla tawh reng reng hi chu mipate aia hmanhawha thahnemngaia thawk thin an ni a. Chutiangte a nih avang chuan Village

Council-ah te pawh hmeichhe quota kan han siam a. Tin, Municipal Council-ah te pawh hmeichhe quota kan han siam chho hi a ropui ka ti a, lawmawm ka ti a. Kan Governor-in he thil a rawn sawi chhuak hi lawmawm ka ti a. Chutih rual chuan, ‘Heng zawng zawng hlawhtlinna hi sorkar te, political party te, NGO te leh mi dangte thawhhona avanga hlawhtling a ni,’ tiin a rawn tarlang leh a. Chuvang chuan Mizoramah hian sorkar-te leh NGO te nena thawhhona hi a tha hle a ni tih a rawn tarlang hi ropui ka ti a, ka han sawi ve leh a ni.

Point no. 3-naah khan, Pu Deputy Speaker, i phalna angin ka’n chhiar ang a, tlar thumnaah khan, ‘We are extremely happy that the entire amount approved and sanctioned by the Central Cabinet has been released in full,’ a ti a. A hnuai tlar thumah khan, ‘Even though there are pressures to stop NLUP from quarters, I want to announce today that NLUP shall continue,’ a ti a ni. NLUP hmang hian mirethei tam tak, tuna kan mover ten an sawi ang khan, chhanchhuah an ni tawh a. Keini bialah phei chuan hmunphiah chingte an tam a, hmunphiahte chu kum khata thar nghal mai a ni a. Sorkar ding laiin hmunphiah hralhna a control loh avangin a man te pawh to tulh tulh ta a, kuminah phei chuan a hring kg-ah ₹ 34-in kawtchhuahah hralh theih tawh a ni. Tin, a ro hian kg-ah ₹ 80 leh tihin an hralh theih a ni. Chutiang chuan nasa takin kan mirethei ten NLUP-a hmunphiah an chin avangin sum leh pai tam tak an thawk chhuak a, a hlut lai ber January thla phei chuan hlawhfa hmuh tur awmlo khawpin hmunphiah kekin, an hmunphiahte an buaipui thin a ni.

Chutiang a nih lai chuan kan opposition party thenkhat zawng zawng i ti mai ang, party 5 ten he NLUP mi retheite chhanchhuah theihna atana kan hotuten an ruahman titawp tura hming an han sign vek hnuah NLUP ami ‘entire amount approved and sanctioned by Central Cabinet has been released’ a han ti leh mai hi lawmawm ka ti a. An rilru a inhmu lo hle ni te pawhin ka hria. Mizoram sorkar-in kan mipuite tana ruahmanna an siam hi central sorkarah heti taka min zuk bei chung pawhin (NLUP an zuk bei chung pawhin) an ngai pawimawh a. An han release thei nghal hi lawmawm ka ti a, tarlan loh theih loh niin ka hria a, chu chu ka han sawi a ni.

Tin, chutih rual chuan NLUP avangin UNO-te nen MoU an han sign leh thei zel a. Chubakah chuan phrek 4-na, tlar 2-naah khan han en ta ila ‘the UN Project

office at Aizawl is ready and is awaiting formal inauguration’ a ti a. ‘Selection and appointment of UN Staff is going on in full swing’ a han ti leh ngat phe chu kan ram buai lai a UNO kan sawite nen kha chuan a inthlau tawh hlein ka hria a, kan ram hi a lo ropui tawh viau a ni. Khawvel te nen kan lo inthlun zawm ta a. He state te tak te, MLA pawh member 40 lek awm theihna hi khawvel nen kan inthlun zawm a, kan thawhhona, kan Chief Minister zahawm tak kaihhruaina hnuaiah Pathianin mal min sawm a, he malsawmna kan han dawn hi lawmawm ka ti a, ka han tarlang leh a ni.

Phek 5-naah khan, ka tarlan leh duh chu tlar 4-naah khan ‘Rice productivity under WRC has increased from 2.09 metric tonns per hectare to 2.20 metric tonns per hectre’ tiin a inziak a. Kan buh chin dante pawh a lo danglam ta a. Kan mithiamte hmangin Mizoram sorkar hnuaia WRC neite pawhin buhte pawh an lo ching hlawk ta a. Chutichuan, an tharte pawh hectre 1-ah 0.11 vel laiin a pung chho thei ta hi lawmawm ka ti a, Mizoram-in malsawmna, hetiang, kan han dawng zel hi ropui ka ti.

Point No. 5-na, phek 5-naah khan, Pu Deputy Speaker, i phalna ang khan ka’n chhiar leh lawk ang a. ‘Implementation of NLUP has resulted in a 13.8% increase in production of milk (DEPUTY SPEAKER : Chair kan lo inthlak lawk ang e). Pu Chairman, ka han sawi zawm ang a. 25% in eggs, 35.2% in meats and broom production has increased approximately, Mizo tawngin sawi ta mai ila. Nuai 32.7 kg-in a lo pung ta a. Khatianga Zorama kan thingtlang loneitute leh kut hnathawktute eizawna lo pun chhoh dan kan han tarlang kha lawmawm ka ti a. Chutiang chuan hmasawna nasa tak Mizoram-ah kan nei tih a lo lang leh ta a.

Phek 6-na han keu leh ta ila, thil lawmawm deuh pakhat chu, helaiah hian a la sawi kim lo mah zawkin ka hria a, tlar 6-naah khan, ‘Some of these farmers now have income ranging from ₹ 20,000-25,000’ tiin a inziak a, hei pawh hi a lawmawm viau tawh a. Hetah hian kan official-ten kan la hre kim lo deuh hlek niin ka hria a. Keini bial Bilkhawthlir-ah khu chuan kuhva-ah mithenkhat chuan kumtin nuai 10 te, nuai 14 te an lei tawh a ni, chutiang chuan hmasawna he sorkar hnuaiah hian kan nei a. Helaia a ziah ringawt pawh hi a lawmawm hle rualin, hei aia tam hi hlawhtlinna kan nei a ni tih hi tarlan ve a thain ka hria a, chu chu ka sawi duh a ni.

Phek 7-naah khan han sawi leh ta ila, tlar 3-naah khan '340 metric tonns of cocoon, 7.5 lakh silkworm seed and 39.7 metric tonns of raw silk has been produced' a ti a, a ropui tawh hle mai. Tun hmaa cocoon vulhna chang kan hriat loh kha tun sorkar-ah chuan NLUP hnuaiah tiang hian kan mipuiten eizawna tur atan hman tlak niin an lo hre thar ta a, chutichuan eizawn nan hmangin tiang hian an lo thar chho thei ta a.

Tin, '25 kilo-watt solar plant was installed in Zemabawk sericulture complex using NLUP infrastructure fund' a ti a ni. Hengah te hian NLUP tangkai takin solar atan te pawh hman theih turin kan Department hruaitute leh kan hotuten an han ruahman a ni a, lawmawm ka ti a, chu chu kan tarlang leh lawk a ni. Mi thenkhatten NLUP avangin sorkar hnathawkin hlawh an la theilo tihte an sawi a, hei hi chu a dik lo. NLUP-ah hian Budget-ah pawisa kan dah thin a, cheng vaibelchhia 2873.13 kan pu ten ruahmanna an siam letin central sorkar-in pawisa min rawn pek kha kan mamawh tawh ang te te NLUP a hman tur atan an dah a. Mi thenkhat chuan NLUP vangin sorkar hnathawkin hlawh an la theilo tih aiah; NLUP atang hian thil tam tak kan hlawh chhuak a ni, kan thawk chhuak a ni tih hi kan hriat a thain ka hria a, chu chu ka'n tarlang duh a.

Chutihruala ka sawi leh duh chu RKVY te pawh kan hria a. Tunah hian kan dawng ta a, NLUP atangin agriculture-ah (CHAIRMAN : I hun a tawp dawn a, conclusion-na han ti tawh la) Sawitur chu ka la ngah viau a. He thil hi a pawimawh riauin ka hria a, sawi leh reng reng a thain ka hria a. NLUP atangin agriculture-ah pawisa kan dah tam a. Chuvang chuan kan budget-ah 11% aia tam NLUP hmangin agriculture-ah pawisa kan dah ta a. Chumi avang chuan RKVY, state dang tam takin an dawn theih loh kha (tunhmain keini sorkar pawhin a dawn theih ngai loh kha) kan lo dawng ta a. Chuvang chuan amount zawng zawng chu ka sawi seng lova, RKVY atangin kan mipuite thawhna tur, eizawna siamna tur atan pawisa tam tak kan han hmu leh thei te hi a ropui ka ti a.

Chuvangin NLUP-a ka han sawi leh lawk duh chu; a tirah. 'an pe thei loving, khawvelah hetiang a mirethei harsate tanpui an awm ngai lo,' tiin an sawi a. Chutichuan kan hotuten pawisa an zuk sawi chhuak ta a, khawi atangin nge in hmuh

tiin an buai leh ta a. Chutichuan kan han kal lehzel a, kan han implement a, NLUP dawn duh avangin mi tam tak Congress-ah an rawn lut a, chungte chu Congress-in NLUP kan han pe a. Chutia kan pek hnu chuan mi thenkhat Unit hruaitute leh implementing-a hruaituten an chhung leh khat laina duhsakte pawh an lo nei ve a. Congress ni lo MNF te, ZNP te, PC te pawh an pe ve a. Chutichuan NLUP ah hian chhungkua 1,89,000 chuang survey-ah a awm a. Chutiang chuan 1,35,000 kan thlang tawh a (CHAIRMAN : i hun a tawp a nia) 1,89,000 chuang atanga 1,35,000 kan thlan te zawng zawng kha Congress lo ni ta vek sela Congress kan va tam awm ve, MNF tur te, ZNP turte an va awm lo ve tihte kha thinlungah a rawn lang a. Vawiinah hian ka han tarlang ve lawk a ni e. Ka lawm e Pu Chairman.

CHAIRMAN (Pu VANLALZAWMA) : Tu nge sawi leh dawn? Pu T.Sangkunga.

Pu T.SANGKUNGA : Pu Chairman, ka lawm e. Kan din thuai thuai loh chuan khar mai a hlauhawm si a. Sawi tur tam tak a awm a, kan Governor thusawi, kan khel mekah hian thil lawmawm tak tak, ropui tak tak a tam hle a. Chung zingah chuan tlemte kan sawi duh zingah a hmasa berin sorkar hnathawkte welfare kan Governor-in a rawn sawilang hi lawmawm ka ti a.

Tunkar te, kar hmasa te chanchinbua in chhiar chuan, ‘Tripura-in Sixth Pay Commission Recommendation a implement theih dawn leh dawn loh a ngaihtuah mek a ni,’ an ti a. Kan state-ah chuan a tir atangin Sixth Pay hi min pe a. Tunah phei chuan Sixth Pay Commission-in a recommend aia tha sorkar hnathawk tam takin an hmu a, heng hamthatna min pek a rawn sawite hi ropui ka ti a. Central DA pe theilo state hi an tam em em a ni. Sixth Pay Commission recommendation la implement lo state hi India ramah an la awm nual a. West Bengal te, Assam te, Tripura te, 6th pay an la implement theih loh laia kan sorkarin a implement vat mai bakah an basic pay zah DA 100% punna a release leh tawh tih kan Governor-in a sawi kha lawmawm ka ti.

Hei hi recurring expenditure a ni a, a hautak em em mai a, nikum financial year chhunga tihpun ringawtah khan kan increment nena belh chuan kumtin

vaibelchhe 250 chuang kan sorkar hian sorkar hnathawkte hlawhah a pe a. Hengte hi lawm nachang kan hriat a ngai hle a ni.

Kei sorkar hnathawk a dil pawla ka lo tel thin avang khan, hetiang kan sorkarin a han pe hi lawmawm ka ti a. UT kan nih lai khan option min pe a, kha kha state nih hnu hian chhawmzel tur a ni reng renglo a ni. Pay Commission recommendation a lo chhuah apiang hian ka sawi thin a, a diltu kan nih lai pawhin, hei state kan ni tawh a, Central Pay Commission a ni a, min pek loh pawhin, UT kan nih laia kan option pek kha central pay lak nan a valid tawh lo a. Chuvangin state kan ni tawh a, hmana kan Finance Minister tuna kan President ni ta Pranab Mukherjee pawh hian state ten Central Pay Commission Recommendation an dil thin lai khan, 'kan central employee te pawh kan pe thei tawk tawk a, harsa takin kan pe a. State employee-te hi chu kan pe thei lo, pek tur in neih chuan lo pe rawh u,' a ti thin a.

Chubakah lawmawm leh chu, central-ah chuan tuna kan IAS lo chhuak te, central employee-te hi a hre hlei hlei an ni a. Tuna kan Chief Secretary-te pawh hian Delhi-a a thawh lai chuan 30% a hlawn atangin tax-ah a pek let ka ring a. Kan Principal Secretary engemawzah leh central employee lokal ten keiniah chuan tax hi kan pe leh bawk si lova, kan take home pay hi a tam em em a ni. Tin, damdawia kan inenkawlna a free in min la pe leh nghal a. Department pakhata ka thawh laia ka hriat reng chu kan Grade-IV pakhat kha a pa Vellore-ah cancer-in a awm a, air conditioned room-ah a awm e an ti a. A thih dawn tep khan kan hre si a, 'chhuak leh rawh se' zu tih thu awm si lo a. Air conditioned room-ah, Grade - IV pawh ni lo, a pa kha a la awm leh a. Khatiang khawp khan kan sorkar hi sorkar hnathawkte chungah a ngilnei a, a lawmawm em em a ni.

Tin, Pu Chairman, nang ngei pawh Lok Sabha MP i nih lai khan damdawia i inenkawlna turin Central Health Scheme in zawm avangin i hlawn atanga 10% i chawi ve ka ring a. Central employee-te chawi thin kha keiniah kan awl hlauh a, kan pa te, kan nu te pawh kha kan la bill kep leh thei bawk si a. Hetiang khawpa kan vanneihna kan Governor-in mi rawn hrih hi, Christmas apianga Bethlehem lam kan sawi nawn ziah chuan, kan vanneihna a rawn sawi te pawh hi rawn sawi nawn ve hi a chawkawmin ka hria a. Vanneihna namen lo kan nei a, medical kan bill-na tur chawi

si lo, tax pe mumal bawk si lo. Tax 20% emaw, 10% emaw te hi chu pe ila, state share central-a kan project zu do let nan a tha em em dawn a. Mahse, kan Governor leh kan sorkarten an sawi thin ang hian min han awl hmak mai te hi a ropui ka ti a. Sorkar hnathawk pawl hruaitu rei tak lo nihna ang pawhin lawmthu ka'n sawi duh a ni.

Tin, 14th Finance Commission Recommendation anga NLUP hi a strategy tihdanglama, khami mila NLUP kum nga chhung atan tihchhunzawm leh tur tih hi ropui ka ti a. He 14th Finance Commission-in a rawn sawi ang hian pawisa min pe tha lo se chuan NLUP hi continue ngaihna awm lova kan ngaih kha tunah hei kan Governor-in kum 5 atan continue a ni dawn tih a rawn sawi a. 14th Finance Commission award atanga hetiang khawpa pawisa kan han hmu tam hi, Finance Commission hmasa atanga kan punna hi 247.34% a ni a. Mahse, Plan Fund a tel avangin hei hi 13th Finance Commission-a plan a hran anga an chhut mai pawh khan kan punna hi a nasa a, hei hi hriatsual erawh chu a hlauhawm a. Amaherawhchu, India ramah a pung nasa ber 3-na kan han ni hi kan House Leader ropuina niin ka hria a. 14th Finance Commission-ah presentation tha tak, kan House Leader hi Finance Commission member ni a experience a neih tawhna kan chhawr nasa hle ah ka ngai a.

Helaiah khan an presentation kha a chiang em em a, a tha em em mai a ni. Kan harsatna chi hrang hrang te, UPA keimahni party ngeiin khu lama an rorel laia min bail out nan kan House Leader hian vaibelchhe 2000 vel chu min pe se kan tha hnawk ang maw le a ti thin a. Beiseina sang tak nen Union Finance Minister hlui a dawrnaah te kan lo thlir thin a; amaherawhchu, min pe lo tluan ta a. Tuna tan an la tak taka min pek a hi chu, khatiang min bail out-na tur ringawt khan cheng vaibelchhe 12183 min rawn pe tawp mai a ni. Heng atangte hian NLUP hi thiam taka kan tih a, in khua ah sorkar hnathawk lo rethei deuh pek tur a ni ti ringawt lova, a thawk tak tak khaw tinah an awm a, khang ang te, tuna NLUP hlawhchham tawh, vanduaiana avanga an bawng lak han thi tawp emaw, an huan lo kang ta vek te emaw puihna tur pawh a siam theih dawn a. Hei pawl dang dang ZNP atang te, MNF atanga fel tak tak, heng mamawh em em zuk puih itawm, a pawl zawng ni lovin, fel tak tak an awm a. Khami strategy han duan kha a chakawm tawh lutukin ka hria a. Khatianga thawk tak tak tur pek tur a awm hi a lawmawm a ni.

Tin, sorkar hnathawkte tana lawmawm ka tih em em chu, sorkar hnathawk 227 contract employee te sorkar hnathawk tak tak ni tura regularized hi a lawmawm ka ti a. India ram pumpuiah hetiang hi a vang em em a ni. Tin, awm ngailo deuh emaw ni ka tih chu Health Department-ah a thleng a, kan Minister fakawm ka ti khawp mai a. Nurse kum over thluah tawh mai an vanglai zawng zawnga damlote tana lo thawk, contract employee te, Doctor te khatianga rei tak mai nghet theilo, an quota contract ei zo tawh bawk si, engti kawng mahin an nghet thei dawn tawh lo a ni e ti a ka lo ngaihtuah thin te kan rules dinglai te relaxp-a an han regularized ngat mai hi chu a lawmawm takzet a, hetiang hi sorkar hna ka thawh chhungin ka hmu lo a ni. Chuvangin kan Governor Speech-a mi 227 lai mai kan han regularized hi ropui ka ti a.

Tin, heng a department tenau la langsar lo te pawh hi kan Finance Minister leh DP&AR Minister te hian lo hria se, Department tenau, a nawr chak lo deuh te tan pawh hian inhawngin hei aia chakin a Department concern leh Finance leh DP&AR tangrualin thianten a hmuh tawh an la hmuh ve loh te hi chak takin nawr sela kan Minister te pawhin an hre thiam em em a ni. Kan Governor-in kan sorkar thil tih ropui tak tak mai a han tarlang te hi a tha a ni.

Tin, Law & Order chungchangah hian motion move-tuin a rawn sawi ang khan mi han rui thin hi chuan pawisa an va dawng dawn lo em! Pawisa pe lovin an chhuak leh dawn tho tho dawn a ni tih ngaihdan a awm ringawt mai pawh hi a ropui ka ti a. Kan ram chhungah tualthahna rapthlak tak tunhmaa zawngchhuah theih loh awma kan ngaih, entirnan, Pu Chanchinmawia te kha tun sorkarah hian thi se kar thum velah chuan a thattu hi chu a rethei awm mang e aw tih theih tur a ni a. Venghlu thil thleng te pawh. Change a thlenga ka hriat avangin Pu Chairman, tunah chuan thihna rapthlak Mission vengah te, Republic-ah te an awm a, hriat mai awm loh a ngaih Mission veng ami angte, Durtlang lam ami te mak tak tak mai reilotea an han man mai te, an hmu leh chuang lovang tih rinna kha a bo tlat tawh a ni, a ti tute hi chu an va rethei awm e aw tih ringawtin mipui rilru a luah hi thil inthlak danglam niin ka hria a. Dan leh thupek kenkawhna chungchangah kan sorkar hi mipuite leh NGO-te support na leh thil chi hrang hrang avanga a thawhthat zia Governor-in a rawn sawite hi lawmawm ka ti a.

Chuvangin mover, kan MLA zahawm tak Pi Awmpui'n a rawn sawi ang khan kan Governor thusawi hi pawm a, pass dial, tumah tihdanglam han rawt emaw, keini chuan kan ti thei lo tih awm lo a i veilam ami te pawh hian lawm taka an rawn support vek kha ka duhin ka'n sawi a ni e. Ka lawm e.

Pu VANLALZAWMA CHAIRMAN : Pu T.T.Zothansanga sawm ang.

Pu T.T.ZOTHANSANGA : Pu Speaker ka lawm e. Kan Governor speech hi ngun takin ka chhiar a, sawi chak tam tak ka nei a, amaherawhchu hun a tlem a ka sawi tam lo turah ka ngai a.

Tunlai khawvela kan harsatna ber chu inthlan fel lo hi a ni, a buai a ni kan ti thin a. Nikum atang khan VC, LADC-ah te, Hrangturzo leh Lok Sabha te, Rajya Sabha, tin, LADC bye - election leh CADC a kan election zawng zawng mai kha a rawn tarlang vek mai a kan Governor hian. Hetiang zawng zawng inthlanna tun term a kan sorkar chak takin an organise chhung hian EVM a ri ta lo hrim hrim hi hmasawna pakhat niin ka hria.

Tunhma kha chuan EVM in min chai buai a. Nikumte khan High Court-ah kei pawhin case ka nei a, EVM avanga case neite zingah khan ka tel ve a ni. Tichuan High Court in min han paihthlak sak a, chumi hnuah EVM kha public-ah chuan a langsar tawhlo na a, party pakhat President chuan Delhi-ah thla khat vel chamin Supreme Court-ah a zuk buaipui leh tihte kan hria a ni. Chuvangin kan Governor-in, 'inthlanna felfai tak kan nei a ni' a rawn ti hi a lawmawm ka ti a. Mizoram-ah hian party hrang hrang hian history kan siam thin a ni.

Tin, Pu Chairman, Reservation of Women a rawn tihte hi a lawmawm ka ti khawp mai. Tun tumah hian VC kan han inthlang ang a Pathian zarah tluang takin, hmeichhia 800 chuang vel member an rawn ni tawh dawn a, Congress-in history Mizoram-ah kan siam dawn a ni. Hei hi a pawimawh khawp mai. MNF pawhin history an siam ve tho a, an history siamah chuan an tum tak an hlen lo a, Memorandum of Understanding kan neih kha a ni.

Tin, NLUP chungchangah khan Pu Chairman, helai ami hi a pawimawh khawp mai, 'We are extremely happy that the entire amount approved and sanctioned by the central government have been released in full,' a rawn ti a. Hei hi a pawimawh ka ti. Tin, a hnuah a rawn sawi leh a, 'even though there are some pressures to stop NLUP from some quarters' a rawn ti kher a ni.

Pu Chairman, helaia ka han sawi duh kher chu, party hrang hrang ho an kal khawm a, chumite chuan NLUP hi hnawk an tih avangin nikum July ni 26 khan an kalkhawm a. ZNP president, MNF president te, BJP te, MDF te, MPC te ho kha an han kalkhawm a. Khami an kalkhawm khan Prime Minister-ah memorandum thehlut turin an ruahman thlap a. Chutia an han ruahman zawh takah chuan, party group zinga lian ber MNF party president-in Prime Minister a copy a zuk pe a. A copy kha Rajnath Singh, hon'ble Home Minister leh Arun Jaitley, Union Finance Minister hnenah khan an zuk thehlut a ni.

Pu Chairman, a remchan chuan hei, a copy hi ka lo pe teh ang che. Tin, kan House Leader leh Opposition Leader tan pawh ka rawn keng tel bawk e, House property atan. Hetah hian a rawn sawi chipchiar khawp mai a. Mizoram NLUP an zuk hekna point-ah chuan, 2008-a inthlan chakna hmanrua atan an hmang a ni, a rawn ti a. Tin, Agriculture leh Horticulture chauha hman tur ni awma a lan laiin department dangah te pawh an hmang pel he a ni, tihte kha point-ah an hmang a. Tin, kum 2008-a Congress an lo sorkar khan, NLUP hi awmze neiin an kalpui lova, monitoring pawh a mumal lo, tih te. Tin, NLUP dawngtute hian TV, Fridge te leh thil dang lei nan an hmang pel he a ni, tih te. Tin, an pawisa sem hi Congress party chakna hnar mai a ni a, Congress in an tiam a ni. ₹ 2 pe a NLUP nuai khat dawn an promised vang a ni, tih angreng te, thil tam tak kha an zuk thlen a ni. Khami an thlen rual khan, NLUP hi Congress party mi leh sa chauhin an dawng a ni an zuk ti bawk a.

Hengte hi pawh ka ti a. Tunah hian Mizoramah chhungkua kan survey naah khan 2,14,705 kha survey an ni a. Chuta tang chuan NLUP dawng thei kha chhungkaw 1,59,000 chuang vel kan ni. Tichuan NLUP dawng tawh hi 84% kan ni, 84% kan nih chuan Congress chauh hian kan dawng theilo hrim hrim. Hei hi mipuiten hria se ka duh a. Tin, chubakah tun tumah kan Governor pawhin a rawn tarlanah hian

chhungkaw 62567 in a full-in an dawng tawh a ni a rawn ti a. Tin, chubakah la dawng kimlo engemaw zat dawng tawh kha chhungkaw 72433 an la awm a, he chhungkaw 72433 tan hi chuan Delhi-a zuk tihtawp tum tute kha chu an huatawm awm mang e aw ka ti. ₹ 10000 te, 20000 te an dawng tawh a, kha kha zuk titawp turin a thla a thla teh meuh an zuk cham chilh kha a ni a. Tin, chutihlai karah party pakhatin a forwarding an ziahnaah pheih kha chuan party dang zawng zawng hriat loh khan hei point tam tak hi a rawn belhchhah lehngal a ni. Hei hi a thalo ka ti khawp mai a, tunah hian chhungkaw 1,35,000 in an dawng tawh a, 24528 hi survey a a landan chuan la dawnglo an ni.

Hei hi a pawimawh em em nachhan chu Mizoramah hian rethei kan thahnem a, lei rem rap thei lo hi kan tam a, kan harsa tlang a, dinhmun han siamtha turin rahbi a tleu laklawh tawh si a, chutihlai karah kan hmathlir a kan lo en ve rauh rauh, hei hi chu nei ve ila bul ka tan thei ang a ti tam tak, thingtlangah, zokhuaah nu leh pa tam tak an awm a. Chutiang ten an dawn tur tawp hmak mai se ti a political advantage neih duh avang hrim hrima central a lo zuk nawr lo zuk nawr ang chite kha a thalo hlein ka hria a. Chutihlai karah an tlang thei ta hram hi a lawmawm ka ti takmeuh a ni tih kha ka'n sawi duh a. (CHAIRMAN : Ngawi lawk rawh, chair kan inthlak lawk ang)

DEPUTY SPEAKER : Chhonzawm rawh le.

Pu T.T.ZOTHANSANGA : Pu Deputy Speaker, ka lawm e. NLUP a full-in kan dawng mai ni lovin chhonzawm leh zel tur ang a Governor zahawm takin a rawn sawi hi lawmawm ka ti khawp mai a, 84% in kan dawng tawh a; tin, la dawnglo tam tak, leirem la rap lo tam takte pawh tunah hian an awm chho mek a ni. Chutiangte hma chho thei zel tura kan Governor-in speech ropui tak mai a rawn sawi hi Mizoram mipuite tan chuan a lawmawm ka ti a.

Tin, tunah hian chhungkaw 72000 chuanguin an dawn tur kha sorkarin NLUP Apex Board-in an ngaihtuah mup mup a, an sem tur lai vel mek a ni a, hetih lai karah hian kan rilrua kan theihngihl loh tur chu kan ramah hian ram hmangaihtu ni

si, mipuite chanai zuk titawp duhte kan awm a ni tih hi mipuite pawh hian kan hriat hi a hunin ka hria.

Tin, Pu Deputy Speaker, kum 5 chhung atan kan han chhonzawm leh zel tur te hi a ropui ka ti a. ‘The State Government has decided to extend NLUP for another five years’ a rawn ti a, hei hi a ropui ka ti a, kum 5 chhung atan kan chhonzawm leh tur thu kha huai taka a rawn sawi hi a lawmawm ka ti a ni.

Tin, Pu Deputy Speaker, no. 4-ah khan a rawn sawi a, Agriculture chungchang kha. Agriculture-ah hian hmasawmna nasa tak kan sorkar hian kan nei a, NLUP kan tih atangin engkim mai hi a danglam chho a ni kan ti thei ang. Champhaiah keini buh nei mi kan ni a, tunhmaa tin 100 lek tharna angah khan tin 300 te pawh kan lo thar ta mek bawk a. Hetah hian kan Agriculture Department leh a thawktute an fakawm hle a ni tih kha ka sawi duh a ni. Theihtawpin an tang chhova, buh thar rang chi leh a thar hlawk ang chi te theihtawpin an buaipui chho mek zel a, anni zarah hian nasa takin kan ram hian hma a sawn ang tih ka beisei a ni. Chutih kara ka sawi duh erawh chu full budget kan neih hunah kan Agriculture Minister-in min rawn hriatpui se ka duh chu kan bial chhung khi lo nei kan la tam khawp mai a, khawchhakah khian, nikum khan ran 100 chuang an thi a, ran an thih teuh avang khan lo nei thei lovin hmun tam takah tunah khian an awm a ni.

Chuvangin Mechanization Tractor Subsidy-a kan han tih ang chite leh Power Tiller kan han tih ang chite kha in ti leh dawn em tiin zawhna hi kan tawk nasa khawp mai a. Hei hi kan hma thlir a ni a. Kan rante an thi zo tawh si a, chuvangin helai kawngah pawh hian Agriculture ho khan tan han la hram hram thei se ka duh a. Kan session lehah chuan full budget te pawh a lo ni ang a, chungah chuan an rawn tih theih hram kan beisei chho dawn a ni.

Tin, Pu Deputy Speaker, 7-naah khan Horticulture chungchang kha a rawn sawi a, tunah hian kan Rajya Sabha member zahawm tak Pu Ronald Sapa te nen tangrualin Taiwan mithiam kan chah chhuak a, tunah Champhai ah khian an cham mek a, expert pahnih leh an embassy ami tunah khian Champhaiah Taiwan miin kan grape hi min chamchilh mek a ni. Champhai ah grape winery 2 tunah hian kan nei a, tun hma khan alcohol content khi 14% kan ti a, amaherawhchu, kohhran mipuite kan

zahna avangin 11% ah kan titla a ni. Tichuan 11% a kan tihtlak khan Zoram kohhran hrang hrangah hian han kal khawm ula, ‘a theih hram chuan hei hi chu sakramen hunah pawh hian min pawm sak hram rawh u,’ tiin kal kual vek teh u, kan ti a, amaherawhchu eng kohhran mah khan kan lo pawm ta lo niin ka hria.

Chuti a lo nih rau rau a, hetia MLPC kan lo neih leh tak siah chuan an alcohol content pawh khi reasonable deuh hleka tihsan theih a tha kan ti khawp mai a, tunah hian hralh a kal lo angreng a. Kan kuthnathawktute leh theihtawpa ni chhuah atanga tlai thlenga hnathawktuten an thawh rah khi hralhna a awm dawnlo ni hian a lang a, chuvangin kan sorkar pawh hian ngaihtuahna a hman nawn a, an alcohol content tal kha kan tihsan theih kan beisei dawn a ni. Chu chu min lo hriat sak kan beisei dawn a ni. Chu chu min lo hriat sak ka’n duh bawk a.

Tin, chumai bakah kan winery-ah khian mithiam tak tak tunah khian an awm a. Vodka kan tih ang chite leh variety hrang hrang kha an ti thiam tan chho mek zel a, ram leh hnam tan sorkar pawh na takin kan la rawn nek ve zel dawn a ni tih kha ka sawi tel duh a ni.

Tin, khualzin mite tana hlawkna turin kan Minister chak takin Tourism lamah hma a la chho mek zel a, zep thu a awm lo, Aizawlah nula leh tlangval ten han vahchhuahna tur an nei tawh lo, Sairangah te an zu kal a, a changin kan tla hlum a, a changin World Bank Road-ah te an han kal a, VDP ten an han vin leh thawt thawt thin a, khatiang a nih avang khan kan Minister zahawm takin Tourism lamah chak takin hma a la chho mek zel a. Nakin lawkah chuan trekking route tha tak takte leh kan thalaite TV-a an hmuh ang chi hi an tih theihna tur hi kan la thleng dawn niin ka hria a, Tourism lam hmasawanna hi a ropui hle a ni tih kha ka’n sawi duh bawk a ni.

Vawiinah hian sawi tur tam tak a awm a, a tawp bera ka sawi duh erawh chu opposition a kan awm avang hian mi tam takin sorkar hi beih ngawr ngawr tur niin kan hre thin a, sorkar hi kan support tlan a kan tawiawm that loh chuan kan sorkar ve theih hunah te pawh khan harsatna kan tawk ve thei a ni. Tin, Zoram mipui nawlpui angin thil engemaw diklo a lo awmin sorkar hi na lutukin kan bei a, a kar leh lawkah ‘a lo ni maw’, ‘a lo ni maw’ kan ti leh a. Chutiang nilovin sorkar kal chho zelah

theihtawpin kan finchhuah ang a, kan tawiawm ang a, kan buaipui ang a, a kalsual palh a nih chuan constructive criticism kha pe ila, chutiang a nih chhoh zel chuan hma kan sawn thei dawn a ni. Tichuan, kan Governor zahawm tak thu rawn sawi hi lawm takin ka rawn thlawp a ni, ka lawm e.

DEPUTY SPEAKER : Awle, tunge han sawi dawn? Lehlam ami hlin an sawi mai a, han insawi chhawk deuhte pawh a tha alawm maw le. Nakinah khan in inchuh leh vak si ang a, aw, Pu Lalthanliana i lo sawm ang.

Pu LALTHANLIANA : Pu Deputy Speaker, ka lawm e. A sawi hnunung pawlah ka tang ang ka ti nain ka sawi ve zawk duh a. Tuna MLA zahawm tak, ka hmaa mi thusawi ang deuh khan ka rilru tak mai rawn sawi a nei a, ka lawm khawp mai a. Opposition lama kan thut avang hian ruling party te sawiselna tur ngawr ngawr thinlung hi put tur a ni lo tih hi kan Leader pawh hian a sawi a, a lawmawm ka ti khawp mai a. Hei hi ka rilru mil zawng tak mai a ni a, ka'n sawibelh duh lawk a ni.

Thil chi hrang hrang tawi te te sawi ka duh a, a hmasa berah chuan pheh 16-na Land Revenue chungchang leh pheh 22-na Tax leh Revenue chungchang hi. Hei, development lamah hian hmasawna lutuk awm chuang si lo hian chhiah hi kan tipung vak vak nite hian ka hria a. Helai chungchangah hian kan in check deuh hlek a, engzat percent-in nge keini chhut thiamlo phei hi chuan an tihpun pawh hi ka hrethiam chiah lova. Ram hmasawnte awm dan tura kan chhut hi chu development lamah hma kan sawn chuan chhiah te pawh tipung ila, revenue te pawh tipung ta ila, a tihbelhna tur atan ruahmanna te han siam vak ve ila a thain ka hria a. Amaherawhchu, chutiang hmel hmuh tur lutuk awm chuang si lova chhiah leh revenue kan ti vak vak hi chu a tha ber em aw tihte ka ngaihtuahnaah a awm a. Hmanni lawk khan ka hriatsual loh chuan Assam Governor khan Assam ram chu state intodelhah a puang a. Chu chu engmah hi an tih to belh lovin ka hria a. Chhiah an lak to belh lova thil man an tihto belh lo bawkin ka hria a, chuvangin hei hi chu a in balance tur tawkah kei ka'n ngai deuhhlekk a. Tun kuma thil chhinchhiah tlak tak mai chu, central-ah pawh railway lamah rail chuan man te pawh an tipung lo deuhin ka hria a, intodelhna lampang kha an hawi a. Tin, state intodelhah hi chuan AAP te pawhin electric bill pawh 50% in an tihniam dawn niin an sawi a. Hengte hi ni zawk awm tak a ni a, chutiang zawng loin

kan ti vak vak mai ni hian ka hria a. Ka chhut thiam lutuk lo nain a tlangpuiin ka sawi duh a.

Tin, pakhat lehah chuan phek 14-naah, Health Department, medical lampang helaia ka hmuhah hian lawmthu kan sawi duh chu, kan Health Minister hnenah pawh lawmthu sawi thain ka hria a. Medical College kan neih tur hi a nghahhlelawm ka ti a, a ropui ka ti a, hei hi chu thil chhinchhiah tlak a ni dawn a, a lawmawm dawn khawp mai a. Kum tinin doctor zir duh engemawzat kan nei a, seat kan chang lo a, chutiang chuan quota te kan han neih belh deuh a, kan fate lehkhathiam lutuk lo te pawhin an zir phah ve thei dawn ni te pawhin a hriat a, a lawmawm ka ti a, hei chu lawmthu sawina tlak niin ka hria a, lawmthu ka sawi a.

Tin, chutihlai chuan Pu Deputy Speaker, tunlai hian kan sorkar hian phai lam hospital hrang hrangah leiba a ngah nge ka hre lo a, credit lamah hian harsatna kan tawk ta hle mai a. Kan hriat ve phakah hian Medica Speciality Hospital-ah te khuan kal thlak ngaite pawh credit-in a daih tawh silo a, heng natna khirh zual cancer te, lung na te leh kal thlak ang chi a serious zual te, sum sen ngai zual te hi chu kawng dap dan hi a awm lawm ni aw ka ti a. A manganthlak khawp mai a, mi harsa tak tak, tu pawh hi kan damlo thei vek mai bawk si a. Hei hi chu mipuite tan rawngbawlna ropui tak a ni dawn a, hei hi kawng zawn leh chu a va tha tak em! Leiba te kan nei a nih pawhin rulhna kawng dap ta ila, damlo leh zel turte pawhin kawng an lo nei ve phah ang a, a mangan thlak a ni. Tunah te pawh kal thlak ngai mi engemaw zat an awm ang , sum a bat theih tawh loh avangin batna te an han zawng a, kan vengah te pawh chutiang harsatna tawkte pawh chu an awm a, an lainatawm khawp mai. Sorkar a chet loh chuan tihngaihna a awm bawk silo a, helamah hian tan ila thar teh ang u, kan ngaihtuah lai mek a nih pawhin a lawmawm ka ti a.

Tin, Hospitalah hian Civil Hospital hi a thlawnin kan awm a, mahse a thlawna awm kan ni na in, nei te tawa luh a ngai a, a buaithlak angreng khawp mai a. Engkim mai hi lei a ngai a, chu bakah mihring indaih a ngai khawp mai a, pakhat damlo awmpui a ngaih laiin, pakhatin tukin zinga kan mamawh kha, zingah 'hengte hi lei rawh u, hengte hi' an rawn ti bawk si a, pakhat tlantu a ngai bawk si a, a buaithlak khawp mai, thawktu hi kan indaihlo a ni. Kan nurse te, doctor te, sister te saw an fel ka ti angreng zawk a, kawng lehlamah chuan. Vairamah nursing home-ah te chuan

shift an nei a, dar 8 atanga dar 2, dar 2 atanga dar 8, ti khan an inchhawk a. Kan nurse Mizorama thawktu te hi chu ti khan an thawk ngawt ngawt mai a, engemaw chenah chuan lo thinchhe ve deuh hlek mahse a awmna lai te pawh hi a awm mah mah tawhin ka hria. An indaihlo lutuk a, an hahin ka hria a, ‘kha kha lo ti mai rawh u, lo ti mai rawh u,’ tih vek kha a ni tawh mai a.

Dialysis an han tihte pawh a zawn tur kan han chang a, an dul balte leh mawm te lo hruk nan towel nen kan lo chang a, hengte hi vairamah chuan Nursing Home-ah chuan an ti vek a. Hengte hi chu indaihlohna vang a ni a, hengah hian tan lak dan hi chu awm se, ava han duhawm tak em? Tuna kan dinhmun tak hi chu ava han buaithlak em aw ka ti a. A tuartute lamah han tan ve tawh hi chuan hetiang mamawhna hi kan lo hre thar zel a, a thaw pik thlak ka ti a, kan hriat tlan vek a nih ka ring tho a, ka’n sawi thar a ni.

Tin, doctor indaihlohna hi hmannah Lunglei-ah kan va kal ve a, doctor an indaihlo hle mai a, ka ti a, damlo an tam si a. Doctor pakhat specialist, line khatah, a doctor an tlem lutuk a ni ber mai a, hengte hi dah belh zel a ni tho tak nain tan lak lehzuah theih dante hi awm ta se a va han duhawm tak em ka ti a, hengte hi kan sawi duh a.

Tin, NLUP kha kan han sawi a, a lawmawm ka ti a. Amaherawhchu, NLUP hi nichina kan ngaihthlak ang khan dik tak chuan ka tawng huat thu suh ah, NLUP kha chu in tlin chhan kha chu a ni vein ka hria a. In pawmin ka hria kha kha chu, in huat thu pawh a niin ka ring lo a. Engpawh nise, NLUP hi ka sawisel lo kei chuan, a tha ka ti, mite va tanpuina tur sum kan han pe thei hi chu a ropui ka ti. Hei kum 5 tih tawh a ni a, kum 5 dang tih leh theih te pawh hi a tha ka ti. Amaherawhchu, a tihdan phung hi, Prime Minister package te kha lo ni tak tak phei se chuan sorkar department-in harsatna a tawh lo ang a, a tha hlei hlei dawnin ka hria a. Amaherawhchu, Prime Minister package nilo a budget-a kan han telh tlat te hi kei chuan ka hrethiam lutuk lo a. Mahse sorkar hnathawk tam tak leh kei aia fing leh hre zawkte tawngkam ka ngaihthlakah hi chuan sorkar department hrang hrang hian hmasawna kawngah hi chuan harsatna an tawh phah deuh niin ka hria a, a ni vek em

phei chu ka hrelo a. Engtiang takin nge phei chu min zawt ta ula, ka sawifiah thiamlo mai thei a, hei hi ka ngaihthlak dan, ka hriat dan a ni a.

Tin, party dangte pawh kan pe ve an tih hi a dik ang ka ring. Amaherawhchu, party dang in pek khan, inziahlul zel ngai kha a buaithlak lai kha a ni a. An lawm lutuk kha a nia, mahse thu dah kha a awm thin a. Kha kha a nia, tunah pawh hian chhonzawm zel rawh u, a lawmawm ka ti, ka appreciate a ni. Amaherawhchu kan ngen duh chu, party dangte pawh hi min pe ve rawh u, tih kha a tak tak ramah, hetia zaah pahnih vel va pek kha chu a tawk lo deuh lo maw, zaa za law law mawle, kan ti deuh a ni. Keini ringawt ka ti lo, party dang ka ti alawm. Kha chu ka phachuanglo a, khangte kha ka'n ngen a ni.

Tin, mid-day meal chungchang phok 12-na ami hi, hei a tawp nan kan sawi lawk duh a. Helaiah hian i phalnain Pu Deputy Speaker, kan chhiar kan chhiar bawk a, 'The mid-day meal programme has been carried out successfully without interruption,' a tih lai hi ka ngaimawh deuh hlek lai chu a ni a. Khaihlak awm lovin tluang takin a kal ni turah kei hian kan let ve ringawt a. Ka sawi duh chu mid-day meal hi July 2014 atang khan hemi a convulsion leh cook hlawh tur i ti mai ang, ₹ 1500/- te hi pek a ni tawh lo char char a. Amaherawhchu, tun hnaiteah September thla thleng kha pek an ni a, tichuan hei thla ruk chu bat a ni a. A nihna takah chuan school zirtirtute pawhin chhun chaw hi naupangten an nghei an hlauh avangin batna an zawng a, tunah hi chuan an khawk tawh a, an pe thei silo a. Tin, cook te pawh hian ₹ 1500/- chauh hlawh chuan eirawng an bawl reng peihlo a, hlawh hmu lo lehngal phei chuan, ba lehngal phei chuan an peih silo a. Tin, chumai bakah an pocket atangin an thawh khawm a, zirtirtuten chaw an pe a, khatiang te kha a ni a. Helai chungchang hian tuna September thla thleng pek a ni kha, hemi zawhna ka thehlul lai hi chuan pek a la nih ka hre lo. Engpawhnise, zawhna chu ka nei na a, a thlen hman loh takin ka ti deuh a, ka'n sawilang a ni. Ba lovin hengte hi chu tihchhonzawm zel theih dan kawng a zawn theih lawm ni, tiin ka'n ngen a ni. Ka lawm e.

*Speech not corrected

DEPUTY SPEAKER : Hun i hmang thiam e. Awle, tunah Pu Hmingdailova Kiangte i lo sawm ang.

Pu HMINGDAILOVA KHIANGTE: Pu Deputy Speaker, ka hmaa member zahawm tak Pu Lalthanliana'n hriatchian loh a neih te pawh kha hrilhfiah ka chak deuh a, ka'n hrilhfiah nial nual ang a.

Pu Deputy Speaker, Mizoramah chhiah in tipung a, a thar in la a tih ang deuhte sawina a awm a. Hei hi a awmzia tak chu vawiina kan sorkar hotute hian he ram, Mizoram hi mahni budget tuakchhuak zo lo, sawma pakhat pawh thawkchhuak lo, kan thawkhawm zawng zawng hi ₹ 300 crore vel emaw a tling a. Mahse, kumtina kan mamawh budget hi ₹ 5,000 - ₹ 6,000 crore a nih laiin 3,000 kan lo thawh ve hian central-ah khawngaihna dil lo chuan engtin mah budget hi kan siam dawn lo a ni tih Pu Deputy Speaker, a chiang a. Tin, vawiina kan hotute hian, kan sorkar lu kan Chief Minister zahawm tak leh a thawhpuite hian he ram hi kutdawh reng turin a duh lova. Chuvang chuan, intodelh thei turin a buatsaih mek a. Huaisen takin, harsa tak chungin chhiah lak belh te pawh a tul a. Chhiah tharte pawh lak a tul a ni tih hriain bul an tan mek a. Chutih laia kan sorkar chuan chhiah hi kan la lovang, kan titem ang tih hi kutdawh zel ang u hmiang, intodelh lovin i awm zel ang u hmiang tihna a ni dawn lawm ni Pu Deputy Speaker, tih kha ka'n sawi duh a.

Tin, NLUP hlutzia leh thatzia chu kan hre chiang kuang tawh a. Amaherawhchu, helaiah hian ka hmaa member zahawm tak pawhin a rawn sawi kha hriatthiam loh tlem a rawn nei a. Ka vei zawng tak a ni bawk a, NLUP leh budget leh school 337 upgradation kha han sawi ka chak deuh a, Pu Deputy Speaker. 2008 October thla general election campaign luih luih tawh hnu khan, khatih laia sorkarna changtu khan school 337 hi upgrade tulin an hria a. Finance Department-in an remti lo, mahse an upgrade tlat, inthlannaah vanduaithlak takin sorkarna an chang ta si lova. Congress-in sorkarna a chang ta a.

Tichuan, school 337 chu kan minister zahawm tak khatih laia Pu Sawta khan detail-in engkim a rawn siam a. Hei le, school 337 chu kan kuanguah bet mai dawn nge kan pen per mai dawn tiin zawhna a siam a, chhan a har hle. Pen per mai kha a rem thei si lova, chuvang chuan, kan kuanguah ta a. Amaherawhchu, harsatna lian tak a awm. School 337 upgrade zingah government school 48 a lo awm a, Aided 83 a awm a. A dang zawng kha chu kum khata ₹ 1.5 lakhs leh ₹ 1.3 lakhs a tanpui tur

vek an ni. Chung pawisa chu khawi atangin nge a awm ang. 2008-2009 budget kha 2008 March thlaah an pass daih tawh a. Kha school upgradation a zirtirtu hlawh tur kha a awmlo tih a chiang em em a ni. Chuvang chuan, harsatna namen lo Congress sorkar thar khan a tawh a. Mahse, chu harsatnaa tan reng thu chu a awm lova. Kan hotuten namen lovin an ngaihtuah a.

Khatih lai tak khan opposition party ten tiang hian sorkar an rawn bei a. Kha le, NLUP 2008-a in campaign pui lai khan khawi atang mahin pawisa in hmu dawn lova. Hei hi a puitling dawn lo min tih sak a. Amaherawhchu, Congress-in sorkarna a chan veleh kan Chief Minister zahawm tak Pu Lal Thanhawla a tlan thla a, central-ah engkim a zu sawi fel vek a. Kan hmuh dan zawng zawng kha chu sawi ila, kan hre tho nain a sei lutuk dawn a. Central-a department secretary 10 rual cabinet secretary hoin an committee a. Tiang hian thu an pass a, 'he NLUP hi a tha hrep mai a, chuvangin, khi Zoram tan khian tipuitling ila, Zoram khi model state a ni ang a. He policy hi model policy a ni ang a. India ram state dangah pawh hian kan tihtir ve dawn nia', tiin ro an rel fel ta a.

Tichuan pawisa pawh chu kan sorkarin inthlahrung takin NLUP tihpuitlin nan kum 5 chhung atan ₹ 1,500 crore a zu dil na a, central sorkar chuan in inthlahrung a nih hi a ti a ni ang, ₹ 2,871.92 crore min rawn pe a ni. Chumi atang chuan NLUP a fresh a kal tur atan kan budget-ah an rawn dah zel a. A hmasa berin ₹ 324.8 crore an rawn dah a, a vawihnihna ah ₹ 324 crore, a vawi thumna ah ₹ 370 crore. Tichuan, tunah hian kal zel turin nichina an sawi tawh kha harsatna kan lo tawh a.

Kan Governor zahawm takin a thu ziahah 'instead of stopping NLUP' a ti a ni. 'NLUP shall continue' kha khan awmzia a nei a, a hmaah khan kan ngaihthlak tawh kha. NLUP kal zel tura buatsaih kha tihtawp duhte an lo awm a, chung chuan he rama kut hnathawk harsa tak tak, rethei tak takte hi chem lova an lu lak hi an hnial lo a ni mai lo maw? Pu Deputy Speaker, a mak viau a ni.

Tichuan, budget a awm lova, NLUP ah pawisa kan ngah tawh a, tih kha an sawi tawh a ni. School tan khan budget a awm lo. Tah khan tiang hian an rawn ti a,

hei le, khatih lai khan in tipuitling lovang, khawi atang mahin pawisa in hmu lo vang an ti a. Tunah hian NLUP an sem ta a, tiang khan NLUP sum tur hi department atangin pawisa tam tak an pawt chhuak a, chuvang tak chuan a ni lawm ni hlawh in lak theih loh an ti. Awih a awl awm khawp mai. Amaherawhchu, Pu Deputy Speaker, hei hi dawt hlum hlaak a ni. NLUP atan ₹ 2871.92 crore kan nei tawh a. Mamawh te te anga minrawn pek zat pawh kan sawi tawh a, NLUP hian department danga pawisa hi a mamawh lo tih kha vawiinah he House zahawm tak hi ka'n hriattir duh ve khanglang a ni Pu Deputy Speaker. Chuvangin, dawt hi chu mipuite tichiai tur hian sawi loh a that ka ring a ni tih ka'n sawi duh a.

Tin, vawiinah hian chhiah pun chungchang kha han sawi belh leh hret ka duh a. Kan hriat angin sap ram kan tih ber Bristish ram kan tihah te khu chuan chhiah sorkara chhunluh hi pride-ah an la a ni, an awm a nuam a ni. Amaherawhchu, an pek theih loh chung hi chuan an zak a, an kimki a ni. Amaherawhchu, hah takin hna an thawk a, pe thei dinhmuna an lo din chuan 'tunah chuan sorkarah sum ka chhunglut ve thei ta' tiin an hmai a uang thin. Chu dinhmunah chuan Mizoram hi min dintir turin kan Chief Minister leh a hote hian huaisen takin he ram hi min kalpui dawn a, hetah hian mipui zawng zawngin min tawiawm, kan tawiawm hi a pawimawh em em a. Vawiina kan opposition member zahawm tak takte pawh hi lehkha thiam sang tak tak leh hetiang lam hrethiam te an ni a. Nikuma budget discussion kan neih lai pawh khan kan inlungual hlawm khawp mai, sorkar hian khawi lai lai atang emaw hian chhiah lakna tur hi siam sela, kan sorkar hnathawk hlawh tam tak takte pawh hian sorkar tan hian chhiah pek an hreh lo a ni, engemaw tal hi tih a ngai a ni, kan ram hi a rethei si a tih kan sawiho a, lungual taka kan discuss ho lai te kha han ngaihtuah chhuak ila. Chuvang chuan, a pung hrim hrim tipungtu sorkar hi dem mai lovin, a chhan leh avangte hi lehkhathiamte hi chuan kan ngaihtuah a tul viauin ka hria. Ka sawi thui lovang, ka duh tawk e Pu Deputy Speaker.

*Speech not corrected

DEPUTY SPEAKER : Mi pakhat tan sawina hun a la awm a, tunge han sawi leh ang? Sawi tur kan awm tawh rih lo a nih hmel a, chuvang chuan kan chawl rih ang a. Dar 2:00 PM ah kan thukhawm leh dawn nia.

2:00 Pm

DEPUTY SPEAKER : Kan sawihona kan chhonzawm ang a. Chawhma lam khan member 7 in kan sawi hman a. Governor thusawi lawmthu sawina deuh hliir kan ngaithla a chawhma lam khan, kan zo thei mai tawh em? A hnialkahlha lam hi a awm vak lova. Tunge han tan leh ang le? Er. Lalrinawma.

Er. LALRINAWMA : Pu Deputy Speaker, hun tha tak min pek avangin ka lawm e. Vawiinah Governor thusawi sawihona kan nei a, a lawmawm hlein ka hria. A chhan chu thil nihphung pangngai anga a hun taka kan han ti thei a, sawihona hun pangngai kan nei leh thei te hi a lawmawm a. Thil kalphung lo a tam em em mai a tunlai khawvelah hian, chuvang chuan a lawmawm hrim hrim a ni tih kha ka'n sawi hmasa duh a ni.

A hmasa berah chuan point no 3-na NLUP chungchang hi sawi ka'n duh a. NLUP hi tumah hian a chhia kan tih hran chu ka ring lova, ka hmaa member zahawm tak tak ten an sawi tawh an complaint chutiang khatiang an tih te pawh kha, a sem dan kalphung leh engemaw laiah duhthusam tawh lohna lai a awm vang te pawh ni turah ka'n ngai a. A lehlam zawnga ngaihtuah chuan mipuite hnenah hetiang hian an bul intanna tur atan sumte pek chhuah a ni a, a lawmawm em em a ni. Chutih rual erawh chuan thil tam tak ngaihtuah tur hi a awmin ka hria a. Hei CCEA in kum 2010, July ni 15-a a approve ang kha chuan a vai hian crore 2873.13 a rawn approve ta kha a ni a. Hetah hian crore 1000.84 hi CSS atanga tih tur a ni a. Tichuan, crore 1526.14 hi ACA emaw SPA atangin emaw kan ti a. Tichuan, crore 346.15 hi beneficiary contribution atana tih a ni a. Kan pawisa hmuh dan kan en chuan kum 2010 - 2011-ah crore 234.82 min pe a, 2011 - 2012-ah 234 a ni a, 2012 - 2013 ah 370 niin, 2013 - 2014-ah 370 bawh a ni a, kumin tello a kan hmuh tak zawng kha chu, ACA emaw SPA emaw atang hian crore 1208.82 kan hmu a. Tichuan, hmanni February ni 3- a an rawn release nen kha chuan SPA crore 496.9941 an rawn tihah khan kan la neih theih zat a lang, CCA in min phalsak chin, kumtina installment-a min pek ang hi chuan crore 317.32 hi a ni. Tunah hian, hmanna pawisa kan dawn kha helaiah hian order pawh ka nei nghe nghe a.

Amaherawhchu scheme of financing-ah crore 370 ti a a ziah avangin hmun thenkhatah 370 crore tiin kan sawi nghe nghe a. Amaherawhchu technical deuh taka ngaihtuah chuan crore 317.32 hi tuna pawisa kan dawn theih chin tur chu niin a lang a. Chu laiah chuan, kan ngaihtlakna ki zelah a sem lampangah te leh helaiah hian kan kal deuh em aw ka'n ti deuh a. He laia beneficiary contribution atana kan han tih ang chi te pawh hi NLUP dawngtute pawh hian an rawn thawh chhuak ve reng em? NLUP tana kan sem tawh zawng zawng hian hna engangin nge a thawh a, heng an contribution-te pawh hi an rawn tlin chho ve em tih lai te pawh hi vawiinah kan tehkhawng tur pawimawh takah ka ngai a. Chutilo a a sem, beneficiary chuti zat, chutiang khatieng kan pe ang tih lai ringawt hi chu mipuiin kan thatpui ber em? A rahchhuah hi kan tel ve tawh tur a ni dawn lawm ni tih lai kha ka'n sawi duh lai chu a ni a. Engapawh nise, ti hian policy tha tak chu a ni a. Amaherawhchu kan kalpuina zel tur hi kan en chuan UNO chungchang kan han ziah thliah thliah a. Thil pakhat erawh chu tuna kan mamawh bera ka han hriat lai chu, hei hi kan chhonzawm leh dawn a nih pawhin he a scheme of financing kan ti dawn nge ni, a pawisa lokal lehna tur lai hi, central-in eng ang in nge a ngaih a, eng ang in nge tih a tum, min pawmpui leh dawn em tih lai hi a pawimawhin ka hria a. Amaherawhchu, chulam chu a in ziah lem lova. Hetah UNO atanga chutieng khatieng in tih tur te leh office hawn tur te leh khami base-te kha a ni tawh deuhin a lang a. Lehlam zawnga ka'n ngaihtuah chuan nupui fanate chawmna atana thenawmpa buh zem rin a ang dawn mang e aw! te pawh ka'n ti deuh rum rum a. Chuvang chuan hei hi a scheme of financing laiah hian central in engtin nge min pawmpui dawn? Naktuk tuk leha kan Demand for Grant tih tur lai leh Budget chungchang, Vote on Account-a Financial Statement-ah a rawn lan ka ring a, a kalphung lai chu, kan la hmu pha chiah lova. Amaherawhchu, tuna a lan danah chuan central atangin kan hmuh tur zawng zawng kan hmu tawh a. A chhonzawmna erawh chu UNO lampang kan beisei niawm tak a ni tih lai kha NLUP chungchanga ka'n sawi chu ni ta se la.

A dawt leh atan chuan no. 4-na Oil Palm chungchang hi. A lawmawm khawpin ka hria a, kuthnathawktu ten Oil Palm kan tharchhuah tam tak mai hetiang a kan han kalpui thei hi a lawmawm hlein ka hria a. Oil Palm tak phei hi chu keini lam pawh kan lo phur ve a, a chhan chu MIP kan tih atanga kan bul tanna kha a ni a, ti hian in lo chhonzawm chho zel a. MIP hlawhtlinna NLUP-ah vawiinah Governor

speech-ah kan han sawichhuak chho theite hi a lawmawmin ka hria a, khalai kha duhtawh ta mai ila.

Sawi tur a tam a point deuh zar zarah ka'n lut ang a. Point 5-na hi kan NLUP thar avanga bawngnhute thar chhuah a lo pung tih laite pawh hi a lawmawm. Chutih rual chuan mipuite pawhin a zar kan zo ve a ngai, a man a to tawh tawh zawk a, a man to na hi ₹ 15 atangin ₹ 20-ah, ₹ 20 atangin ₹ 25-ah an kal chho a. Za a 33 te, za a 25 ten an to chho a. Kan thar tam a kan tichhuak tam a nih chuan mipuite pawhin a zar zo ve ila, a man tlawm zawkin mipuiin lei ta ila tih hi lawmthu sawi pah nichung siin ka'n rawt duh a ni.

Tin, point no. 7-na Tung chungchangte leh engemaw hrang hranga hma kan han lakna te kha a ni a. Tung hi a buaithlak khawp mai a, tunah hian Tung hi a rawn ziaik leh a. Keini bial phei chuan Tung kha kan buaipui nasa a, tah tichhuak a ni ringawt mai a. Tung hi in lo chin tir leh nge ni a, eng project-in nge helaiah hian hma an lak ka hre chiah lova, amaherawhchu, Tung item kha a rawn tel leh a. Tin, ka bial chhung Baktawng-ah khian Aloe Vera atangin sahbawn siamnate an han bun sak a, NLUP atangte pawhin a ni ang a, RKVY te leh medicinal plants atangin tiang khian scheme tha tak kan kalpui a. Sahbawnte pawh bazarah zawrh chhuah a ni a. Chutih rual rual chuan tunlai khawvelah thil hi a tuamna a mawi deuh hlek loh hi chuan hralh te hi a lo har khawp mai a. Chuvang chuan a packaging chungchangah sorkarah pawh kan dilna rawn thehluh tawh a ni a. Khangte kha hlawhtlinna parvul tur chuan a tuamna kha a mawi a ngaiin, a hralhna tur lamah pawh a pawimawh si avangin min lo ngaih pawimawh sak thei ula. Kha kha remchanna ka rawn la ah ngai ta ila tha in ka'n ring a.

Tin, a 9-na daih, helaia a market chungchangah hian ka'n kal leh deuh duai ang a. Market hi a pawimawh khawp mai a, NLUP Marketing Board pawh an ti a, engnge ni an hralh chhuah a, engnge an tih tih lai tak kha kan va hriatpui lova. Chanchinbu lamahte a lang lem lo bawh a. Amaherawhchu, tun Session hmasa lam kha ni tawhin ka hria a, zawhnaah ka zawt a. Agriculture market information hi din tum a ni em tiin ka zawt nghe nghe a, 'din tumna a awm loh thu' in kan Minister zahawm tak Trade & Commerce changtu khan min chhang a. Hei hi thil pawimawh

tak a ni. A chhan chu sawhthing te hi ngaihtuah ta ila, kan ram in a thar chhuah, thingtlang lamte pheih chuan kan ziaawm pui ber a ni a. Amaherawhchu vawiina sawhthing chingtu te zawng zawng pawh hi, ‘in hralh thei dawn em?’ ti ta ila tuman ‘kan hralh thei dawn’ an ti thei lovang. A chhan chu market information a chiankuan loh avangin tuman an hrechiang thei lova, risk in an ching a. Tun laiah thiamna a sang tawh a, kan rama hralh theih loh a nih laiin eng thil nge thleng a, hralh theih a nih laiin eng thil nge thleng tih hi thil zawn chhuah awlte niin ka hria a, hmalak lohna vang mai chauh niin ka hria a. Chuvang chuan heng thilte hi hrechiang thei ila chuan kum bulah, ‘e....nakum chu sawhthing a chin chi dawn, a chin chi dawn loh’, tihte han puang zat zat thei ila chuan thingtlang lama kan kuthnathawktute hmakhua hi a eng sawtin ka ring a ni. Kum 1 hlawn lak loh pawh hi a rapthlak a, kumtluan maia kan hnathawhte kan han hralh thei lo mai hi chu rapthlak tak a ni. Chuvang chuan a market chu kan control thei lo ang, information hi chu kan pek theih hi ka ring tlat a ni tih ka’n sawi duh a ni.

Tin, 10-na tar chawmna chungchangah khan kan hria a, tunlaiah tar pension te hi kum tam chho an ni a, mamawh a tlem bawk a, thawhchhuah pawh a tlem a. Chutih rual chuan tar chawmna awm ang angte National Old Age Scheme atangten an han dawng ve a, an lawm em em a. Amaherawhchu, hetiang a lawmthu sawina kan tih mek laiin chanchinbuah vawiin Vanglainiah hian, ‘Khawiah nge tar pension (Old Age Pension) pawisa hi a awm; tih hi a rawn chuang kuau mai a. Hei hi upa mangangte aurawl a nih avangin kan ngaih pawimawh a ngai a. Tin, an pawisa lak dan pawh hi en ta ila, nikum December, 2014 khan April 2014 thleng, thla 2 atan ₹ 400 an pe a, kha kha a tawpna ber a ni rih a.

Tin, hmeithai tanpuina National Widowed Scheme-ah pawh hian 9th December, 2014-ah khan February, 2014 thleng ₹ 900 thla 3 atan pek an ni a, kha kha a tawpna a la ni rih a. Kum 80 chung lam pawh a tawp tho a ni. Chuvang chuan hengte hi kan ngaihpawimawh a, kan lawmnate pawh hi dawhkanah mai lo, a dawngtute tak tak hnen a thlen theih nan hma kan lak hi a pawimawh a ni tih kha ka’n sawi duh a ni.

Tin, no. 14-na buhfai chungchang hi han sawi zawk ka duh a. Buhfai mante an to chho a, Food Security-te pawh India ram hmun hrang hrangah hman tawh nualna te pawh a awm a. Keini pawhin hmang ve ta ila, engchin chiah nge a thlen kan va hre chiahlo nain kan lo zir chian vena atang chuan a toa lei tur ang chite pawh kha tunah hian metric ton 8000 vel bawr kha lei niin ka hria a. Khati a nih kha chuan metric ton 6400 vel bawr kha Food Security hnuai atangin kan lei thei dawn a, metric ton 1600 vel bawr kha a to a kan lei tur kan save thei turah ka ngai a, ka lo zir vena atangin. Chungte chu a nih avangin hman vat vat hi a chakawm hle a, kan Supply Minister pawhin min lo hriatsak sela tih ka'n sawi duh a ni.

Tin, no. 15-naah hian zu chungchang tlem a rawn tarlang a. Zu hi a theih loh pui zawrh kan tum emaw ni chu aw! ka'n ti deuh a. Nimin lamah chanchin hrang hrangah kan hria a, a buaithlak deuh chu a ni awm mang e aw a tih theih a. Amaherawhchu, engtiang chiahin nge a kal chhoh dan lai hi hriatthiam chu a harsa. Mipui duh loh, Session-a kan sawi ang deuha Sunday School-ah chuan min hneh lo ang a kan tih kha a lo thleng ta tak tak niin ka hria a. Chuvang chuan helai hi chu kan rilruah awm se tih kha ka'n tarlang duh hrim hrim a ni.

Tin, no. 20-na State Referral chungchang tlem han sawi ka duh a. Medical College kan nei dawn a, a lawmawm hlein ka hria a. Medical College han neih a, MBBS zir turin seat chante a har em em a. Chuvang chuan tianga hmalakna tha tak an awmte hi a ropui ka ti a. Tin, Referral Hospital pawh thingtlang lampangte phei chuan kan pan nasa a, kei phei chu ka lang phei nasa a, saw lamah sawn kan thawn phei zel a. Amaherawhchu, mu tan lian ve deuh kan neih chu kal velna hi a ni. Bus-te hi han awm thei se chuan a zia deuh ka'n ring a, Aizawl atanga han pan phei leh hi a buaithlak em em a ni. Hei hi ruahmanna a awm thei em tih kha ka'n sawi duh a.

Tin, chumai piah lamah an casualty-ah sawn Medical Officer an nei lova, Specialist kan ti mai a. Emergency Room-ah ka va kal lai pawhin motor leh scooter an in pass sual a, hliam an rawn zawn lut a. On call-in khi ta mi Doctor an han ko va, an rawn tlan rang khawp mai, Doctor-te chu an fakawm. Chutih rual chuan Medical Officer englai pawh a thu tur helaia kan neih ang chi hi nei ve ila chuan a lawmawm leh zual ang. A chhan chu hliam tuar tawh laia Doctor kan han koh leh lai

second 1, minute 1 pawh damlote tan hian a hlu tawh si a. Nurse-ten an thiam ang angin theihpatawp an han chhuah a. Chuvang chuan thingtlang mipuiten kan pan nasat avangin emergency-a duty tur hi chu min lo hriat sak ula tih kha ka duh a ni.

Tin, no. 21-na 13th Finance Commission chungchanga Fire-a nuai 600 an pek a rawn tarlang leh hi chu a mak ka ti lutuk a. Hetiang kan tarlang dawn a nih chuan 13th Finance Commission pawisa hi tarlan thlak tur hliir a ni mai a. Hei hi chu kan ziahbelh mai mai nge ni aw ka'n ti deuh a. Khatiang kan tarlang duh a nih chuan 13th Finance Commission pawisa kan hmuh hi a tam lutuk. Chuvang chuan 13th Finance Commission tawpna a ni a, mak ka tih ve deuh thu ka'n tarlang ve hrim hrim a nih chu.

Tin, Law & Order (minute 5 in a pel tawh aw....Deputy Speaker) chungchang hi han sawi kan duh a. Law & Order chungchang hi kan Home Minister pawhin min lo ngaihthlak chian sak se kan duh lai chu Law & Order-ah hian a thlamuanthlak kan ti a, helaiah pawh tha takin a inziak a, a lawmawm rualin chanchinbu pakhata rawn inziak hi a lawmawm loh a ni. Helaiah hian, Kolasib-ah kan sakhaw hruaitu pakhat chu kutthlak a nih thu a rawn tarlang a. Pu Deputy Speaker, i phalna leh remtihhain kan chhiarchhuak teh ang - 'Police patrolling haw lam chuan an rawn nangching a, kut thlak lo tur leh thil awmzia an rawn zawh chuan, anmahni pawh kutthlak zui ve nghalin, buai thui lutuk dawna an inhriat hnuah police-te chuan an tlanhhiatsan ta nghal a' tih chanchinbuin a rawn ziak a. MLTP Act kan hman a, zu kan zuar a, zurui tlangval pathum vel hlaua kan police an tlanhhiat zelte chuan engtin nge mipui kan him ang tih hi vawiin hian ka sawi duh a ni. Chuvang chuan hei hi chu minlo ngaihtuah chian sak ula. Hetianga police patrolling lehngalin tlangval zurui ni a lang hlaua tlanhhia chanchinbu a lo lang hi vawikhatna a ni hial awm mang e ka ti nghe nghe a ni. Hei hi a pawimawh em avangin ka rawn sawilang a ni tih kha ka rawn sawi duh a ni.

DEPUTY SPEAKER : Tunge sawi leh ang. Dr. K.Beichhua.

Dr. K.BEICHHUA : Pu Deputy Speaker, kan hawi kual a, ka sawi hnuah sawi an tum deuh vek niin ka hria a, chuvang chuan sawi mai kha thain ka hria a.

Sawi tur a tam hle na a, ka sawi tam vaklo ang. Kan Governor zahawm tak thusawi hi keima mimal lo hmuh danah chuan a nawi ka ti deuh hlek.

Pakhatnaa ka rawn tarlan duh chu NLUP hi ram pum hian kan sawi a, vawiinah pawh House-ah hian a hlawhtling, hlawhtling lo ve tih hi inhnial ta ila, kan inhnial kan inhnial ang a. Mita prove-na hmuh theih tur hi awm lemin ka hre lo va. Chuvang chuan hei hi chu keima mimal ngaihdanah chuan, in sem a tha. Min sem ve ula chuan a lawmawm viau ang ka tih tawh kha a ni a, kha kha ka ngaihdan a la ni zel a. A hlawhtlin leh hlawhtlin loh hi chu mipui judgement pek turah dah ta ila.

Chutih lai chuan vawiina Governor speech a thilmak deuh hleka ka hriat chu revitalize a rawn tih kha. Pathumnaah khan, 'Implementation is going on successfully as per the original plan' a ti a. Assistant about.... mi 62567 pek tawh a full in a ti a. Government-in a la pekbellh leh duh chu mi 72433, an vai chuan mi 1,35,000 a ni dawn a ni. Chu chu nuai 1 theuh pe ta ila cheng engzat nge ni ang tihte ka ngaihtuahnaah a awm ta a. Vawiina rethei khaichhuah kan tumna hi vawiina kan tih ang hi a tha thawkhat viau lai hian hei ai hian heng sum zawng zawng hian ram development infrastructure kawng dang dangah hian in concentrate ta ila kan inkhai chhuak hma zawk lo ang maw tih te. Entirnan kan kalkawng, inkalpawhna dinhmun te, damdawiin lam te, zirna (education) lam te, agriculture leh corporation hrang hrang kan neih angah te hian heng sumte hian hma la ila kan ram chu a va ropui dawn em tih hi ka thlir dan a ni.

Chunglai chuan heta revitalization programme in rawn tih kha a programme kha a successful viau ve a tih lai in thil successful tak revitalize ngai kha enge ni a awmzia ka hrethiam lova, nakinah a tul chuan min hrilhfiah ula. Revitalize tih kha Oxford dictionary-ah chuan hei hi 'give a new life and vitality' tih a ni. Thil chak tak, thil nung reng kha new life pek a ngai dawn em ni tih kha ka ngaihdan a ni a. Chuvang chuan kan NLUP kha successful tak ti si a, revitalize tura rawn sawi kha mak ka ti deuh hlek a.

A tlangpui deuhin ka ngaihpawimawh deuh ka sawi mai ang ka tih tawh kha. Hetah 15-naah khan 'My government is much concerned with the menace of drug

trafficking and drug abuse which assumed alarming proportion' a rawn ti ta a ni. Helai hi member zahawm tak tak ten Pu Deputy Speaker, kan ngaihpawimawh hlih hlih tur thil niin ka hria a. Vawiina kan ram dinhmun hi ngaihtuah ta ila, development kan tih te, hmasawna kan tih te, thil tam tak mita kan hmuh theih thil te an ni ta a. Vawiina kan ram min tichhe mektu mita kan hmuh theihloh a awm a ni. Chu chu a bik takin drug trafficking kan tih kha, drug abuse kan tih te, vawiinah phei chuan Thawhtan atang khan zu kan zuar leh ta nghal bawk nen, kan hmuh loh lam atanga thisen tirila min tichhe tu tur hi vawiinah hian kan hmuhhmaih deuh ta nge tih na rilru lian tak ka nei a.

Vawiina he thil prove-na chu tun darkarah hian sawlai Zodin fly over bridge-ah sawn va kal ila lo inchiu ngawng ngawng saw an awm ka ring a ni. Ka kal apiang hian ka hmu ziah, an syringe hmante pawh hi ka hmu ziah syringe thar an hmanglo a ni. Needle syringe exchange programme-te kha kan la kalpui em le tih hi ka ngaihtuah a. Vawiinah NGO heng drug abuse leh Aids control lama hmalatute hi tun hmaa sum leh pai nena kan vur thin a hma kan lak tirtte kha vawnah hian kut kuangkuah hian kan dah nge ni tih te pawh hi kan in ngaihtuah hi a tul hle a ni.

Chuvangin vawiina kan hmalak dan hi chu a beitham ka ti a. Vawiin aia chak zawka hma kan lak hi ram hian a mamawhin ka hria a. Chutilo chuan Zoram mipui mirethei te, lei rem an rah ve theih nan ti a NLUP-a nasa taka kan rilru kan pek lai hian helam kan hlamchhiah chuan Zoram mipui tam tak hi remlo deuh mai hian a hunlo deuhah chatuan ram kan rah tir mai ang tih hi ka hlau a ni. Chuvang chuan heng drug trafficking leh ruih hlo kan khawtlang nuna nasa taka min tichhetu te hi tun aia chak zawka kan do hi a va tul dawn em!

Tin, Excise leh Narcotic Department-ah hian staff lakbelh kan nei em tih te, MLPC kan hman takah phei chuan police leh excise-ah te hian indaihlohna a nasa dawn si a. Hengah te hian engtin nge sorkar hian hma a lak tih te hi kan ngaihtuah a tul dawn hlein ka hria a ni.

Chuvangin vawiina kan ram dinhmun, population leh ram mipui nuai 11, kan ram zimte, mihring tlemte hi chu heng ruihhlo te leh hmeichhiat mipatna free

taka kan awm palhna, natna min tihlum theitu tur (HIV) Aids leh Hepatitis kan tih ang chi te hi kan hlamchhiah hlauh chuan mang thei dinhmunah kan awm a ni. Chuvang chuan helamah hian nasa taka hmalak belh theih ni se tih kha ka sawi duh a.

Pathumna ah chuan Governor zahawm tak khan, ‘During the Financial Year 2014- 2015 the State Government released’ a ti a, pawisa a released a, District Council hnenah hian Plan leh Non-Plan a release tawhte kha a rawn sawi a. All round Development and Administration in three Autonomous Districts are found released during 2014 - 2015, February, 2015 a ti ta a, a zuk sawi leh thliah thliah ta a. Khatah khan a bik takin MADC (Mara Autonomous District Council) tan pheih chuan a tam ber list a ni. Chutih lai chuan Pu Deputy Speaker, MADC chanchin sawi hi mahni mawng hlim a nihna laite a awm avangin ka sawi duh ngai lova. Mahse, vawiih chuan loh theihloha sawi a tul tawhin ka hria a. A mimal kan beihna a ni lova, a party anga kan beiha pawh a ni lova, ramin a chhiat hlenpui mai dawna ka hriat avangin hei hi sawi tul ka ti a ni.

Tunah hian an dinhmun chu state-in khatianga sum tam tak a pek tawh hnu leh a dang kan pekbelhah pawh a tam ber kan pek lai khan Thawhlehi dt. 3.3. ah khan tihian Chief Minister zahawm tak thusawi chu rawn sawi chhuak ta ila, i phalnain, Chief Minister chuan thla thum vel hlauh daih lovin sorkarna bul a tan tih leh, thla thum vel hlauh indaihlo khan a sawi a ni. Chu chu vawiih engvanga thla thum vel hlauh indaihloa kal nge a nih? First instalment, second instalment, third instalment angin a kal ta a, District Council-ah chuan. Chu chu first instalment hlauh tur chu second instalment ami tur an va puk a, second instalment hlauh tur kha third installment kha an va puk a, chutianga kal reng reng saw an ni a, sawlai saw state-in hlauh tur leh thil dang pek tlak ve si saw engvanga kal nge an nih tih laite pawh saw min enpui ula thain ka hria a.

Chutih lain thil pakhatat chuan CEM thusawiah chuan eptu lam hian hlauh in pek theihloh vangin court-ah kal an tum a, keinin dik takin sum kan hmang si a. State sorkar nge ni, court-ah an thlen ang a, keini tih hi kan buai a ni tih kha a sawi dan a ni. Chuvangin state atanga pawisa pek vek si chutianga indaihlo deuha hlauh pawh pe hlei thei lova kal saw engvang nge ni? State sorkar inthlahdah vang nge ni

ang a, District Council inthlahdah vang tih saw ngaihtuahna nasa takin min pe a, chulai chu min enpui a tha hlein ka hria a. Chu loah pawh 6th Pay Arrear-ah khan 50% an in pe a, 50% pek lohin an la awm a ni. Vawiin thleng sawn nuai 650 vel an la ba a ni. Chutih lai chuan MADC CEM chuan khawi khawi atangin emaw kan puk kual a, rem kan ruat a, kan pe a ni tiin a sawi leh zui a ni. Chuti a nih chuan khawi khawi atangin emaw puk a nih chuan Central Sponsor Scheme ang chi te, khing laia kal ang chi neuh neuh atangte khian anmahni duh duh khan an chelek emaw tih turin he a thusawi atang hian a rin theih a ni. Hengte avang hi a ni lo maw BRGF Board Member a bialtu MLA pawh hi min dah duhloh tihte pawh hi rilru pawh hian a ngaihtuah nasa a ni. (DEPUTY SPEAKER : I hun a tawp ta) Tawite hun min pek belh la. Chuvang chuan heng lai te te te hi state atang pawh hian uluk takin min lo enpui ta ula a lawmawm viau ang tih ka sawi duh a. Thil tam tak sawi tur awm mahse minute 10 lek a nih avangin Session a la kal dawn chauh a, kan ngaimawh zawng zawngte chu nidangah la sawi turah in ngai ila, Pu Deputy Speaker, ka lawm e.

DEPUTY SPEAKER : A lawmawm e, tunge sawi leh ang?
Pu Lalruatkima.

Pu LALRUATKIMA : Pu Deputy Speaker, ka lawm e, ka hritlang deuh hlek a, ka khuh nasa deuh hlek a min lo hrethiam dawn nia. Vawiinah kan Governor zahawm tak thusawi lawmthu sawina hun kan hmang thei hi a lawmawm hlein ka hria a.

A thusawi hi point 41 zet mai a ni a, Governor-in House zahawm taka sawi tel loh atana tha tak takte pawh a awmin ka hria a, a chiri lek lekin ka hria a ni. Chutiang a nih lai chuan a bul rawn tanna State Election Commission hmalakna te, kumin kum kaltaa Election Commission of India-in inthlan a buatsaih a hlawhtlinna zawng zawngin bul a rawn tan a, a dik khawp mai a, khang zawng zawngah khan a lawmawm a. Amaherawhchu, State Election Commission kan nei a, chu State Election Commission chuan democracy principle-ah chuan election hi kan buaipui leh hmalakna pawimawh tak a ni a. Amaherawhchu, vawiinah chuan kan Village Council leh Local Council pawh a hun takah inthlang thei lovin tum 2 kan postpone tawh a ni. Chutiang kan nih lai chuan kha thil kha hmuhhmaihiin a hlawhtlinnate pawh rawn

tarlan a ni a. Kan election kal tawh zawng zawngah khan a lawmawm rualin kan State Election Commission tha ti chaka, hma la a, tan la leh zual turin kan sorkar thuneitute hi ka han ngenin ka han sawm duh a. Chhuanlam hrang hrangte chu a awm ang, amaherawhchu, chhuanlam awmlo turin kum kal ta atanga lo inbuatsaih theih a ni a, a term hun pawh kan hriat sa vek a nih avangin hetiang hian vawihnih lai mai kan han postpone hi chu sorkar hlawhchhamna kan ti lo thei lo a ni.

Tin, chutihlai chuan a point tawp ber a a rawn dah ah khan Tax chungchang, chhiah chungchang a rawn sawi a Chutahchuan chhiah chi hrang hrang kan hmuh dante a rawn tarlang a, a tha a. Chutih lai chuan chhiah nasa taka tih pun a nih avangin mipui tan phurrit a lo ni a, chuvang chuan mipui ten harsatna kan tawk a, party angte pawhin tihnam tura nawrna leh ngenna te pawh nasa takin au chhuah pui a ni. Vawiina kan dinhmun chu kan hria a, chutiang chu a nih laiin kan sorkar te pawh hian ngaihtuahna kan hman let a tul khawpin ka hria a. Chutih lai chuan kumin kan kumpuan helai hmun a tel ve ngei tura ka lo beisei sorkarin inrenchemna kum kan puan kha kan theihnghilh ta mai emaw chu aw ka ti a. Kan House Leader zahawm tak hovin kumin hi inrenchem kumah puan ni rawh se tih kha TV-ah khan ka lo hmu a, a lawmawm pawh ka ti a. Amaherawhchu, kan Governor hian a rawn hmaih ta tlat mai a, kan puang leh ta lo nge kan ti leh ta lo? Economic measure a kan hmalakna tur te, kan inrenchemna tur kawng a ngaihtuahna kan hman te kha sorkar hnathawkte tih tur alawm, keimahni tihve tur a ni lo, an mawhphurhna tur zawk alawm kan ti ta mai nge tih te pawh kha rilruah a awm rum rum mai a. Chungte chu ka han sawi hmasa ni sela.

Tin, kan hriat angin kum 7 kan sorkar hi kan hrawn tawh a, vawiinah mipuite beisei dante phakna tam tak kan neih laiin phak lohna tam tak pawh kan nei ang, mihring kan ni a, tlin vek theih a ni lova, chuti chung chuan tan kan lak a tul khawp mai a. Kumin chhunga kan hmalakna leh hmachhawpte a tlangpui han tarlanah te pawh hian tan kan lak a ngai hle mai tih chu a hriat theih a. Chutah chuan tuna kan kal danah hi chuan Rih artui phur ang hne hne mai hi kan ni em aw, Law & Order chungchangah pawh ni se duhthu kan sam tawklo a ni. Kan thiltih tum pawh kan ti hleithei lova. Chuvang chuan hemi kawngah hian sorkar-in tan a lak a, kan hmalakna zelah te pawh mipui leh tlawmngai pawl hrang hrang, Kohhran te nen pheih khai rual taka ke kan pen theihna turin ruahmanna kan siam hi a tul tak zet zet in ka hria a.

Tin, NLUP hi Social Economic Development hmalakna a ngaih a nih avangin tam tak tarlan a ni a, a bik takin kan sawi duh chu kan NLUP, kan Flagship Programme hi thlir dan chi hnih a awm a. Chutah chuan kan thlirna a in an loh avangin kan sawidan leh kan ngaih dan pawh a in ang lo a ni. A hlawhtlinna hi kei chuan ka lo tehna pakhat chuan kum 2008 leh 2013 kumtawpawh khan a hlawhtlinna chu a lo awm daih tawh alawm maw le ka ti a. A chhan chu mipuia, 'NLUP kan sem dawn' ti a tawktarh a hmangin mipui vote kan dil a, mipuiin chumi beisei chuan min vote a, chu laiah chuan vawiina treasury branch-a thu thei pawh hi kan lo nihna pakhat ve a ni a. Chuvang chuan kan treasury bench-a Pu Deputy Speaker, thlirtu te hian political measure angin kan teh tlat a, political measure a nih chuan lalna leh power kan neih theihna turin kan teh avangin NLUP hlawhtlinna kan sawi reng reng kha a dik lo va, tih ngawt hleihtheih pawh a ni lo a ni. Chuvang chuan a dik zia chu lalna leh power politics-ah khan kan hlawhtlin miao avang khan, chuvangin NLUP hi a hlawhtling a ni kan tih khan an tusual lo niin ka hria a.

Chutih lai erawh chuan economic measure a tehtu eptu party leh Zoram mipuite erawh hi chuan vawiina kan economic measure dinhmun zawng zawng, kan GSDP leh chi hrang hrangin vawksa man te, NLUP trade hrang hrang ar man te kan han hriat hian kan intodelh lo a ni. Kan intodelh loh dan zawng zawng pawh ar leh vawkah ngat pheih chuan Inrinni tuk in sa tha lei tur pawh kan hmuh mang loh hi. Tripura lam atang te, Burma lam atang ten vawk kan la lut a, a mangan thlak em em a ni. Chutianga teh, economic measure-a tehtu te kan awm avang chuan kan ram thatna turte, social economic development atan te kan tih ang ngei hian polictic power neihna tur ni lo in, ram in sustainable developmet kan neih theihna tur hian ngaihtuahna thar kan hotute pawh hian an hman a thain ka hria a. Chuvang chuan NLUP fak mai loh zawng political measure-a thlirtu te tan chuan hlapui dang kha NLUP lo chu a awmlo a ni tih ka han sawi tel duh a. Sawi tur tam tak a awm ang a.

Tin, chutih lai chuan kum a thar a, kum a thar vele atangin chhiah chi hrang hrang pungin min hmuak a, helai tak hi ruahmanna kan siam fuh tawh loh vang ni te pawhin a lang a ni. Ka sawi a, kan hretlang vek a, nikum lamah pawh chhiah hi chu mipui phurrit siam loh zawngin tihpun hi chu a tha chu kan ti tlang vek mai. Amaherawhchu, tui bill-ah za a za a pung a, tin, electric bill-ah chutiang bawh chuan

tih pun tum leh mek a ni bawk a. Tin, lei manah pheih chuan kan Biakinah te ngei pawh leiman la turin ruahmanna kan siam a, kan han la dawn uaih uaih a, kan sawisel avangin kan lo hmuhhmaih te pawh a ni ang e kan la leh ta lo a. Kan thlanmual, kan hmangaih kal ta te kan dahna hmunah ngei pawh khan lei man te kha kan lo it ta mai te pawh kha a paw ka ti a. Amaherawhchu, khangte pawh suspend ni mai lovin khang zawng zawng kha hnuklet leh a siamtha tur hian ngaihtuahna kan hman a tul khawpin ka hria a. Chutiang chuan chhiah chi hrang hrang kan theih theihnaah mipuite sawrfu tur awm tawh lo hi sawrfu kan han tum a, a mangan thlak khawp mai. Kan phun nuaih nuaih a, chumi avang chu emaw ni dawn ni kan ti a, Village Council leh Local Council inthlan pawh kan postpone chhen mai a nih hi. Chu chu a chhan bulte pawh a ni mai thei, ni lo mai thei kan hre lo, amaherawhchu thil ni thei tak mai a ni.

Tin, kan Governor zahawm tak thusawiah hian power chungchangte kan hmu a, mahse power chugnchangah hian kan Finance Minister zahawm tak budget pharh-ah khan power-a project chi hrang hrang neih mek leh kan hmachhawpte a rawn tarlang a kan hlim viau a ni. Amaherawhchu, tun ami hi chu a themlem, Pu Deputy Speaker, a tlem deuh chu a ni, hei lo hi tarlan tur duhawm tak tak kan nei ta lo nge ni, hma kan la lo nge, kan sawi hreh nge ni, enge ni aw tihte pawh ka ngaihtuahnaah chuan a awm a.

Tin, hei bakah hian buh thar a pung telh telh a, a lawmawm khawp mai a, a pung zel turah chuan kei pawhin ka ngai a. Amaherawhchu, buh thar kan tehna NLUP in a tum ber pakhat chu tlangram lo neih bansana eizawna ngial nghet kan neih theihna tur kan tih laiin, tlangram atanga kan thar buh la pung zel lai hi chu kan in enlet a tul khawpin ka hria. Chuvang chuan engti zawngin nge statistic dik kan neih theih ang tih te pawh hi ngaihtuahna kan neih zel loh chuan keimahni leh keimahni hi kan inbum chho zel ang tih te hi a hlauhawm khawp mai.

Tar pension te pawh kha a rawn tarlang a, kan minister zahawm tak pawhin tan a la a. Amaherawhchu tar pension-te pawh hun rei tak atangin kan pe thei lova, kan pek pawhin tlem te te in kan pe a. Hemi kawngah te pawh hian tan lak a la tul khawp mai.

Tin, Mizoram-ah Excise & Narcotics Department hmalaknain MLPC Act hman a lo ni ta a, a lawmawm. Amaherawhchu, harsatna kan nei ta a ni, chu harsatna chu engtingge kan solve ang tih kha khawtlang hruaitute nen tan kan lak tawk loh avangin harsatna namenlo kan tawk a. Chuvang chuan kan thuneituten he thil hi chinfel a nih loh chuan kan society hi dinglam leh veilam kan inthen phuk mai ang tih hi a hlauhawm a, hemi kawngah hian ngaihtuahna zau zawk kan hotute hian in lo hmang tawh mai thei. Amaherawhchu nasa lehzuala ngaihtuahna in hman loh chuan a fel dawn lo a ni. Chu mai chu a la ni lova, hemia kan chhiah hmuh beisei vaibelchhe 30 zet mai kha tun financial year-ah hi chuan kan tih tlai avangin kan hmu dawn lo tih chu a lang reng mai a. Hetianga harsatna mipuia thlentu a nih avang hian ngaihtuah thar a ngai a ni tih hi kan hotute hian in hriat nawn leh fo a tul tak meuh meuhin ka hria.

Tin, Mid-day meal chungchangah te pawh Education Department-ah kan han ti a, a lawmawm khawp mai. Amaherawhchu, chaw chhum harsa tak tak thlakhata ₹ 1,000 awrh chauh a kan rawihte hlawhte hi kan ba rei tawh lutuk a, hengte hi pek thuai thuai dan ngaihtuah a tul khawp mai a. Chutiang chuan sawitur tam tak a awm ang, kan sawi vek seng lovang.

Tin, leiman chungchangah hian kan sawi duh chu ‘The Mizoram Land Revenue Act, 2013’ kan han nei a, hei hi Mizoram-a ram chungchanga kan harsatna te solve na tur a ni. Amaherawhchu, min solve emaw kan tih lain tam takah chuan mipui tan harsatna tam tak kan dan thar hian min siam a ni. Kan Revenue Minister zahawm tak pawh khan ‘ennawn leh hial chi a ni, en that ngai tam tak a awm,’ a ti a, House zahawm takah pawh khan a tarlang tawh a. Vawinnah chuan inhmun lo ram lei leh hralh zawng zawng, dil chungchangah te pawh khan helai ami hi chu a khirh lutuk mah mah a, pitar/putar te inhmun lo ram buaipuitute hi kan nih thin avangin hei hi chu enlet a ngai a ni. Chumai bakah chuan revenue chhiah 100% te (Deputy Speaker : duhtawh dawn tawh rawh aw) minute 5 ka la nei maw? Ka lawm e. Mizoram Land Revenue Laws hi kan en thar a, a tul angte kan thuam that hi a pawimawhin ka hria a. Sawitur tam tak a awm a, kan sawi vek seng lovang.

Tin, Planning chungchangah Pu Deputy Speaker, lawmna deuh mai ka nei a. Hmanniah facebook-ah ka chhiar a, approach to developing growth strategy for Mizoram tih kha ruahmanna fel kan neih tawh loh avangin kan ramah harsatna nasa tak kan thlen a, chutah chuan new approach planning chungchangah te, monitoring leh surveillances ah te kan nei dawn ni te pawhin ka hria a, a lawmawm, a phurawm a ni. Thil thar tunlai khawvelah a awm zel, ngaihtuahna thar, hriatna thar a lo awm zel, chuvang chuan ruahmanna fel, monitoring fel, surveillance leh planning chungchangah te pawh hian kan neih chhoh zel tulin ka hria a.

Tin, ni 100 inhlawhna kha chu nichinah khan kan minister zahawm tak khan a lo sawi tawh a, kan Prime Minister zahawm tak khan TV-a ka lo hmuhin Congress sorkar hlawhchhamna symbol a ti a, mahse kan ramah hi chuan ni ve lo turah ngai ila, khulama an chai dan kan hre chiah lo va.

Kan ramah hian chhiah pek chungchangah kan member zahawm tak khan a rawn sawi tawh a, 'chhiah pek hi sapramah chuan pride a ni, an chhuang a ni' a ti. Chhiah pek hi a chhuanawm a ni Pu Deputy Speaker, mahse a hmanna hi a fel a ngai a ni. A hmanna transparency taka kan tih chuan, nawmchen nan te, nuam tawl nante kan hmang lo a ni tih kan hriat chuan dik taka kan hmang ni a kan hriat chuan tuman kan pe hreh lovang. Amaherawhchu, wawiinah kan hman dan kan hmuh hian economic measures te kan han chhut a kan hmuh ve chinah hian sorkar hi khatiang zawng khan a lo kal lo ni a kan hmuh avangte pawh a ni ang e. Tin, a punna sang lutuk vangte pawh a ni ang, chutiang chuan sawiselna a awm a.

Amaherawhchu, point 2/1 kan Governor thusawiah hian point 41 zingah hian sports chungchangah erawh hi chuan kan hlawhtlinna hi a lawmawm ka ti khawp mai, kan House Leader leh kan Sports Minister-te chugah pawh lawmthu kan sawi duh a. Kan tanrual a kan tih phawt chuan helai sports bika hi tribal quota ni ve lo, awm ve lohna a nih avangin keimahniah Pathianin talent min pek haichhuahna a nih avang hian tan kan lak a, hei hian kan rama harsatna nasa tak mai zuk leh hmuam chungchangahte kan insum phah a, discipline-te kan lo neih phah avang hian hemi kawngah hian theihtawp chhuaha tan kan lak a, planning chungchangah pawh new

approach kan han nei a kha points 41 zingah khan khalai 2-ah khan uar takin lawmthu kan han sawi tel a ni e, ka lawm e. *Speech not corrected

DEPUTY SPEAKER : Pu John Siamkunga i lo sawm ang.

Pu JOHN SIAMKUNGA : Pu Deputy Speaker, ka lawm e. Kan Governor thusawi kan sawiho mek a ni a, tunah hian NLUP chungchangah te thusawitu hrang hrang thusawi kan ngaithla tawh a. Thusawitu thenkhatte ka han ngen duh chu sorkar hi policy neiin, hma thlir neiin (he sorkar hi) a kal a. Chu a hma thlir ropui tak chu NLUP kan ti a, UNO atangten ngaihsanna nasa tak a awm a, NUDP kan ti a, UN Development Programme hnuai atang te, United Nation Industrial Development Organization atang te, Food & Agriculture Organization atang te, Labour Organization atang ten thawpui min chak a, University of Minnesota atangte a lo kalin research-te an rawn bei a. Foreign ram hmun hrang hrang atanga lokal ten an ngaihven ber a ni bawk a. Chuti chungah keini ram helai mi, mithenkhat ten tha lo eltiang a kan sawi hi engang thlirin nge kan thlir. Khawvel mithiam leh changkang zawk ten policy ropui, policy tha, in hruaichhuahna atana hmathlir ropui tak an tih lai a, keinin a chhe ber leh hmathlir awm lo leh ram hruai changkanna ni lo tur awm anga kan sawi hi, eng thlirin nge kan thlir tih kan hriat pawimawhin ka hria a. Tin, heng a sawiseltute hian hei aia tha rawn rawt chhuak thei se la ka appreciate khawp ang. Mi thlith that sa sawisel hi a har reng reng lo. Mi thil hmalakna nasa a chhe lai pir zeuh zeuh pawh hi thil awl tak a ni. Amaherawhchu, chu aia tha a policy han zam sak erawh chu a har thin.

Chuvangin, wawiina kan hmuhah chuan NLUP hnuai hian hmasawanna tam tak a kal mek a. Department tam tak, line department kan tih pawh hian a hlawkpui. NLUP kan tih atang hian sum leh pai, department-ten kan nei mang lo ti tute chuan an hna an hai a ni. Horticulture Department lo tehkhin ta ila, NLUP an take-up hnu ah hian an hnathawh tur dik tak zelah hma an la tho, Agriculture ho pawh an ni tho, Fisheries ho pawh a ni tho. NLUP awmlo mahse an hmalakna ngei ngei zawk tura hma an la kha keinin pawisa tlem ta ang a kan lo sawisel sak hi an hmalakna kan hai pui ta nge, a department ami ten an hmalakna tur an hai zawk? Kha kha kan tehna fung ni zawk sela tha in ka hria. Tin, he NLUP hian hmathlir tam tak a

neih avang hian keini Mizoram mipui aia zirna sang, ram changkang tawh, hmasawn tawh zawkte chuan minrawn thlirpui danah hian hmahlir thui tak kan nei a. Chungah chuan forest tam tak in siam belh dawn a ni maw min ti. Permanent Farming System a kan kal chuan, lo hmun nghet kan neih chuan ngaw a ding chhuak tam dawn tih minrawn thlirpui thiam a. Tin, eco-system-ah pawh eco-balance a awm thei ang. Rannung hrang hrang leh thlai hrang hrangte in balance takin an nung thei ang tih minrawn thlirpui bawk a. Tin, chutih laiah NLUP dawngtute leh NLUP hmanga hma la tu ten mahni an in chawm thei bawk ang a tih te minrawn hmuhpui bawk a.

Tin, tui hna kang zel hi ngaw a lo tam chuan a lo pung ve bawk ang a. Tin, chumi hmang chuan ram awmze neia kalpui a ni ang tih hi minrawn hmuhchian sak em em a ni. Chumi a nih avang chuan 16th October khan Vanapa Hall-ah UNO lampanga hruaitute leh Mizoram sorkar chuan MoU an sign ta a nih kha. Chuvangin khawvel ram changkang, UNO hi an hmunpui chu New York a ni a. Chumiah chuan nasa takin hma anrawn la a, Geneva lamah te heng hote pawh hian hmunpui an nei vek a ni, UNO peng hrang heng kan sign puite zawng zawng hian. Chutih lai kara keinin a chhe ber zawng leh mipui ti hnur zawnga kan inzirtir hi chu thil tha niin ka hre lo. A vang chu NLUP beneficiaries-te hi hlawhtling ngei se la, Zoram hi dingchhuak ngei se la ti tute tan chuan NLUP dawngtute hi fuih sauh sauh zawk tur kan ni a. Hmahlir tha zawk kan nei a nih erawh chuan NLUP sawisel ang u. Kan nei si lo a nih chuan kan mi te hlawhchhamna tur leh a tui lo zawnga in zirtir hi chu kan tih tur niin a lang tlat lo. Chuvangin tuna kan thlir maiah pawh Oil Palm kan chinna hmunte hi a kum tinin a zau belh a sin. Kum tina a zau belh kha hmasawna a ni lo em ni? A nih leh bawngnute kan tharchhuah lo tam chho ta zel te hi, khangte kha hmasawna a ni lo em ni? A back zawngin kan kal reng reng lo. Tin, chutih laiin artui tharchhuah a lo pung zel te hi NLUP rahchhuah a ni lo em ni? Kan hmasawna a kal zel a ni lo em ni? Chutih lai karah hmunphiah, hengte pawh kan chin a lo pung chho zel bakah kan tharchhuah lo pung chho zelte hi hmasawna a ni lo em ni? Tuna Aloe Vera kan chinna khilai Baktawng leh a chheh velah te pawh sahbawn an siam a. Chumai pawh ni lovin mi tam takin an chin belh zelte hi hmasawna a ni lo em ni? Tin, sangha kan tharchhuah lo pung chho zelte hi hmasawna a ni lo em ni? Chuvangin NLUP hi mawl taka kan sawisel hi a fuh lovang.

Khawvel sorkar hrang hrang kan thlir chuan kalna bik an nei thin. Mizoram sorkar pawh kan thlir chuan kalna bik a nei a, a kalna bik NLUP hmanga kawng hrang hranga mipuite khaichhuah a ni. Chuvangin eng tehna nge kan hman a a nilo zawnga kan thlir tlat thin ni. Chuvangin hei hi ngun deuh a kan hriat a tha. Tin, Aizawl hmunah ram hman tangkai tur neilote tan pawh Petty Trade kan ti, ka mithmuh ve maiah pawh hian sam mehna dawr lo dingchhuak ta te kan hmu. Kan in bul lawka NLUP dawrte saw an chhungkaw ei tak tak a ni, veng hrang hrangah hian chutiang chu an tam. Chutichung chuan NLUP a hlawhchham kan la ti zel dawn em? Kan hmasawna hi vawi leh khatah hian a ni rup rup lovang, development reng reng chu zawitea kal a ni thin. Vawi leh khatah a zuang mai thei bik lo. Chuvangin vawiina trade hrang hranga NLUP hnuaiia hmasawna kal mek hi hlamchhiah a zuk nuihzat mai chi a ni lo va. Sawt chi pawh a ni lo, kan mi te mawl te te zawk te hi kan encourage zawk tur a ni dawn lo em ni? An dawn tawh chuan, ‘tipuitling ngei rawh u aw, i dinhmun siam ngei rawh aw,’ tia kan inzirtir zawk tur a ni. Chumi ni lova a hnual zawng leh a ho zawnga hman tla ran tura kan in zirtir chuan Zoram hi a dingchhuak ngai lovang tih hi kan hriat a pawimawh hlein ka hria.

Tin, kan Governor thusawiah hian lawmthu sawina tur tam tak a awm a. Corruption chungchangah te he sorkar hian huai takin Lokayukta Bill kha kan han pass ta kha a ni a. Heng dante hi keimahni leh mahni in x-ray na tur a ni. Mahni leh mahni pawh a tul a nih chuan miten minrawn chhui theihna tur a ni. Chuvangin hei hi huaisen taka kan Chief Minister zahawm tak Pu Lal Thanhawla kaihhruiin an pass ngamte hi langtlang sorkar, mahni in chhui let ngam, corruption tih lohna sorkar a ni tih hi he dan atang pawh hian chiang takin a lang thei.

Tin, tunah hian hmeichhe hmakhua ngaiin dan kan lo neih mumal loh avanga hmeithai tap zawih zawih te, hmeichhe tam tak an pasal ten kawngka sula an mak rethei taka awm zui ta te. Khatiang tam tak leh thildang dang avangin he sorkar hian, ‘The Mizo Marriage, Divorce & Inheritance of Property Bill’ kha 2014 khan kan lo pass in Act a lo ni ta bawka ni. Chumi a nih avang chuan he sorkar hian kawng hrang hranga a hmalaknaah hian ropui takin hna a thawk tih kha a chiang em em a.

Tin, nichina kan member thenkhat ten an rawn sawi pawimawh ta em em chu NLUP hi revitalize a ngai em ni in tih kha. Revise ngai teh reng ma, lehkha kan zir a, kan kum khat zir kha a tawpah kan exam thin a ni. Eng ang mi nge maw ka nih a, eng ang dinhmunah chiah nge ka din, ka thiam tak tak em, min lo exam thin a ni.

Chutiang bawkin NLUP kum hei leh chen kan kalpui tawhah hian in revive teh ang. Tin, central lamah pawh May ni 26 ah BJP sorkar lakluh a ni a, reilote-ah Planning Commission, Constitution puipa ten an lo din chu thiatin, National Institution for Transforming India Aayog kan lo din ta a. Khami a nih avang khan Mizoram sorkar hian Budget hi kum khat kan pharh lo a ni. Nikum 2014 November 26 khan kan Budget pharh kha kan khar ve thei chauh, chumi a nih avang chuan pawisa chu kan duh ang thal hian awm turin la beisei chi a ni lo reng reng. Tuna central-a BJP sorkar khuan Budget pharh miah lovin a kal char char a, Budget pui chu thla hmasa khan a pharh ve chiah. Chumi a nih avang chuan sum lo harsa te hi tu te emaw in puhmawh a, inkawh inkawh a ngai lo. Sorkar hian kan tih theih tur ang kha lo ti thei ila, budget kha kan sorkar hlimah pharh thei ila, BJP sorkar khuan Plan Fund kha min pe thei nise vawiin ni hi kan tawng hauh lo ang. Vawiina inpuhmawhna eng eng emaw awm a hetia kan tih hi a pawl tak zet in ka hria.

Tin, tunah kan sorkar chak takin “Approach to developing growth strategy for Mizoram” tih an han approved ta hi a ropui hle in ka hria a. Planning, monitoring and surveillance kha kan kalpui dawn a ni. Chumi awmzia chu sectorial monitoring te sorkarin a bei dawn. Sector hrang hrangah khan kan hlawhtlinna tur zawngin state economy thuai sang zawngin he sorkar hmalakna hian a bei chho dawn a. Chu mai a la ni lo, Department hrang hrang pawh a la monitor dawn. Hei hi a nihna dik taka hman chhoh pheh chuan a ropui hle dawn a ni.

Chuvangin, nichin lawka kan thian thenkhat ten an sawi, member zahawm tak ten an sawi “Old Age Pension” tih kha chu pheh 9-ah khan a sawi chiang em em hlawm a, han sawi bo chi a ni lo. Hmeichhia, pasal then te emaw, pasalin an thihsan te emaw, kum 40-59 inkar te pawh kha 1925 lai kha enkawl mek an ni tih te, khang kha a chuang chiang em em a. Chuvangin, Vanglaini in a lo chhuah kha, Old

Age Pension kha a hmu fuh lo a nih ka ring a. Tah hian a chuan chian em avangin sawi zawm ngai lovin kha kha en zawk se la.

Pu Deputy Speaker, ka sawi zo tep a, reilo te. Tin, austerity measure in la lo em ni tih lai te kha – hei, a pawh khawp mai. Kan MLA zahawm tak tak te hian an hriat ka ring. VIP quota kan cut zawng zawngte kha inrenchemna hmalakna vek a ni. Kan buhfai quota te kha kan pe vek tawh, chini pawh kan la tawh lo. Khang zawng zawng kha inrenchemna hmalakna vek a ni. Tin, tunah thil dang tam tak sawi tur a awm, mahse kan hman lovah ngai ta ila. Inrenchemna chungchanga hmalakna hi sorkar hian a kalpui na em em a ni tih hi, kan tui in tur, hemi bottle thleng hian, a bottle lian chi chhawp tawh lovin, bottle te kan chhawpah te hian a chian em em a ni. Sawi tur a tam a, hun ka nei tawh si lova, khalai kha chu.

Ka sawi duh tawp berah chuan chhiah chungchang kha – India ramah hian chhiah an pe rip em em a, India context chauh ka sawi ang a. Tuna kan Dan hman lai ah chuan kan chhiah pek dan chu hetiang hi a ni – mi, nuai hnih leh sing nga atang nuai nga lalut chin hian 10% an pe a, za zelah sawm, tam tak a ni. Cheng nuai nga la chin chuan cheng sing nga, kum khatah a hman ni miah lo, electric bill ni miah lo, tui bill ni miah lo kha a pe hrim hrim mai a ni. Nuai nga atanga nuai sawm la chin chuan 20% plus 25,000/- a pe, tam tak a ni. Nuai sawm chung lam la lut chuan 30% plus 1,25,000/- a pe a, chumi awmzia chu nuai sawm chunglam la chuan cheng nuai li leh sing sarh vel an pe. Khatiang khan India mi, keini tribal nilo ten chhiah tam tak tak, a sing tel, a nuai tel, a maktaduai tel, a crore tel an pe. Hmanni lawkah Shahruk Khan khan engzat nge a pe an tih kha? Crore 30 chhiah a pe a ni.

Chutiang chu a nih laiin keini, Mizoram te hi 10% hi kan do let ve theih nan hma i la ve ang u. Biak In pawh a changkan a, kohhran a phuisui dawn chuan thawhlawm kan thawh thin a lawm, thawhlawm tlawmngai taka kan thawh vang a ni vawiin ah hian khaw hran hranah Biak In lianpui pui a awm. Kan inti neitu a, a sum kalna thlengin kan ngaihtuah, a sum enkawltute pawhin mipui thawhlawm kha an zah a, an eiru ngai lo. Vawiinah hian phai lam atanga mi chhiah tling khawm zuk hai chhuak nia kan inngaih avang hian sum zahlohna leh kha pawisa zah lohna khan kan khat a, eiruk kan tum thin niin a lang. Chuvangin keimahnin i contri ve ang u, state

sum hi i contri ve ang u. Vawiinah hian 10% kan lo meet ve tur state matching share hi kan lo thawh chhuah ve kha a pawimawh tak zet a. Chuvangin vawinah hian i veilam ami ten chhiah tam tak taka tipung a, chhiah te hetiang anga ti an tih hi a dik lova, keini Zoram hmangaihute hian Zoram siam nan i contri ve ang u, kan hman man ni lo kan dil lo, kan hman na na na hi chu kan theih tawk i pe ve ang u. Tichuan, Zoram hi a ropui ang a, Zoram hi matching share-ah a buai tawh lo ang a, tichuan sum tam tak khulam atanga lo lutte a lo kal zelin, development hi a kal tha dawn nia tih kha sorkar rilru a ni tih kha he Governor Speech atang hian a hriat a.

Tuna kan chhiah han tlingkhawm chho te pawh hi a sang ve ta hle a. Heng property registration te, building, lottery, taxation, transport, trade & commerce, excise & narcotics, tourism atang ringawt pawh hian cheng vaibelchhe 242 lai a lo lut a nih chuan vawiinah foreign atanga company ten investment an rawn nei dawn rih lo. Khang investment rawn neilote aiah khan tuna vaibelchhe sing nga chuang, 10% for north eastern state khu kan hailuh tam theih a, a matching share kan neih tam theih chuan Zoram hi ram nuam takah kan chawikang chho thei ang tih kha ka ring a ni. Pu Deputy Speaker, ka lawm e.

DEPUTY SPEAKER : Home Minister, Pu R. Lalzirliana

Pu R. LALZIRLIANA, MINISTER : Pu Deputy Speaker, tawite minute 2/1 lek sawi ka duh ve chu Governor Speech kan sawina-ah hian ka Department chanah tlema han react tur deuh awmin ka hria a, khalai te chauh kha ka'n sawi ang a.

Agriculture hi NLUP nodal department a ni a, NLUP hi a tha a nih ka ring a. Nichinah khan kan member zahawm tak te khan, "In hlawhtlin pui viau tawh a ni lo'm ni? Inthlan dawn tum hnihah khan in hlawhtlin pui tawh a," an ti a. A dik khawp mai a, inthlanna-ah pawh kan hlawhtlin pui a. Tin, eizawna nei lo, kut hnathawktute dinhmun chhhia, dinhmun changkang takah an din chhoh theihna tur leh rahbi rem an rah theihna turin tun hunah hian NLUP hi kan hlawhtlin pui takzet a. Chuatiang kan hlawhtlin pui em em, nichina kan ngaihthlak tawh angin, mirethei te hmangaih ni ve a insawi si ina a tawp tur zawnga hma an han la thei tlat mai hi chu a

pawi ka ti khawp mai a. Nakumah te inthlang tur ni ta mai ila chuan “he NLUP hi in hlawhtlinpui leh dawn si a, chuvang chuan lo ti tawp teh u” tiin central lama an zawmpui te lo zu ngen ni se thil awm lo lutuk pawh a ni lo mai thei e. Amaherawhchu, kum 4 kan la neihah hian engmah Zoram tan hian tih chhuah theih an neih dawn chuan si loh avangin he thil hi chu miretheite tan, he sorkar-a helama thute itsikna mai pawh ni lovin, miretheite chem lova lu lak tumna niin ka hria a, a pawh tak zetin ka hria. Hetiang hi politics a kan inbeihna-ah pawh hian thil tha tihah hian inbei zawk ila a tha-in ka ring deuh a ni.

Tin, helaiah khan zu chanchin – zu kan zuar a, zawrh theih pawh a ni mumal lova, chuvangin kan society kan inthen darh phung mai ang tih te pawh a hlauhawm e tih te pawh kha a ni a. A dik khawp mai a.

Heng hi sorkar-in kan lo sawi tawh a. Session hmasa lamah te pawh dan te kan lo pass tawh a. Tin helai hmun chhungah hian kan Chief Minister zahawm tak, kan House Leader pawhin, “He Dan hi – MLTP Act hi – a hlawhtling lova. Chuvangin, a hlawhtling lo chung sorkar-in kalpui zel chi a ni lova. Tunah hian Dan thar kan han hmang ang a, he Dan pawh hi a hlawhtling lova a tha lo a nih chuan helai chhungah hian a titheitute kan awm a, kan ti danglam leh mai ang,” a ti a.

Chuvangin, tuna sorkar-in zawrh chhuah a’n tumnaah pawh hian inrintawkna hi a pawimawh khawpin ka hria a. Inrin tlan loh hi chuan tuna zu ruite leh motor khalh chung a zu in te, khatiang ang dan piah lama, permit nei mah sela zu ruih kha kha permit khan a ken tel loh avangin strict thei ang bera sorkar-in khuahkhirh a tum te pawh hi a ti dal thei ang tih te pawh hi ka hlau ang reng khawp mai a. Chuvangin, dawhtheihna nen kan tang tlang ang a, kan han tichhin ang a. Veng thenkhat ten, “Tunah a chhia leh a tha kan hre lova. An han tichhin ang a, chutah a that loh chuan kan la sawi ho mai ang chu,” an tih te hi a entawntlak viauin ka hria a.

Engpawh nisela, hetiang a duh lo te hnena zawrh tura tih a ni lova, lei tura tih an ni lova. A lova awm thei lo ten harsa taka zu chhia leh zu to zawk, zu tha lo an lei tho si avangin, tha zawk an lo in ve theihna tur atana sorkar-in a ngaihtuah a nih lai hian, midang ngaihtuah lek lova mite tana malsawmna ni tura kan inzirtir laia mite

thil duh dangchar zawka siam tum kan ang te pawhin ka hria a. Hei hi a pawl hlein ka hria a ni.

Chuvangin, harsatna a awm chuan tunlaiah thil, ar talh dan chi khat chauh a awm lova, online te pawhin engkim tih theih a ni a, Tunah hian online-a an bazar nasa lutuk te pawh hi Taxation Department-in an ngaipawimawh hial a ni a. Chutiang te pawh chuan a sem theih vek mai a. Chuvang chuan, harsatna engmah helaiah hian kan la tawh hranpa lova. Amaherawhchu, a zuar duhtuten an zawrhna hmunah khan kan khawtlangte leh midangten harsatna an han siam hi chu harsatna tak takah kei ka ngai hranpa lova. Tin, khawtlang duh loh zawng an khuaa va dah tlat pawh kha a tulna ka hre lova. Sumdawng an ni a, a zuar theihna hmunah an sumdawng ve mai turah ka ngai a ni. Chulai te chu tawite-in ka'n sawi duh a.

Tin, Law & Order chungchang Er. Lalrinawma'n a sawi kha, kha thil kha thinlung a khawih viauin ka hria a. Amaherawhchu, hei zu kan zuar a, hetiang anga buaina siam zu zawrh hnuah a ti a. Amaherawhchu, zu kan zawrh hma daih thil a ni a. Tun March ni 8 (Pathianni) zan kha niin ka hria a, khalai thil thleng kha. A pawl ka ti khawp mai a. Zu kan zawrh avang hian, MLTC Act kan hman tawh avang hian kha lai hunah khan zu zawrh chhuah a la awm lo va. MLTP Act hnuaia zu vek kha khalaiah khan a la awm a ni a.

Tin, khulaia zu ruite police-in an nangching a, an tlanhhiat san tih kha thu tak a nih leh nih loh tunah mai hian ka fiah thei lo va. Enquiry kan la ang a, thu tak a nih chuan, khami te kha keipawh dawihzep ka ti a. A sawitupa ang chiah khan tha lo ka ti a. Pawnfeng feng tlakah ka ngai a ni, an tlanhhiatsan a nih chuan. Helaia a zu nangchingtute hi SI ho-a Constable pahnih (2) mi sual an man a, an kal kawnga intibuai, buaina lo awm ta chu an han zuang chhuak ve a. Police pakhat (1) a hliam tak avang khan Damdawi In lamah an phur leh ta mai ni awm tak a ni a. Kha thil kha thil serious tak a ni. Chuvangin enquiry kan la ang a, khatiang thil kha a tak a nih chuan hrem lohin an chhuak hauh lo ang tih he House hi ka hriattir duh a ni. Ka lawm e.

DEPUTY SPEAKER : A lawmawm e. Zu chungchangah hian ka'n sawi ve lawk ang a. Kum 15 aia rei khap bur a ni a, a hlawhchham zia mi zawng zawng hriat a

ni a, a awm reng tho a. Tunah hian khuahkhirh ni se la, a zu a hi in tur tha awm se, a in duh tan. A rui lam hi strict zawkin tiin sorkar kal an tum a, Dan in han siam a. Hei hi in kalpui thei lo a nih chuan zu chungchangah hian eng Dan mah hi nei lo mai ula. Tichuan, IPC leh dan dangah hremna tam tak a awm tho va. Zu hi buaipui lo tlang law law ila, Dan pawh hi awm lo se, khap bur lo bawk ila, khuahkhirh lo bawk ila a tha mai lo'm ni, tih kha Chair atangin ka'n rawn che u a ni. Enge Pu Ramsanga kha a phar em ni? Aw, Pu Ramsanga, Pu Zoram Sangliana.

Pu P.C. ZORAM SANGLIANA: Pu Deputy Speaker, ka sawi lovang ka ti deuh zet a, mahse, ka'n sawi duh lai chu point pakhat emaw chauh a dang tam tak sawi tur a awm laiin. Mi retheite au aw hian a nghawng tur dik tak a nghawng a. Aizawl khawpui, Mizo fate tana kan Jerusalem-ah riltam mangang avanga chemtum nena kawng zawh a awm lai khan he kan ramah hian mi rethei leh lo neitute hi an rum a ni. Mahse, policy leh programme tha, vawiina kan Governor hian a thusawinaah a rawn sawi lang a.

Khawi lai corner atangin emaw mi rethei khai chhuahna tur NLUP hi tihtawp tumin bei mah sela tih tawp a ni lo ang tih Governor-in hmanni-a a rawn sawi khan, "E heu! Politics-a inchirhthehna mai chu a ni hauh lo mai he thil hi. Governor-in record a awmin House zahawm takah a rawn chhiar chhuakin a copy min rawn sem dawn a ni a. Hei zet chu mi retheite khai chhuahna tur programme titawp tura beitute hi chuan, keimah a rawn react-na hmasa berah chuan, Pu Dy. Speaker, Pathian mit naute an khawih chiang mai a," tih hi a ni nghal a. Pathianin a huat ber chu, min siamtu-in a huat ber chu Ama'n a hmangaih mi retheite hlamchhiah a ni. He sorkar hian mi rethei ber pawhin eizawna ngelnghet a neiha a lo din chhuahna tur programme hi a ni.

Nizan maiah khan ka tunu-in min rawn phone a, a in chung tur rangva a pasalin a dam laia a ngaihtuah khan a daih lova, phok 14 emaw chauh hi a duh belh a. "Ka pu, min rawn ngaihtuah belh thei ang em?" a ti a. "Kan ngaihtuah dawn nia aw", ka tih lai chuan ka tangka bawm ka mitthlaah a lang nghal a ni. Ka tunu tan ngawih ngawih a ni. Cheng sangthum emaw chauh a nih ka ring a – 'chauh' han ti khanglang ila. He sorkarin lo neitute leh miretheite khai chhuah a tumna cheng nuai khat (₹

1,00,000) thleng, an trade-in a zir pheii chuan chu aia tam zawkin. An eizawna, an rahbi tleu tawh hi rahbi thar a khai chhuah tumna programme a ni. A dawngtu zawng zawngte Congress party-a han puh a, han nem liam vek te, a dawngtu ho zawng hian pawm se ka duh ngawt nia, kei chu. Pu Dy. Speaker, pawm se, Mizoramah hian political party dang tan hian vote zawn na ngam chi a ni tawh lo reng reng. Chu chuan a huapzo zia leh mirethei te a hma zia hi a lang a.

Pu Deputy Speaker, 2018 te hi i veilama mite hian an sawi ri leh thin a. Delhi inthlan result ang vel hian an nil ka ring tlat. Mi retheite hian an lawmthu sawina hi kutphah zawna hmeh hi nuam an ti dawn tlat. Chu chu a nih avangin hetiang tih tawp tum te hian tawngkam mai duhtaw lovin zia in an han ti a. House property tura lo thleng tawh a nih avangin ka tan pawh chhiar a inthlahrunawm tawh lova, ka'n chhiar chhuak lawk ang e. "We, the branch of NDA called the United Democratic Front" Narendra Modi ho chu an ni lo chiang ngawt nia, chal hnawih sen dik tak chu Mizoram-ah hian kan chiang ta. Hetah hian document-in a awm vek alawm. Vawiina Kristian Biak In sawisa tu te, Kristian-te chungaharsatna thlen mek tute zawmtu, Mizorama tualto party ho hi an lo ni reng a ni. Chuvangin hei hi mipuiin an hmu tawh si a, "khawi'nge," tiin thil dangah hian an sawi kual vel ni te hian ka lo ngaihtuah a. Chuvangin kan programme hi a inthlau em em a, kan hotupa kaihhrui sorkar hnuaiyah hi chuan kuthnathawktu te chawimawina ni-te neiin, he programme hnuaiyah mi hlawhtlingte chawimawina ni-te neih a ni. Mirethei Intodelhna Programme, MIP programme hnuaiyah kan hmuh chu hnathawktu beidawng chemtum nen Aizawl khawpuia kawngzawh a rah chhuak a ni. He NLUP programme erawh chuan hnathawktute hnenah lawmman siamna leh tih chak leh zualna revised programme te District Headquarters-ah te hmalak mek niin ka bial ngei pawh Pu Dy. Speaker, Zirtawpni ah hian chumi programme te chu hmang turin ruahhman a awm mek a ni. Kan lo neitute an chiang khawp mai.

Kan Governor thusawia para tinah hian lawmthu sawi tur a awm rualin ka rilru-a thawk ber chu thingtlang-a pianga sei lian, kekawr tluan pakhat leh kamis pakhat-a High School pawh zirchhuak ve ka ni a. Chung te tana cheng nuai khat malsawmna han hmuh hian a hlu leh zual ka ti a ni. A dang tam takah lawmthu sawi tur a awm rualin vawiina kan mover-in Governor thusawia lawmthu sawina a rawn

move-ah hian a dang zawng zawng a lawmthu sawi tel a hemi bikah hian programme leh policy-ah hian kan inkhaikhin a teh tur a nih angin a aia tha zawk, NLUP aia tha min kawhhmuh tur nei ni se chuan kan zir tur a ni ang. Chumi ni si lova an sawi uar thiam tawk lo nge an sawi uar thiam dan bera a dawngtu zawng zawng Congress party a min han pe te hi an thil phal mah mah, vote an la zawng zel dawn a nih pheii chuan a har talh tawh dawn tih hi an thusawi hian a tinghet in ka hria a ni. Kan hotupa kaihhraina hnuai mirethei khai chhuahna programme an sawi fiah leh na, uar tak maia kan Governor-in, “NLUP shall continue,” an tih hian, an retheih sal tanna atanga chhanchhuahna Jubilee dar rik nawn leh na niin ka hria a ni. Keimah ang bawka ka retheih puite pualin he Governor thusawi pawh hi hemi para’ bik chauh kal tlang hian lawmthu ka’n sawi ve in mover kha ka’n support a ni e. Ka lawm e.

Pu VANLALZAWMA : Pu Deputy Speaker, ka lawm e. Kan ngaihtlak tawh ang khan kan Governor zahawm tak thusawi-ah lawmthu sawina hun tha tak mai kan nei thei a, a lawmawm hle in ka hria a ni. Point tam tak kan hmu a, a zavai chuan sawi sen pawh a ni lova, ruling leh opposition lam atang pawhin sawi tam tak kan ngaithla tawh a, point tam tak sawi a tul tawh lo a. A hmasa bera ka sawi duh chu kan tui ber leh kan sawi tam ber mai NLUP hi a tir atang khan sawi hi a hlawh em em mai a. Amaherawhchu, a tir phat atang khan kan sawi dan hi a inang lo deuh thin a.

Pu Deputy Speaker, i ding lama thu te leh i vei lama thu te hi kan source hi a inang lo deuh ni tur a ni a, kan sawi dan hi a inang hlei thei lo reng reng mai a. Chutiang chuan tun hi kan han thleng chho a ni a. Kan House Leader zahawm tak hian hman deuh khan a sawi niin ka hria a ‘a tira ka phur angin ka phur leh tawh lo’ tih ang deuh a ngaih theih leh ‘ti tha duh lo tam tak an awm’ tih vel hi a sawi zeuh zeuh thin in ka hria a, kha kha leh lamah chuan a ropui ang rengin ka hria, a rilru tak tak a sawi niin ka hria. Tuna House a kan han sawi khawm dan hi chuan a chhe lai reng reng awm lo leh tha em em leh a dawngtu zawng zawng pawh lawm em em leh thatpui ni a kan han sawi lai hi chu a dik lo deuh em aw ka ti a. Kan thu dawn dan a in ang lo a ni mai thei ka tih tawh kha. Keini lam dawn veah hi chuan, kan party lam a lo awm ngar ngar te hi chuan ‘NLUP a an thlem ngar ngar pawh a kal duh lo kan ni’ an ti a, ‘anni ho kha chuan an tlin ta meuh lo a, min kalsan ta a’ tih hi kan dawng thin a, chu chu kan dawn dan a ni.

Pu Deputy Speaker, i dinglamma thu te hi chuan zin veivahna ah hian NLUP that zia kha an lo fah char char a ni mai thei a. Keini lamah hi chuan kan dawn ve reng reng hi 'chumi te chhung pawh chuan an dawng a, an ti tha si lova, an chhiat phah mah mah niin ka hria', ti pawl te pawh hi kan dawng a ni.

Tin, bawng leh vawk chungchang kan han hriat te pawh kha, session hmasa lamah te pawh khan kan han dawng a. Khatiang lam te kha kan hre hnem ang reng khawp mai a. Chuvang chuan a policy hi a theory a dik leh a mawi ang hian practical ah hi chuan a lo fuh chiah lo lai tam tak a awm a ni tih a langin ka hria a.

Tin, sem zel kan tum tih te pawh kha a tha khawpin ka hria a, tun anga kan kal chhoh hi chuan ruling party-a va lut lem lo pawh in a dawn chhoh theih tan dawn ni awm tak a ni a. Opposition lama rinawm taka awm tlat te pawh khan an dawng chho ve mek dawn niin ka ngai a. Khatiang a nih kha chuan a lawmawm em em niin ka hria a. Chutih lai chuan a hlawhtlinna lai leh tlin lohna lai pheih kha chu sang taka a hlawhtlin hi a tir atangin ka beisei chiah lova. A chhan chu a dawngtute dinhmun leh department hrang hrang inrelbawl dan te leh vanduaina thleng theih hrim hrim ngaihtuahin tuma thiamloh pawh nilo hi a kar ah hian a tam ve hrim hrim a. A hlawhtling lo tur tam tak a awm tih kha pawm te pawh a tha in ka ring a. Ka hriatsual loh chuan Synod Social Front lamin survey an han tih pawh khan ruling party lam dawngtute kha chu 88% vel ang deuh khan khatih lai kha chuan an chhuah niin ka hria a, chung chu kan document neih thenkhat kha a ni a. Engpawh nise, hetiang sorkar-in tuiptui taka a kal pui a, a ti chho hi sawisel ngawr ngawr tur pawh a ni lo kan tih ang khan a dik a. Amaherawhchu thenkhat sorkar hnathawk te pawhin an dawng tih te a awm a.

Tin, thenkhat chuan in khat atangin mi 2/3 lai dawng pawh an awm ni a sawi te pawh kan beng te chu a lo thleng a. Heng zawng zawng hi a fel tawh lohna lai tam tak a awm a, kha kha kan hotute pawhin in hriat tho chu ka ring a. House-ah hian in sawi duh lo mai mai a nih te pawh kan ring ve a, khatiang deuh kha in hre tho in ka ring. NLUP hlawhtlin pui hi 50%,60% pawh nise he kan ram hian a danglam phah tho ang. Amaherawhchu kan dawn dan rilru te pawh hi in zirtir hmasak hi a ngai mang e aw ka ti. A then chuan kan dawng a, kan party thil tih a ni ti a, tihpuitlin tum mang

reng reng lo hi tun hma atang khan NLUP chauh pawh a ni lo, NLUP hmasa pawh a ni a. Tin, MNF in MIP kan tih chho ah te pawh khan lo dawh nghal tawp hi tam tak an awmin ka hria a. A hlawhtlinna tak tak ngaihtuah lo, kan party policy alawm ti ti mai thin te an awm hi a tha lo hle in ka hria a. In zirtir a ngai hle in ka hria a, chung chu point khatna-ah chuan ka'n sawi duh a.

Tin, point 2-na a ka'nsawi leh duh chu chhiah a sang tih leh buhfai man a to han tih vel pawh hi kan ti thut lutuk deuh em ni le aw, ka ti a. Session hnunngah khan ka sawi nghe nghe a. Kan Supply Minister zahawm tak khan a tum dan pawh kha a puang a, House-a a puang kha a lawmawm ka ti a. Chutih lai chuan vawi leh khata ₹ 5.50-a a to thut lai hi chu a fel lo deuhin, heti lo deuh hi a theih lo'm ni aw tih ka'n sawi leh duh a. Amaherawhchu Cabinet-in ₹ 5.50-a pung tur a a ti ta thut khan mi a barakhaih lutuk deuh a, tlema han tih san deuh te pawh a awm ve tawh. Kan thenawm state te rate pawh han en khan a awm em em a ni. Mahse kha ti teh dawrh lutuk kha chu a fel lo em mai a, mi a den dan a tha lo a. Tin, phurrit a tling riau mai tih ka'n sawi duh a.

Tin, chhiah sang chungchang-ah pawh hian kha tho kha a ni, chhiah pek hrim hrim hi kan tih tur a ni a. A pung hret hret te pawh hi a awm em em a ni, pawisa value tlahniam zelah pawh hian a awm a. Amaherawhchu, a pung hnem lutuk deuh a. Entirnan, in hmun chhiah ₹ 400/- chawi thin khan ₹ 1200/- chunglam te pek a han ngai ta lai kha chu a va mak lutuk deuh ve mawle aw! Heti lo deuh hian a theih lo'm maw ni aw? Dik tak chuan Aizawl khawpuiah te hi chuan tih dan dan te pawh a la awm thei a, thingtlang lamah te leh hmun dang tlem a kilkhawr deuhah te leh veng tlabirh deuhah chuan thil harsa a tling thei a. Thenkhat te phei chuan, "Kei chu ka pe thei ngang lo a ni, ka pe dawn rih lo," ti hlawl te pawh an awm a. Pe duh lo lam ni lovin, tlin lo hle nia inhria a, rilru nuam lo chung a pe thei lo te pawh an awm a. Kha'ngte kha kan Governor thusawiah khan a lang chiah lo na a sawi lan tha in ka hria.

Tin, ka han sawi leh duh chu tun hnai issue lian, nichinah pawh kan sawi kan sawi tawh MLPC chungchang kha. House-a kan han sawi ho a kan pass dawn boruakah kha chuan kan in tam hleih bawk a, in sawi thiam ang reng bawk si a. thil ni

thei tur tak a nih hi tih ngaihtuah dan te pawh kha a awm a nia. Mahse a takin kan hmang dawn a, rin aiin a lo khirh tlat mai a, mipui sukthlek han en hian rin aiin a lo har tlat a ni. A zawrhna tur pawh kan hmu mumal hlei thei lo tihna a lo ni a. Chuvang chuan heng te pawh hi ennawn leh nghal mai hi a tha lo'm maw ni le? A chhan chu a tu veng mahin an duh hlei thei bawk si lo a. A tirah MNF lam Local Council awmna lamah a ri nasa a; mahse, a kal a kal a, kha kha a lo ni chuang mang reng reng lova. Congress Local Council awmna-ah te pawh an niin hma an lak chiah lohna ah pawh kohhran lam leh tlawmngai pawl ten hma an la a, 'kan vengah zu zawrh kan phal lo' tih te hi a lo ri chho ta zel bawk si a. Hengte pawh hi ennawn leh vat hi a tih chi mai lo'm maw ni le. Mipui nawlpui sukthlek a lo ni lo. House-ah kan in tam hleih deuh avang khan a tha viau emaw tih theih tur khan in sawi tak tak kha chuan a ngaihtuah theih a ni. Ama'rawhchu, khawlaiah mipui ah kan han kal tak tak hian a lo tih hleih theih loh a ni awm e aw, tih kha ka ngaihtuahnaah a awm a. Hengte pawh hi ennawn leh a, tih danglam theih a ni lo'm ni aw tih te ka'n sawi lang leh duh a.

Tin, ka'n sawi leh duh pakhat chu PHE chungchangah hian, nizanah khulai Lawipui kawnah khuan pipe a puak a, kei pawh a zan a zanin ka zuk tlan thla ve a. Khu khu a awmzia ka'n zir Chiang a. Tuna Phase I kan tih tak mai hi 1986-a an siam, 1988 vela an hman tan a niin ka hria a. Mit ngeiin a hlauhawm tak tak a nih khu aw tih hi ka zuk hmu ve a. Kawngpui chhak lam pang deuh a an phum kha a ni a, thlang lam pang kha a kaw thla hawk mai a. In zawn tak a ni lo hlauh a, chuvang chuan mihring an him mai a ni. A hlauhawm dan tur chu a thlalakte kan han en khan a lo lang reng mai a. Hei hi chu ngaih pawimawh hle a ngai a nih hi. Tlawng atanga Tuikhuahtlang khi 8 km vel a ni an ti a. Tunah hian nizana hotu ten min hrilh dan chuan, 2 km hi chu a tharin an thlak tawh an ti a, chu pawh chu a mawng lam khu a ni a. Tuna thlak loh lai hlauhawm em em hi mipui tam tawhna lai a ni lehngal a, engemaw vanduinah rapthlak deuh te pawh thleng palh thei a nih hi mawle aw tih ngaihtuahna-ah a awm a. Tin, a hrechiang Engineer ten an han sawi khan, "Kan pipe hman hi a tha vak lova, tunhma ami a hlui deuh chi, khawr a welding mai hi a ni a. A welding na-ah hian a chat duh em em mai a," an ti a. A chahna lai kha a ni ziah a, tunhnaiah pawh vawihnih/vawithum lai a lo keh tawh a. Hengte hi chu ngaih pawimawh tak tak a neihah a va tha em. Khawpui tui supply-na a nih piaah lamah,

chhiatna rapthlak tak thleng thei dinhmunah a ding a ni tih vawiin-ah hian han sawi lan leh hram ka'n duh a.

Tin, sum inrenchem-na lam hi kan Governor thusawi-ah hian a lang lo tawp mai a. Ka'n en ka'n en thin a, sum kan harsa tih kan hria a. Hma kan la a, chhiahte pawh kan ti pung a, a dik e. Ama'rawhchu, kan hmalak tum dan, a renchemna tur leh financial control lam hi a lang lo tawp mai hian ka hria a. Chu chu vawiin ah hian ka'n sawi leh duh a.

Chumi ruala ka'n sawi leh duh chu 2 March Vanglaini-ah khan CM in tum 15 helicopter a hman tawh. Hmanna sum senso zat a hriat theih loh tih hi a lo lang kulh mai a – 2012 helicopter kan hman atang khan. Kan CM helicopter chuang kha kan va sawisel a ni lova, a tul leh pawimawh ah a chuang a, loh theih loh tam tak a awm tih kan hria a. Chutih lai chuan a hman man senso hriat loh tih lai hian ka rilru a khawih khawp mai a. Engnge ni a awmzia ni ang hei hi, ka chhiar tirh phat atangin ka inzawt nghal a. A chhan chu sum tam tak seng a kan hire a ni a. A awmzia-ah chuan helaiah pawh a rawn zia a, darkar khat kan hman hian ₹ 7,000/- ang vel a ni a. A rate chu engpawh ni sela, Chief Minister in a hman kha ka sawisel a ni lo, a tul ah a kal a ni mai. Amaherawhchu, a hman man pakhatmah hriat loh ringawt mai lai kha enge a awmzia hi hriatthiam harsa hlein ka hria a.

Transport Minister zahawm tak hian Transport Department bus te khi man mang lo in a duh chuan a hman ngawt thei emaw ni aw tih ngaihtuahna te a lo kal daih a, chu chu a nih ka ring lo a. Khatiang deuh hlek khan, Helicopter a nih avanga khatia hman man pawh, a senso zat pawh hriat hleih loh a Chief Minister kan lo chuan kual tir pawh kha a dik emaw ni le aw tih ka'n sawi duh a. Sum in renchem a nih mek lai khan, khatiang teh nuaih a financial management a awm a nih kha chuan a dik thei dawn lo reng reng a. Chu chu vawiin ah Pu Deputy Speaker, kan sawi lang leh duh a. Tin, kha lam kha chu tam tak sawi tur a awm thei ang a, kan duhtawk phawt ang a.

Chutihlai chuan thil pakhat kan sawi lan leh duh chu, Health Department hi ngaih pawimawh an va tul em tih hi ngaihtuahna ah a awm chho lehzual a. Committee in damdawiin te kan han tlawh kual a, kan han tlawh kual na ki tak chu,

Subject Committee II in Pollution Control Board ah, chunglam atanga lo kal in, hospital waste, an thli leh ilo vel an manage dan hi en pui deuh an ngai a ni, hospital a tam tawh si a, private hospital te tiin kan han vir kual thuak thuak a. Heng ah hian ngaihpaawimawh deuh a va ngai em, uluk deuh hlek a va ngai em, a chhan chu natna inkai theih thil tam tak a awm a, engtinngan an tui chhia an luan tir tih lai te pawh hi zir chian deuh a ngai a. Khawpui laili tak tak ah te private in hospital an din chho mek lai khan, a khalam zawk a kha kan ngaihpaawimawh loh hi chuan kan hriselna atan a tha lo thei khawp mai a, hei hi ngaihpaawimawh a tha khawp mai a.

Tin, Kulikawn Hospital kan ti nge post partum kan ti, hei pawh hi hman ni a kan tlawh pawhin a hming tak hi eng nge ni ka ti a. A thenin Kulikawn Hospital kan ni tawh alawm an ti a, a then in post partum kan ni alawm official chuan an ti a, a thawk tu te pawh khan a hming an chiang mang reng reng lo mai a. Health Department lam atangin chianglo a awm nge ni a, Health Department kan ngaihpaawimawh a tul zia hriat nan kan sawi duh a. Khangte pawh kha kan hotute'n ngaihtuahna hmangin hma han la leh se, a hming, official leh official lo deuh te a nei nge ni, an tar ah khu chuan Kulikawn Hospital chu an ti mek bawk si a. Amaherawhchu, Assembly lam atanga kan kal kha chuan Post Partum hospital tlawh tur khan kan kal bawk si a. Khatiang velah engemaw han sawi chhuahna remchang kha a ni bawk a.

Thil tam tak sawi tur te chu a la awm thei ang a, amaherawhchu, ka duh tawh mai ang a, hun tha tak min siam sak avangin ka lawm e.

DEPUTY SPEAKER : Awle, member 14 in kan sawi tawh a, dar 4 hi ban hun a ni a, sawi ho na chu duhtawh dawn mai ila. Kan House Leader leh Chief Minister ni bawk, Pu Lal Thanhawla sawiho-na khaikhawm turin lo sawm ila.

Pu LAL THANHAWLA, CHIEF MINISTER : Pu Dy. Speaker, Governor's Address tha tak kan ngaihthlak hnuah sawihona tha tak kan nei a, a lawmawm tak zet a.

Mizoram Assembly hi tun ang zela kan kal hi ka duh a. Mi ramah kan hmu a, Governor's Address in tlan tauh/chhuahsan te, in auh khum te, sawi hlei thei

lova in nghaisak te leh House chhunga insual deuh rum rum te a awm thin a. Helaiah pawh an entawn ve thelh thin a, mahse entawn zikluak lova kan awm thei hi thil lawmawm tak ani.

Vawiina kan sawiho danah pawh, a bik takin eptu pawl kan tih te atanga sawihona spirit pawh a lawmawm hle mai. Thahnemngaihna dik taka thil kan sawiho thei hi thil lawmawm tak a ni. Tin, engemaw tawngkam uchuak te pawh awm lova, thil a lawmawm zawnga a kal zel hi thil tha tak a ni. Hetiang zawnga kal zel turin kan zavaiin a mawhphurtute kan ni tih in hria ila. Harsatna leh diklohna ah inhlawm tawnin, thil diklote thahnemngaihna avangin a dik in hrih chhoh a kan sorkar hi kawng dika a kal theihna turin, a mawhphurtu theuh kan ni tih in hre chungin, he sawihona a kan han telho hi thil lawmawm tak a ni. A tlangpuiin kan han sawi ah khan, NLUP ah kan in concentrate deuh em aw tih theih a ni, han lakkhawm in. Engpawhnise opposition group zahawm tak Pu Zawma khan Chief Minister helicopter chungchang a rawn sawi a. Kei pawh ka lo en zui lem lova, han sawifiah mai theih a awm lova, zawhchian theih a nih ka ring.

Tin, helicopter hi 75% subsidy a Home in min pek a ni a, chutiang atang chuan in adjust dan te a awm thin a, tin, a pawng a puia sawisel ngawt hi an awm thin a. Amaherawhchu hnam fing apiang leh mi taima apiangin hun renchem avang te pawhin helicopter hi tu pawhin lo hmang sela thil awm tak a nihna lai a awm a, “Nuam tawl, Nuam chen” tih hi tawngkam uchuak taka neih hi an awm nual a, helicopter te hi nawmchenna ah an ngai a nih chuan chuang chuang ve mai sela ka ti a, a hlauhawm zia te hi kei ka hrechiang a. Chuvangin “Nuam tawl” ah ka in ngai hranpa lemlo a ni. Tin, ka chuan chak berna pawh ani hranpa lemlo bawk a ni.

Tin, chhiah pung kan tih hi Pu Deputy Speaker, state dangte leh ram dangte kan en ve a ngai a, kan sorkar kalphungah leh ram intodelhna tur atana kan kalna ah hian ‘thawh tur nei, responsible citizen’ kan ni tih hi kan in tuh vek a tulin ka hria. Tin, hei kan hotute hnung zuiin thingtlang ah zokhaw lamah ka zin tam ve hle a, chhiah pung complaint, sawisel hi ka hre tlem khawp mai a. Amaherawhchu han sawisel ve awmchhun te pawh in tui bill hi nichina kan ngaihthlak tak ang khan a pun dan teh thut hi chutiang khatiang a ni an ti a, kan ngaihthlak chuan a diklo chiang

khawp mai tih a hriat a. Amaherawhchu min han hrilh zel danah chuan heng a meter te pawh hi hun hmasa lam daiha lo vuah tawh kha a ni a, a supplier te pawh hriat mang loh, chutiang te chu an ni a, a supply tute thleng khan, chuvangin a meter te thleng khuan ennawn leh a ngai zawk dawn emaw ni chu aw tih te a ngaihtuah theih a ni.

Eptu lama kan awm lai a ni a, a supply tu kha kan hre chak a, mahse kan hre thei miah lo, a chang leh Chanmari an ti a, Chanmari ah kan zawng a, kan hmu thei bawk si lova, a tawpah Ngopa lampang mi a ni awm e, an ti leh a, Ngopa lampangah chuan kan han hmu chuang lem bawk lova. Chutianga vaibelchhe sawm tel man supply kha a ni a. A meter pawh hi a chianguang lo pawh a ni mai thei a. Engpawhnise Department hotute, ka hmuh phak ami te ka hriattir danah hun danga 400 chawi thin ten a sang tela a pung a nih chuan chu chu a diklo chiang a, hei hi chu lo siamrem dan in ngaihtuah tur a ni. Chutiang chuan Pu Deputy Speaker , sawisel na leh sawichhiatna leh a sang lutuk tih hi ka tawng miah lova. Tin, buhfai man pung tih pawh hi tuten emaw mirethei te thlavang hauh ni awm taka, an insawi ang hi a ni lo va, mirethei kan tih BPL te pawh hi a khawih lo reng reng tih te pawh hi hre reng chung a sawi hi milem a ni tih kan hriat a tul zawk in ka hria a.

Chuvangin chhiah pung chungchang pawh hi a tlangpuia kan ngaihtuahna turah chuan vawiin ah hian he sorkar tan hian enge ka tih ve? Mi ramah, ram changkang zawkah chuan, thenawm state maiah pawh enge an chawi mipuite hian tih hi kan ngaihtuah a, kan inhriat a ngai khawp mai. Mizoram Land Revenue Act te pawh hi uchuak zawnga zuk ngaihtuah chuan vawiina kan awmdan hi a nawm em avangin a uchuak kan ti a ni maithei a, amaherawhchu siamthat mai tur tiin kan Minister pawhin a sawi tawh a. Siamthat ngai lai lai chu kan siamtha ang a, mahse a tlangpuiin a lo sang viau a nih pawhin hei hi chu kan pawm a tha.

Thiantha te hnenah chuan ka sawi fo va, West Bengal ah Communist sorkar hotute thiantha tam tak ka nei a, Rajarhaat an tih ah khuan in hmun ka dil ve a. Min pe a, hmun tha deuh mai, lian tehchiam lo, mahse in tha tak sak theihna chu a ni e an ti a, chutah chuan ka dil ve a, 'ka ta a ni'han ti tak tak tur chuan thla hnih thum hun sen a ngai a. Pisa kalna tur, registration chumi khami a tam mai a, fee chawi neuh neuh tur kha a tam em em mai a. Tichuan a tawpah hei ka ta a ni, kan tih theih hnu ah

chuan nuaih 22 ka seng a ni. Lei ang tluk tho ka ni. Chuvangin mi ramah hian engtingge an lo khawsak tih te pawh hi kan in tehna atangin a uchuak zawng leh mipui fuihpawrh lo zawng, a tha zawng, a dam zawnga kan inhruai hi a dikin ka ring a ni.

Tin, chu chu tunah hian min dawn min dawn an awm a, hralh leh ta ilang 15% kha sorkar ah a lut leh dawn a ni, a man atang khan. Chutiang chu tunah hian mi ramah an khawsak dan a ni a, tunah hian Bangalore-a kan in hmun hmasa a foundation stone pawh kan laytawh, kan dah tawh, kan phun tawh kha kan awm loh hlan khan a lo bo leh a, tichuan tunah hian kan dil leh a, hmun tha deuh min pe a, zau tha angreng tak. Amaherawhchu 'kan ta a ni, Mizoram sorkar ta a ni' ti tur chuan nuai 99 kan sen a ngai. Mahse alo thlawna min pek a ni. Chutiang chu mi ramah chuan thil awmdan a ni. Chuvangin keini pawh hi zuau zawnga in zirtir lo in, a tuarchhel zawng leh a tha zawng leh a changkang zawnga kan inzirtir hi a tul khawp mai. Tunah pawh hian vawi khatah kan pek tlak theihloh chuan, installment min phalsak a, vawi hnih nge vawi thum, chutianga tih tur chu a ni. Kan hotuten an la ngaihtuah ang a, chutiang chu ania mi ramah chuan. Helaiyah chuan vawiinah LSC form man emaw kan chawi a, kan la a, a tukah kan hralh leh a, naia sen khat pawh kan chawi lo, hei hi kan kal reng nan a tha ang em tih te pawh hi a hminga ram hruaitu leh mipuite chung a mawhphurtute chuan kan bih ve na tur leh kan ngaihtuahna siam nan pawh a tha in ka ring.

Tin, Power Development engmah a sawi lo, tih a ni a, a sawi leh sawi loh ka hrelo a, ka la chhiar chhuak dap lo a, engpawhnise power ah hi chuan kan theih pa tawp kan chhuah. Tunah hian Tuirial, kut tlinglo a sum lak pawisak lohna vanga lo tihchhiat lailet der tawh kha a bul kan tan leh a, thil tluang taka a kal zel chuan 2015 kum tawpah hi chuan chhit theih kan beisei a, kan tlin lo hret maithei, mahse chu chu a lian awmchhun hmasa ber tur a ni. Tin, Tuirial-a lung kan phum laia sum min tumsak tu Japan ho in "Ka pu, tun ang hunah hian Tuivai 210 megawatt pechhuak thei tur pawh a lung i phum leh thei ang min tih a kha, kan awm loh hlanin a lo reh vang vang a, kan lo kir leh veleh kan hotuten hma an han la a, tunah chuan central sawrkarin VGF/Viability Gap Funding atanga min puih an tum pawhin banker guarantee pe thei leh company chhal tu ten an withdraw leh avangin tih ngaihna kan hre lo a, NEEPCO hnenah kan pe a, NEEPCO ten en memorandum of understanding,

MoU siamin, NEEPCO te kutah kan han hlan leh tawh a ni, Tuirial ang bawkin. Chutiangan a lui tam bera hi peih deuh vek an niin, company hrang hrang hnenah pek kim biai an ni tawh. Lungreng 815 megawatt pechhuak thei tur nen lam, 460 megawatt pechhuak thei tur, Chhimtuipui, Kawlchawa khuah tura NTPC a pek kha, DPR kha kan hun hmasa lama kan siam kha a lo la ni ngar ngar a, chuvangin ennawn leh a ngai a, post over run, time over run te a lo nih tawh avangin chumi tih chung chu a rei deuh a. Tunah hian clearance lak tur zawng zawng la mekin a thawh tak tak tan theih turin an inbuatsaih mek a ni. Chutiang chu power lamah pawh a ni a. Tin, tuikhuah theih zawng zawng hi kan khuap vek duh ang em, khuap thei pawh ni ta ila, tih hi ngaihtuah a ngai a.

Pu Deputy Speaker, mithiam te sawi danin tuikhuah tam tak hian environment te leh thil dang dangte a tih danglam theih avangin tih te hi ngaihtuah a ngai a. Tin, chutihruah chuan leihnuai hausakna, hun hmasa lam daih tawha kan lo bultan kha kan awmlah chung khan a reh vang vang a. Hei, MP zahawm tak Pu Zawma te nen tang ho in kan lo kir leh dawnah khan kan han beichho a, tunah hian beiseina lian tak kan nei a, heng atanga power siamchhuah hi a tlawm zawk a, pollution lamah pawh a zia awm zawk an tih avangin, chu lampang zawng te chuan ngaihtuahna suk thlek a ngai dawn em tih hi mithiamte rawnin kan la ngaihtuah tur a ni. Chutiang chu power chungchangah kan kalphung leh awmdan tlangpui a ni.

Tin, drug hi Pu Deputy Speaker, tuna sualna pung chho zel ah chutiangan khatiangan kan rama thleng ngai lo a lo thleng zel, a lo tam chho zel kan tih te hi chu a ni tur reng a ni a, Bible ah a chuang vek a, hei hi a rawn thlen dik loh chuan Bible a daw a ni dawn a, chuvangin heng hi chu a ni tur reng a ni, Bible ah a lang vek. Amaherawhchu heng lak atang hian pil bo lo in engtin nge kan inven ang tih kha kan ngaihtuah dan zawk tur a ni. A chhan chu khi lamah a chho a, a lo kir a, a lo kir leh hnu in damdawi hlauhawm berte zing ami a ni a, hei hi tunah chuan kan hnam hmelma lian ber a ni ang em aw ka ti. Zu te hi chu, zu buaipui lo hnam an tam em khawvelah hian, buaipui tham pawh a nilo. Amaherawhchu tuna 'meth' kan tih ang chi te hi chu buaipui a ngai tak zet a, khilamah a chho a, a lo chhuk leh a, chu chu kan thalai leh mi dangin an lo khawih hian sualna chi tinreng ah a um lut a ni, mithiam ten an ti a. Chuvangin hei hi do namen lo in kan do a, chuvangin drug license pek danah

pawh kan hotute an fimkhur tawh a, YMA te nen pawh in be remin, “Local Council te hriatpuina ngawt nilo in, YMA, MHIP te nena recommend lo chu drug license pawh pe tawh lo ang. Tin tuna a nei lai mek te pawh hi hmang diklo deuh ni a kan hriat te phei chu en thla in a cancel dan te pawh ngaihtuah tur,” ti hialin kan hotuten tunah hma an la a ni.

Chuvangin, drugs kan tih hi ruihhlo chi dang dangte pawh a ni vek a. Hei hi hmelmapa setana hmanraw lian ber a ni a. Chuvangin, kan thalaite pawh a suat nasa tu ber leh vawiin a a suatna tam ber a ni a. Chuvangin, kawng tinrenga namen lova kan do hi a pawimawh a ni. Chumi chu hriain kan sorkar pawhin theihtawpin tan a la thar a. Amaherawhchu kan vanneihna hi kan vanduaina a ni a. Kan thenawm state zawng zawng hi rambuai an ni a, Manipur te, Tripura te leh Assam te, Nagaland ah te, sipai an tam a. Chuvangin, hetiang drug smuggler ho hi an kal tha ngam lova, keini ram hi Pathian khawngaihna in mipui te zarah ram state ralmuang deuh ber kan nih avangin hetiang drug smuggling te, red-sandalwood smuggler te, hengho hi an zalen deuh hlek a. Chuvangin, a kawng kan nihna lai chen a awm a.

Chuvangin, kan police te, narcotics lama kan hotute leh excise te an hah phah hle a ni. Engpawh ni sela, theihpatawpin sorkar in a do reng a, nasa zawka tan lak dante pawh a ngaihtuah a, tunah hian Mizo Reserve Heart & Home battalion te pawh Central ah kan dil mek a. Defence minister te leh a titheitu te hnenah, chutah chuan, kan Mizo tangval te engemaw zat kan thunluh chuan mi ven kawngah pawh hian kan kal chak thei zawk ang tih te kan beisei a ni. Chutiang chuan, kawng tinrengin he ram leh hnam siam that nan hian hma kan la a.

Tin, member zahawm tak Dr. Beichhua’n District Council chungchang a rawn sawi kha, tun hma atangin mimal tak pawhin kei ka veite zing ami a ni a. Kut tlinglova sum lak te, eiruk te, hei hi kan sorkar hian a huat ber a ni a, mimal tak pawhin ka huat thin a ni a. Chutiang haw tak leh fihlim tum ka nih nak alaiin eiru a puhin min han chhui a, kum 12 zet min chhui a, mahsela, tun hi ka dinhmun a ni. Chuvangin, midangte pawh hi leipse ngam nise ka duh a. Council ah hian dik tak chuan Dr. Beichhua thahnem ngaihna kha ka thahnem ngaihna reng thin a ni a. A lawmawm ka ti a, khatianga thahnem a rawn ngai kha, dik tak chuan sum hman dikna atan te pawh eng eng emaw enquiry te pawh kan siamin, a guide tu turte pawh a

committee ang zawng te pawn kan dah tawh thin a ni, tun hma pawhin. Chutiang chuan, theihtawp kan lo chhuah tawh a. Engpawh ni selangin, sum hmanna diklo tak hi theihpatawpin kan mitthla reng a. Tunah pawh kan hotuten Ethics Committee te pawh hi din leh tawh ila, chak zawk leh fel zawk leh tha zawka kan kal theihna turte pawhin ruahmanna siam leh tawh ni rawh se tih te an rawt mek a ni.

Chutiang chuan, tunah hian kan ramah hian hlemhletna, kut tlinglova sum lak pawisak lohna hrim hrim a bo nan hian hmalak a tul em em a. Tin, ram chu Lalpa ta a ni tih a ni a, he ram hi diklo taka kut tlinglova sum lak chingtute hi ram hmasawna daltu an nih rual hian awhawm tak hi an vang khawp mai a. Pu Deputy Speaker engpawh nise, heng hi nimin ah pawh khan session zawh khan khulaiah CM recess room ah meeting chhawng 2 kan nei a. Project lian pui pui a lo kal mek zel a, hei khawthlang lamah tuna World Bank kawng kan neih ang hi kan ruahman leh tawh a. A bul tanna te pawh kan ruahman leh tawh a ni, mahsela, ram palaileng nia kan hriat te pawh kan ruahman leh tawh a. Tin, chuti zawnga lo fuihtu engemaw zat anmahni hlawkna tur atan an awm leh bawk si a, chungte chu engtingge kan dah ang. He sorkar hian a project cost aia a compensation a kan hman, kan senso tam zawk reng mai te hi engtingge kan tih tlem ang. Pathian hnam thlan ringtu, za-a za kan inti bawk si a tih te kan ngaihtuah a niminah khan, a luhai thlak khawp mai.

Engtingge kan hotute hian a dan Dan an ngaihtuah dawn tunah hian an ngaihtuahna ah a la awm mek a ni, chutiang chu kan awmdan hi a ni a. Chuvangin, Council ah chauh lo pawh state sorkar ah pawh hian kut tlinglova sum lak pawisa lo leh sawrkar bum a eng emaw tia lo chheprelh ang hi an la awm deuh zel a, chung chu kan zavaia kan ven tlan a ngai khawp a ni.

Tin, nichinah khan tlangram lo neih a tlem tawlh tawlh a mahse buh thar a tam tih a ni a ti a, a lawmawm khawp mai. Tunah hian NLUP avang hian tlangram lo neih kan tih ang chi kha nasa takin (a percent ka hre mai lova), a tlem tawh a ni. Mahse kan buh thar hi za a 40 vel in a pung thung a ni. A chhan chu kan agriculture scientist te an thiamna hmang thei turin kan Agriculture Minister hmasa leh tuna mi te hian incentive an pe a. Tichuan an thiamna, an ngaihtuahna, scientist, Agriculture Scientist an nih na an han hmang tha a, tichuan kan buh thar te hi tlangram ah pawh

nasa takin a lo pun phah a ni, Chutiang chuan an kal a ni tih member zahawm tak te ka'n hraitir duh a. Tlangram lo neih nasa takin a tlem si a, tlangram lo neih atangin buh thar a pung si hi engati nge tih hrethiam lo hi an tam a, NLUP ah pawh kan in hrilhfiah reng a ni.

Chutiang chuan vawiinah pawh thiam na hmang thar, an thiamna rul a raw neih tir mai mai thin te kha hmang thei turin kan hotuten incentive an rawn siam sak a, chungte avang chuan vawiin ah hian kan buh thar te pawh tlangram lo neih rau rau ah pawh a lo pung thei a ni.

Tin, NLUP kan sawi deuh ber a, chumi rual chuan tunlaiin kan Resolution mover MLA zahawm tak pawhin a rawn sawi a. Hmeichhia te dinhmun chawisan tih hi a ni a. Kan Act thar lungrual taka kan pass tlan kha kan zavaia thawkhoa kan tih a ni a. A bul rawn tum tu erawh chu Law Commission lama kan Chairman te leh member te leh Dan lama kan mithiam te an ni a. Heta kan pass tak kha Zoram dung leh vanga kan hmeichhia te an hlim tlang hle niin a lang a, lawmna chang pawh an hre khawp mai a, a lawmawm ka ti a, Tin, an lawmthu sawina ah pawh sawrkar te pawh an rawn fak a, a lawmawm khawp mai. Amaherawhchu MHIP inthlan te pawh a hnai telh telh a, hei hi sawrkar tihchhuah pawh a ni lo, a sual a kan sual chhuah a sin tih te pawh a lo chhuak leh ta a. Engnge ni an sukthlek dan a dang dawn nge ka hre lova. A tirah kha chuan lehkha te an chhuah a, sawrkar ah an lawm a, sawrkar han tih khan helaia member zawng zanwg ten lungrual taka kan pass kha a ni a, kan zavai hian a mawhphurtute kan ni a, a credit lak tur a awm a nih pawhin credit la tur te kan ni a. Mahse a bul tum te mi dang dang te an ni. Tiang chuan hun a lo kal deuh deuh a, tunah chuan sawrkar tih a ni hlei nem, kan tih a ni, kan sual chhuah a ni tih kha a ri leh nawk tawh a ni, engemaw tum nei deuh ka atang pheih chuan. Engpawh nise a tir a lawm na chang an hria kha a lawmawm reng reng a. Tin, chhiar chiang ula mipa tan khan in lawm viau ang em aw tih te ka ngaihtuah a, a chhan chu in mak te leh inthen te kha an cho thar mai ang tih te kha hlauhawm tak a ni, an chanvo kha a that deuh avangin. Chuvangin mipa lampang kha chu kan fimkhur deuh a ngai dawn niawm tak a ni.

Minster zahawm tak Pu Rinmawia pheii chuan a thusawi ah , ‘uire te hi in pawisak loh phah ang tih ka hlau a ni,’ a ti e an ti a, a chhan chu tunhma ang kha a ni dawn tawh lova, uire avang a inthen pawh khan. Engpawh nise hetiang Dan kan han nei hi thil lawmawm tak a ni a. Tin, kan rorelna heta a bulthut Village Council atangin intan chho in AMC ah kan han ti ang a, chanvo an han nei a, kan hmeichhia te kan hman tangkaina a ni tur hi thil lawmawm tak a ni a. Kohhran ah pawh kohhran changkang deuh chuan hmeichhia ordained Upate, Pastor te an han nei hial a, la nei ngam lo te pawh an awm rual in. Engpawh nise hmeichhe dinhmun sawrkar atanga chawisan a siamthat an nih tak atang hian kawng dang dangah pawh la tha chho ve zel turah ngai ila. Chutiang chu kan hotute rawn sawi tlangpui a ni a.

Tin, NLUP kan tih kha kan sawi tam ber a ni. NLUP hi za a za a hlawhtling kan ti miah lo. Amaherawhchu ka tawng an huatthu suh ah kan ram a mi harsa te, kuthnathawktu te, lo nei mi te, huan nei mi te, hmeithai te, pachhia te, inhlawhfa ten lei rem an rah a khaw eng an hmuh na tur programme hetiang a tha hi a awm ngai em aw tih erawh chu min ngaihtuah tir a. Tin, chung lampang thil tih theihna pawhin tha a ti a nih ka ring deuh a. Chuvangin NLUP hi a sawichhe pawl leh tha ti lo pawl awm mahse keini chuan tha kan ti a. Tin, sawrkar program reng reng hi za a za hlawhtling tak a ni an ti thin a. Chu ai chuan tunah hian nasa takin kan hlawhtling a ni tih kan hria a. Tin, huaisen taka kan hotuten min la kalpui zel ngam nachhan hi a dawngtu te an lawm a, a pe thei tute an lawm bawk a. Tin, khami karah khan min endik sak thin tu a surveillance, (hei hi chu a line department ah ngai ta ila), monitoring min tih sak tu Synod Social Front-te hian vawiin thleng hian min la fuih a, tha min la tihpui avangin kan kohhran hmanraw pawimawh ber ten tha an tih chu tha kan tihpui ve mai a, tha lo an tih hunah chuan tha lo kan ti ve mai turah ka ngai.

Tin, a sawi chhe duh hrim hrim tan chuan tam tak sawichhiat tur a awm ang. A chhan chu hmang tha lo te tam tak an awm a ni. Hmanni deuh ah khan party pakhatu hotu pawimawh tak pakhat chuan Lengpuih pawh Auto Rickshaw dawngtu pakhat pawhin a hralh a ni a ti a. A lo dik chiah mai a, kan han chhui a, a lo hralh gei mai a. Auto Rickshaw a dawn khan nasa takin sum a siam a, tichuan Taxi a lo nei ta a. Auto Rickshaw khalh ai chuan ka upa deuh tawh si a, a sawh a na si a, a sawh na lo deuh Taxi ah ka let ta a ni. Amaherawhchu Auto Rickshaw ngei ni se in tih chuan ka

lei leh mai ang a ti a ni. Khang kha chu kan lawmpui tur zawkah ka ngai a, chutiang chu success story tam tak min dik lo anga an ngaih kha hmuh tur a awm tih kha ka'n sawi ve hrim hrim duh a ni.

Tin, Tung hi hun hmasa lamah khan 'Anchhedawng' min lo tih sak tawh a, a paw em em a, a vanduaithlak a, khatia anchhedawng an tih avang khan tam takin an kit a, an lo paih thawl a, an lo suat a ni. Vawiinah hian Sethawn-ah khuan Pu Rothangpuia a awm a, mi taima tak a ni a. Ramah hna tinreng a thawk a, Sahbawn te a siam a, engkim, chutiang zawnga a hmalaknaah chuan Tung hi a duh zat a hmu der lo a ni. Tin, vawin thleng hian India ram hian foreign atangin a la import reng a, mahse khatiang anchhe dawng tia min lo tih tak avang khan tunah hian kan duh ang zat leh kan mammawh ang zat hi kan thar thei lova. Mahsela hralh a tlak em avang leh a manhla baw si avangin tunah hian kan encourage leh a ni, Pu Deputy Speaker. Chuvangin Oil Palm ang bawkin Tung hi kan hotuten tha an ti a ni.

Tin, NLUP hi kan tawktarh lo a ni tih hi he House ah hian Zoram mipui hriatah ka sawi duh a ni, Pu Deputy Speaker. Kan ramah buaina a awm a, kum 20 tal tap tah leh ha thial na, tawrhna nasa tak, in leh lo chan a kan khaw bul zawl atangin saruakin sipai ten min khalh khawm a, khawtharah ei leh bar leh in leh lo pawh nei fum fe lovin; mahse, chutilaiah chuan Pathian khawngaihna mi thahnemngaite avangin Remna leh Muanna he ramah hian 1986-ah a lo thleng a, remna leh muana hnuaiah khan Zofa kawla ni chhuak chhiara, a sur a sa hnuaia thawk thin, ram tuk rel thin ho khan eizawna funfe ti turin sum leh pai cheng zahnih khat pawh thul khung tur an nei lo a ni. Chuvangin kan hotuten ngun takin an ngaihtuah a. Pathian lam tang programme ah hian an inngat thin a ni, remna leh muana ah khan.

Chuvangin tunah pawh hian heng mi rethei tam ber pawh hi Lal Isuan, 'Heng ka unau te berte zinga mi pakhat chung a in tih chu ka chung a ti in ni' a tih kha. Chuvangin heng mirethei mahni thu a eizawna ngelnghet nei thei tawh lo tur, an khaw bu zawl a, kir leh si lo te hi eizawna ngelnghet an neih theihna turin theihpatawp kan chhuahpui a ngai a ni an ti a, NLUP hi kan hotuten an ngaihtuah chhuak a ni.

DEPUTY SPEAKER : Pu House Leader, min lo hrethiam lawk la, dar li thleng programme a ni a, chuvangin kan pel lo thei lova, mahse vawiinah he motion hi kan zawh a ngai si a, House phalna ka lak a ngai a ni. Kan remti em? Dar li pelh ah la ti chhunzawm zel ang u aw, a laklawh a. Le, kan chhunzawm zel ang a, sawi zawm rawh le.

Pu LAL THANHAWLA, CHIEF MINISTER : Pu Deputy Speaker, kan hotuten Pathian lam tang programme, Pathian rawn inrawlhna tlak an ngaihtuah a. NLUP in mirethei te rahbi kan tuk sak ang, eizawanna tur a lo berah cheng singthum talin tanpuina kan ngaihtuah ang. Tin, rangva in chung nei zo lo te hnenah in chung tur kan pe ang an ti a ni. Mithiam pui pui khan an hmusit hle a, thil theih loh, khawi sorkar mahin an la tih ngai loh an ti a, mi an hmusit em em a. Kei phe chu engmahlo ni mah ila a hminga hotupa ka nih avangin min hmusit lehzual a ni. Mahse Pathian lamtang programme a nih avangin Pathianin a mite tan a thil tihtheihna hmangin a rawn tihlawhtling a. Kan hun hmasaah pawh khan chhungkaw sing tam tak cheng singthumin rahbi kan tuksak hman a. Tin, chhungkaw sing tam tak hnenah rangva in chung tur kan pe a ni. Khawvel miten theih loh an tih kha Pathian lamtang programme a nih avangin Pathianin a mite tan mal a sawm a, tiang khan nasa takin a rawn tihlawhtling a ni tih hi a takin he hnam hian a hmu a ni, Pu Deputy Speaker.

Tun tumah pawh hian khatianga tanpui ngai tam tak an la awm a ni tih kan hotuten an hria a, chuvangin kan sorkar chuan NLUP changtlung zawkin a changtlung zawk ta reng a ni. Chuvangin a tawi zawngin tunah hian kan hotuten Delhi-ah an zuk feh thlak pui a, kan beisei aiin an lo tui a, tichuan kan sorkar veleh kan sem lehngal ang kan tih kha kum hnih min chai khawtlai a ni, Central lamin tha an ti a, uluk zawkin a scheme leh project-te min siam pui avangin. Tichuan keini chuan mawl taka kan han ngaihtuahnaah kum 5 chhungin chhungkaw 1,20,000 vel thlang ila, ₹ 1,00,000 hisapin tanpui tur ni ta sela cheng vaibelchhe 1500 vel chuan a daih mai ang tiin cheng vaibelchhe 1500 kan dil a ni. Nimahsela, Engkimtithian a zawnchhuah ram a a hnam thlante zingah Lal Isuan heng ka unau a tihte ta tur a ni avang khan ringlo mi ho thinlungah a thawk a, tichuan kan dil let min pe a ni. India sorkar-ah dil let pek an awm ngai reng reng lo, dil aia tlem vek min pe. Cheng vaibelchhe 2000 kan duh chuan 5000 dil a ngai.

Heng atang ringawt pawh hian Pathian kut NLUP-ah hian kan hmuh a tulin ka hria a, chuvangin a dawngtute phei chuan rinawmna, dikna, taihmakna leh Pathian tihna nung nen an dawn a ngai a ni. Chuvangin, NLUP kan tihin a zawn chu kuthnathawk mi, lo nei mi, huan nei mi te, hmeithai te, pachhia te, inhlawhfa te, tunah phei chuan mi chhumchhia te nen lam chungho chu a tanpui a ni. Chutiang zawk chu a ni a, chuvangin NLUP hi tawktarh chi pawh a ni lo, pawng va tawktarh ringawt ila khawi ami nge keini in kan sem theih ang, Engkimtitheie programme a nih avangin Engkimtitheian a rawn ti mai a ni kan dil aia tam. Chutiang zawk chu a ni tih hria ila, chuvangin vawiinah hian kan hlawhtlinpui theihna turin hma theihpatawp in kan hotuten an la a ni.

Tichuan tunah pawh party panga hotuten an zuk hek a ni tih kan hmu a, sorkar-in hetiang hian in hek suh u tiin an memorandum te min rawn thawn let a, kan han en a, mahse chuti chung pawhin a tawp mai ka ring lova, Pathianin a zawnchhuah ram, a hnam thlante zingah pawh mi hnuaihnunga ngaih, Lal Isuan heng ka unau te a tihte tan a nih avangin kan beisei ang ngeiin an rawn chhunzawm leh ta a ni. A kal zelna turah pawh harsatna siam an awm loh chuan tluang takin a kal chhoh zel ka beisei. Mahse chutih laiin hlawhchham tam tak an awm, tihtawp sak kan nei a, la chawitir turte pawh an awm ang. Duhsak taka leirem an rah a, khaw eng lam an hmuh nana pek chung pawh a lo la eiruk tum talhte an la awm a ni. Chung ho chu sorkar sum eiruk thian a nih loh avangin an chungah kutthlak te pawh a ngai a, tihtawp sak mai piah lamah khan engtinngan an la kal ang tihte pawh ngaihtuah a la ngai mai thei. Chuvangin, hei hi tawktarh chi pawh a ni lova; tin, a duhlo tan lak chi pawh a ni lova, a duh tan chauh pek a ni a, chutah pawh chuan kan hotuten tute pawh a lo thawk hlawhtling tawh sa pawh hma a sawn zelna atan tanpui an ngaih phawt chuan chutiang chuan tanpuina pawh pek tur a ni an ti zawk a ni. Chutiang chu NLUP kalphung hi a ni a, party mal bik tan tih a ni lo, mahse chumi entir nan chuan base line survey atan pawh YMA kan hmang a ni Pu Speaker. Amaherawhchu, zokhuaah khan a thlangtu Village Committee zingah khan Congress an lo tam ber a, Congress an lo in duhsak a nih chuan chu chu kan zuk hriatpui lova, kan tum pawh a ni lo. A hlawhtlin pui tur awm apiang leh tanpui ngai apiang tanpui nana kan tih a ni, chutiang zawk chu NLUP kalphung a ni tih kha vawiinah hian he House member zahawm takte hian hre tlang ila.

Tin, hengte hi a pawimawhna chu harsat lutuk avangin thingtlang lamah mi tam tak an pem lut a, mahse an pem luhnaah pawh chuan mi inhnuai hnuai leh chhawng luahin ram inch 1 pawh ka ram a ni tih tur nei lovin mi tam tak an la awm a ni, Pu Speaker. Chungte pawh chu hre rengin kan hotuten an khaw buzawla an let leh theih chuan duhsakna an pe a, a nih loh chuan helaiah ram inch 1 pawh nei lovin awm mahsela chung mite chu thlah thlak an nih lohna turin kan hotuten petty trade tiin ₹ 10,000 (singkhat) telin an la tanpui ta zel a ni, chutiang chu NLUP in a tum hi a ni zawk a. Party taka hman chi pawh a ni lova, chutiang chu kan tum pawh a ni lova. Chutiang chuan tum ta ila malsawmtu hian keimahni chungah hian a thinurna a lantir ang tih pawh a hlauhawm zawk a ni. Chutiang a nih avangin Pu Deputy Speaker, kan hotuten hetiang hian an kalpui a, vawiinah hian kan hmuh dan chuan a dawngtute an lawm hle a, a dawnglo te pawh an lawm tho a ni, a hlawhtlingte lawmpui nachang an hria, chutiang chu NLUP kalphung a ni. Chuvangin NLUP in kan duh ber chu zokhuuaa kan mipuite lei rem an rah a, khaw eng an hmuh a, milian leh mi hausa tlawn reng renga khawsa lova anmahni khaw buzawlah theuh ralmuang tak leh thlamuang taka an khawsak theih hi kan duhdan a ni a.

Tin, an lo hlawhtlin atangin malsawmna tam tak tawng baw zelin chu malsawmna tam tak an tawn buak atang chuan an lawmthu sawina, chhungtin ten an lawmthu sawinaah khan kohhran theuh thawhlawmte lo pung sela, tichuan an kohhran theuh thawhlawm lo pung atang chuan kan kohhran hrang hrangte thlarau bo zawngin luangchhuak tam sela. Tichuan, malsawmna atanga malsawmna tam leh zawkah kan lut ang tih kan beisei a, chumi thlir chuan kan hotute hian NLUP hi an kalpui a ni. Chuvangin mimal induhsakna a leng lova, NLUP atana pawisa min rawn pek hian naia sen khat pawhin kawng a bo tur a ni lo kan ti a ni. Tun thleng hian kawngbo a la awmin kan hre lova, kan bih ngun hle a. Chumi piahlahmah chuan inpuhmawhna tur atan NLUP avangin kan department in harsatna kan tawk ti hi an la awm reng a, pawnlama politics bawlhhlawha hmang duh te chuan lo hmang mai mai mahse pawikan ti lova, mahse sorkar hnathawk chhung zingah an awm a nih chuan chutiang dawt hul huala mahni sorkar sawichhetute chu an chungah action kan la zel ang ka ti a ni. A lehlahmah chuan NLUP hi kan tangkai pui hle zawk a, engemaw changa han pawh zeuhte hi kan nei fo zawk a ni. Chuvang chuan politics a in sawichhiat nan, ‘NLUP avangin department in sum an nei tlem,’ tiin lo au mai mai mahse pawikan ti lova.

Mahse, a thawktu ngei ngei department miten NLUP atan kan department sum an pawh avangin sum kan nei tlem titute erawh hi chu sorkarin kan hriat apiang kan ngaidam dawn lo. Mahni sorkar dawta puhtu hi mi tam tak an ni lo, ngaihdam tlak pawh an ni lo.

Engpawhnise, Pu Deputy Speaker, wawiinah helaiah sawihona tha tak kan nei a, a lawmawm a. Governor Address tha taka kan han ngaithla te hi thil lawmawm tak a ni. India ram Assembly House hrang hrang kan en hian Governor Address pawh chhiar hlei thei lova siamte a tam a ni. Chutiang thil chhia kan rama thleng lova member zahawm tak ten tha taka a present theih piah lamah responsible taka kan ram leh hnam thil a nih avanga sawihona kan han neite hi thil lawmawm tak a ni a, India ramah chuan thil vang tak a ni, khawvelah pawh a vang khawp mai. Helai hi Pathian hnamthlan kan nihna, ringtu kan nih tlan vek na, kan in unauna tilangtu a ni a, a lawmawm ka ti a, member zawng zawng hnenah lawmthu ka sawi a ni, ka lawm e.

DEPUTY SPEAKER : Tunah chuan Motion neitu Pi Vanlalawmpuii Chawngthu-in han wind up sela, House pawmpuina pawh han dil nghal mai sela a tha ang e.

Pi VANLALAWMPUII CHAWNGTHU : Pu Deputy Speaker, ka lawm e. Han sawi vakna hun pawh a ni tawh lo va, member 10 chuangin kan House Leader ho a sawihona kan nei hi lawmawm ka ti a. Kan thahnemngaihna hi kan ram leh hnam hmasawna tur a ni tih hria ila, Opposition Bench lam atangin sawiselna eng eng emaw an nei a, khangte pawh kha kan hmasawna tur vekah ka ngai. Chuvangchuan sawihona tha tak kan nei a, thahnem ngai taka kan ram, Mizoram in hma a sawn theihna tur ngaihtuahna tha tak tak kan seng a kan ngaihtuahchhuak kha a lawmawm hle mai. Tin, han belh leh lawk ka duh chu, Education Department-a zirtirtu te hlawh Budget-a dah a ni ta hi a lawmawm em em a, zirtirtuten tunah chuan hlawh an la kim thap thei a ni. Hemi piahlamah Aizawl, Lunglei leh Serchhip District DEO Office sakna turin crore engemaw zat dah a ni te pawh hi a lawmawm em a, ka sawilang tel duh bawk a ni. Tin, NLUP chungchangah khan sawi hnawm kan tum viau tak na a, a tak takah chuan tuna a sawi hnawmtute hian an sorkar hunah sem ve tho an tum ania.

Hla thu in, ‘Sawi sawi mah sela, ka nghei dawn chuang lo,’ a tih ang deuh khan tihtawp pawh tum mahse kan sem zel dawn. Chuvangin NLUP hi mirethei khaichhuahna programme, mirethei te tan kawl eng an hmuhna a ni tih kan hriat avangin kan sorkar chuan kum 5 dang kan la sem leh dawn a ni tih ka sawi tel leh a ni.

He kan Governor zahawm tak thu rawn sawi te, a lawmna Motion ka rawn move/putluh hi House-a member zahawm tak takte hian min pawmpui a, min thlawp turin ka ngenin ka sawm che u a ni e, ka lawm e.

DEPUTY SPEAKER : Awle, Motion neitu Pi Vanlalawmpuii Chawngthu-in pawmpui turin House phalna a rawn dil a. Tunah kan buk ang a, remti zawngin ‘Remti’ ti rawh u le. (Members : Remti) Remti lo kan awm chuan ‘Remti lo’ ti rawh u le. Aw, kan awm lo. Motion hi House-in lungtual takin a adopt ta e.

Tichuan, vawiina kan tih tur chu tluang takin kan zo thei ta a, a lawmawm hle a ni. Naktuk ni 19.3.2015 (Ningani) zing dar 10:30-ah kan kal khawm leh dawn nia.

Sitting is adjourned at 4:14 PM.